

VD16 S 3062
Schmaltzing, Georg

Der Psalter Davids ... in gepets weyß ... gegründet

[Nürnberg] 1530
Asc. 4336

Copyright

Das Copyright für alle Webdokumente, insbesondere für Bilder, liegt bei der Bayerischen Staatsbibliothek. Eine Folgeverwertung von Webdokumenten ist nur mit Zustimmung der Bayerischen Staatsbibliothek bzw. des Autors möglich. Externe Links auf die Angebote sind ausdrücklich erwünscht. Eine unautorisierte Übernahme ganzer Seiten oder ganzer Beiträge oder Beitragsteile ist dagegen nicht zulässig. Für nicht-kommerzielle Ausbildungszwecke können einzelne Materialien kopiert werden, solange eindeutig die Urheberschaft der Autoren bzw. der Bayerischen Staatsbibliothek kenntlich gemacht wird.

Eine Verwertung von urheberrechtlich geschützten Beiträgen und Abbildungen der auf den Servern der Bayerischen Staatsbibliothek befindlichen Daten, insbesondere durch Vervielfältigung oder Verbreitung, ist ohne vorherige schriftliche Zustimmung der Bayerischen Staatsbibliothek unzulässig und strafbar, soweit sich aus dem Urheberrechtsgesetz nichts anderes ergibt. Insbesondere ist eine Einspeicherung oder Verarbeitung in Daten systemen ohne Zustimmung der Bayerischen Staatsbibliothek unzulässig.

The Bayerische Staatsbibliothek (BSB) owns the copyright for all web documents, in particular for all images. Any further use of the web documents is subject to the approval of the Bayerische Staatsbibliothek and/or the author. External links to the offer of the BSB are expressly welcome. However, it is illegal to copy whole pages or complete articles or parts of articles without prior authorisation. Some individual materials may be copied for non-commercial educational purposes, provided that the authorship of the author(s) or of the Bayerische Staatsbibliothek is indicated unambiguously.

Unless provided otherwise by the copyright law, it is illegal and may be prosecuted as a punishable offence to use copyrighted articles and representations of the data stored on the servers of the Bayerische Staatsbibliothek, in particular by copying or disseminating them, without the prior written approval of the Bayerische Staatsbibliothek. It is in particular illegal to store or process any data in data systems without the approval of the Bayerische Staatsbibliothek.



Asc. 4336.

Schmalzberg
— —
N

<36700139490018

<36700139490018

Bayer. Staatsbibliothek



4336. 2




Der Psal- ter Davids.

Die Hundert vnd
fünffzig Psalmen/ In
gepets weys/ auß heyli-
ger Götlicher schriefft
gegründet.

Registeriert nach dem Latein
vnd Teutsch/ wo cyn yeder
Psaln hierinen zu finden

Georgius Schmalzing.

M. D. xxx.





Faint, illegible text, possibly bleed-through from the reverse side of the page.

BIBLIOTHECA
REGIA
MONACENSIS

II

Dem leser frid

vnd Gnad von Gott

durch Jesum Christum vn-
sern Heylandt.

Dieweyl Paulus ein Apostel
Jesu Christi / Ja Jesus Christus
durch desselben munde vns bevol-
hen / das wir alle die in Christo getaufft sind /
Christum anziehen / vnd ye einer dem andern
zum gutten diene.

Derhalben mir gebürt allen fleyssigen lesern
heylicher götlicher geschriefft zu dienen / auff
welche ich allein ein auff sehen hab. Derhalbē
hab ich vilen zu dienst diesen Psalter / welcher
gantz Christenlich vnd tröstlich in gebets
weyse gesetzt / wöllen lassen im druck außge-
hen.

Angesehen das solche Psalmen dem Text
nicht entgegen noch der Götlichen geschriefft
ungemes sein. Zirumb Christlicher leser wöla

lest solche hernach folgende psalmen auff
fleyssigest lesen vnd zu hertzen fassen / darinnen
du on allē zweyffel erlernen wirst / Unser sünd
vnd vnuermögen des gleychen die grosse ver-
heyssung Gottes den glaubigen zu heyl bes-
schehen vnd straff der Gotlosen. Darumb
wolt Gott das alle menschen fleyssig weren
sich in der heyligen schrifft zobelernen. Denn
wie sant Paulus. 2. Timothei. 3. schreybt / alle
geschrifft von Gott eingegeben ist nutz zur leer-
zur straff / zur besserung / zur züchtigung / in der
gerechtigkeyt. Das ein mensch Gottes
sey on wandel zu allem gutten
werck geschickt / Darzu
vns allen Gott sein
gnad vnd segnen
geb / Amen.

Der Erst psalm.

Beatus vir qui non abiit.

Ein gemein gepet vmb ein
Chriſtenlich leben.

O Herr mein Gott mein vater/
durch Jesum Chriſtum vn-
ſern Herrn vnd Bruder. Ich hab ley-
der geyret geſündiget vnd geſpot-
tet/darumb pit ich dich vmb deiner
vnendtlichen Barmhertzigkeyt wil-
len / Erhalt mich das ich hinfor-
der nit wandel im rathe der gotloſen/
die dich nit kennen vnd der heuchler/
die nit nach dir fragen/ ſondern nur
geſpöt auß dir vn̄ deinem wort trey-
ben/ Vnd das ich nit trette auff den
weg der ſünder / des fleych frucht vn̄
werck zuuerbringen. O der ob ich Ja
auß ſchwachheyt meiner verderbten
natur / yemals darauß treten würd
(Dieweyl kein menſch iſt der nit ſün-

00019569

Digt) Das ich doch nit lang darauff
Bestehe/sunder bald wider abtrette/
Bewar mich auch / das ich nicht sitz
auff dem stul der gyfft oder spötter/
welche jr gotlos wesen verteydigen
vnd lestern die warheit. Sondern
schaff durch deinen heyligen Geyst /
das ich meinen willen vnd lust hab
an deinem gesetz vñ an deinem wort
alzeyt / vnd das ich dauon red in mei-
nem hertzen tag vnd nacht / Das ich
nemlich allweg wölle was dir gefel-
let / vñ allweg hasse was wider dich
ist / vnd das selb in mir vñ in andern.
Ich pitt dich auch / Laß mich einen
baum sein welcher gepflanzt an den
wasser bechē deins geysts / sein frucht
bringet zu deiner eere vnd meins nech-
sten heyl / wie vnd wenn du mir des
fug vnd stat gibst / vñ das meine plet

ter wort vnd lere nicht anders dann
 nach deinem wort nicht verwelcken
 noch abfallen / vnd das mir gelinge
 was ich schaff / Laß mich mein wur-
 zel tieff vnd fest im erdtrich haben /
 vnd nit verstreuet werden mit den
 gotlosen / als den stauß oder leychte
 spreuer vom winde / sondern das ich
 bestehe im gericht vnd in der gemeyn
 der gerechten / Das du Herr wissest
 all mein weg / mein fallen vnd auff-
 steen / vnd lassest mich ewigklich nit
 verderben / Amen.

Der II. psalm.

Quare fremuerunt gentes.

Gemeyne pitt vmb trost vnd bestendige
 keyt in der verfolgung.

O Herre wann die welt wider
 mich tobet vmb deines worts
 vñ namens willen / so gib mir gedult
 vñ sterck deins geysts / vnd laß mich

A iiij

zerreyssen die gotlosen band vnd re-
the/ vnd von mir werffen vñ verach-
ten die vnnützen joch des gewyssens
oder verdammung/ Welche du auch
Herr der du im hymel wonest ver-
lachst vnd spottest jr mir zu troste/
Laf mich aber bleyben in den sazun-
gen vnd gepoten Jesu Christi/ den du
zum König eingesetzt hast/ auff dei-
nem heyligen Berge Syon / Das ist
die Christenheyt/ das mich derselb al-
lein regiere durch den Geyst seines
munds/ Durch welchen sun ich auch
dein kindt byn/ durch welchen König
ich auch ein König vor dir worden
byn/ vñ bin im zum erb gegeben. Gib
Herr das ich dir allzeyt mit fürchten
diene nit mit heuchlerey des eusser-
lichen gottes dienst/ doch auch nicht
gezwungenlich sunder frey willig/

00019569

v
Dz ich mich frew deiner verheyßung/
vñ on sorg sey meiner seligkeit halbē/
von deines worts wegen/ vñnd das
ich erschrecke vor deinen droungen/
Das ich auch deinen sun alle zeit mit
eeren anneme/das ich den weg der ge
rechtigkēyt nicht verlier/ Gib mir du
güttiger Got das ich ewigklich vñd
vestigklich auff dich allein traw/
Amen.

Der III. psalm.

Domine quid multiplicati.

Gemeyn gepet wider die veruolger.

O Herr wenn sich meine feind vñ
veruolger wider mich hauffen
vñd setzen/vñnd sagen mir/ Ich hab
kein hilff bey dir/ So nim mich auff/
sey mein schilt hilff mir vñnd mach
mich zu eeren das ich mich dein rü
men müge vñd frewen mit auff ge
richtem haubt. Erhör mich vom

A v

deinem heyligen tempel so offft ich zu
dir schrey / Erhalt mich / Das ich
mich nicht fürcht ob sich schon hun-
dert tausent vmbher wider mich le-
gen / zerbrich die beyne vnd zene der
gotlosen / dann Herr bey dir allein
stehet hilff vnd heyl vnd segen vber
dein volck / hilff mir vnd segen mich /
Amen.

Der III. psalm.

Cum inuocarē exaudiuit me.

Gemeyne pit vmb rechten glauben.

Hör mich wenn ich ruffe Got
mein rechtfertiger / vnd tröst
mich mit der freud deines geysts / inn
aller meiner angst / Sey mir gnedig
vnd erhör mein gepette / gib das deine
eere nit so verachtet werdt / vnd die
tippigkeyt fürgezogen / sundern das
menigklich erkenne / wie wunderbar-
lich du deine heyligen vber aller men-

schen vernunft farest vnd allzeyt erhörest/ auch inn keiner sündt stecken lest/ Erheb vber mich das liecht deines antlitzs das ich dich erken durch deinen geyst/ als einen gnedigen vater/ vnd mich defhalben frewe inn meinem hertzen bis in den todt/ mit verachtung zeytlicher ding. Gib mir her du das alleine machest fride vnd ein veste ewige hoffnung vnd sicherheit in dir/ Amen.

Der v. psalm.

Verba mea auribus percipe.

Wider die seynde vnd falschen leren.

Herr hör mein wort/ mercke auf
 mein schreyen/ mein König vnd
 mein Gott/ Denn zu dir allein pette
 ich/ vnd wardt sunst keiner andern
 hilff/ Herr erhöre mich am morgen/
 das mir nemlich dein gnad in meinē
 hertzen auffgehe/ oder auch am mor

gen deins trosts nach der nacht mei-
ner trübsal. Laß mich nit vmbkum-
men mit den gotlosen den du feyndt
bist/ich kum̄ zu dir nit mit meiner ge-
rechtigkeyt / sunder auff dein groß
Barmhertzigkeyt/vnd pete gegen dei-
nem heyligen tempel in deiner forcht/
die wöllest in mir meren/Herr leyttē
du mich in deiner gerechtigkeit vmb
meiner feindt willen / Richte deinen
weg vor mir her vnd meinen weg
vor dir/das mich die gotlosen nit dar-
von führen/welche mit iren leren nur
vnrube vnd mordt im gewissen an-
richten/O herr schuldige vnd ver-
stos sie als die widerspenstigen/vnd
laß sich inn dir frewen alle die auff
dich trawen / ewigklich laß sich die
dein rümen vnd frölich sein/die dei-
nen namen liebē/Umb ringe vns mit

deiner gunst wie mit einem schilt/ in
 allen vnsern anstößen vnd nöten/
 Amen.

Der VI. psalm.

Domine ne in furore tuo.

In engsten.

Ach Herr straff mich nicht inn
 deinem zorn/ vnd züchtige mich
 nicht in deinem grimmen/ Wendt in
 von mir vnd sey mir gnedig/ dan ich
 bin seer schwach/ Herr heil mich dan
 mein gepeyn seind erschrocken/ vnd
 mein seel ist seer erschrocken. Ach
 Herr wie lang solle es doch werene?
 Wen sol ich doch deinen trost sehene?
 Wend dich lieber Herr errette mein
 seele/ Hülff mir vmb deiner barmher-
 zigkeyt willen/ wer kündt dich doch
 in disem erschrecken vnd hertzen leyd
 lobene? O Herr du wöllest mirs gne-
 diglich verzeyhen/ ich wolt schier lie-

00019568

Her du werest nicht / denn das ich solt
lenger also von dir geplagt sein / für
mich herwider lieber herr / vnd halt
mich es ist sunst auß vmb mich / Er-
höre die stim̄ meins weynens vnd
mein flehen / nymme mein gepett an
des ich verhoff / Wendt meine feindt
vnd allen jamer von mir / Amen.

Der VII. psalm.

Domine deus meus in te speraui.

Wider die feyndt.

O Herr mein Got auff dich traue
dich / Hilff mir von allen meinen
veruolgern vnd errette mich / Dann
wo du nicht hilffest / so muß ich ver-
derben / Stehe auff / Herr vnd kum̄
wider empor / dann die gotlosen vn-
sere widersacher / meynen nit das du
auff deynem stull sitzest / sie maynen
du seyst niergent vorhanden / Lieber
Herr mach dich wider empor vmb

Des schwachen hauffens willen der
 lewt die da leychtlich stuzen so die
 widerwertigkeyt angeet / Das sie nit
 ganz wider von dir abfallen / Sunder
 sich wider vmb dich versamen / Laß
 der gotlosen Bosheyt ein end werden /
 vnd fudere die gerechten / Dann du
 gerechter Gott brüffest hertzen vnd
 niern / hilff mir vnd sey mein schilt /
 der du den auffrichtigen von hertzen
 hilffst / mach mich auch also lieber
 Gott / schütte meinen feinden das vn-
 glück so sie mir zurichten auff iren
 eygnen hals / so wil ich dir dancken /
 von wegen deiner gerechtigkeit / vnd
 deinen namen loben du aller höch-
 ster / Hilff mir auß nott vmb deines
 namens willen / Amen.

Der VIII. psalm.

Domine dominus noster.

In nöthen.

O Herr vnser herscher vmb deines namens willen der also herlich vnd wundersam ist in aller welt das auch die vnmündigen kindlein denselbigen loben / vñ die meuler der lesterer verstopffen vnd schweygen / dann seine herligkeyt ist eröffnet in geschöpff aller creaturen / fürderlich aber in dem das du den menschen also erhöheth hast / vmb des willen erbarm dich mein / erhör mich vnd hilff mir auß / Durch den menschen Jesum Christum / den du zum herren gesetzt hast vber alle deiner hende werck / vnd vns auch in jm welchen du vns geschencet hast vnd alles mit jm / vnd ob du in ein wenig hat sincken lassen in todt vnd helle / so hastu in doch bald wider erhöheth / Des sey dir Herr lob / preys vnd danck in ewigkeyt / Amen.

Der ix. psalm.

Confitebor tibi domine in toto.

Wider die feyndt.

O Herr mein Gott / gib mir freud
 vnd fröligkeyt in dir / so wil ich
 deinen namē du aller höchster loben /
 Nicht für mich vnd füre mir mein
 sach auß du gerechter richter. Sey
 mir armen ein schutz in diser meiner
 angste / zu rechter zeyt die du am bes-
 ten weyst / auff das in dich hoffen al-
 le die deinen namen erkennen / dan du
 Herr hast nie verlassen die dich gesu-
 cht haben / vnd du vergist des schrey-
 ens der armen nit / Sey mir gnedig
 vnd sihe an mein elendt vnter den
 feynden / laß mich bald frölich sein in
 deinem heyl vnd in deiner hilff / auff
 das ich deinen preys allenthalben er-
 zele vñ du herr erkandt werdest / wenn
 du dem armen hilffest vnd die stolz-

B

en feinde vertilgest / Amen.

Der x. psalm

Vt quid domine recessisti löge.

Wider die feyndt.

Herr warumb machest du dich
so ferr von vns / verbirgst dich
zu der zeyt der not? Wievil müssen
sich deine arme leyden von den gotlo-
sen / die irn mutwillen treyben wie sie
es für nemen / vnd meinen nit anderst
dann du sehests nit / vnd habest vnser
gantz vergessen / rümen sich nach irē
lust / segnen sich vnd lestern dich / ver-
achten Got vnd die menschen / trutz-
en one forcht des Götlichen gericht /
liegen triegen vnd verführen die ein-
feltigen / bestrieken vnd beschweren
die armen / gleychsam giengen sie got
nit an / Hierumb stehe auff Herr got
erheb dein handt vergif der elenden
nit so gar / gestatte sollich lestern nit /

Dann du sihest das elendt vnd jamer
 das dir alles heim gesetzt wirt / vnd
 du bist der arnīc wayfen helffer / zer-
 brich die macht der Gotlosen sambt
 allen gotlosen mensche / als ein gewal-
 tiger König / Erhör das verlangen
 der elenden / richt ire hertzenn / das sie
 dich recht pitten / das du sie erhörest
 vnd ierrecht schaffest vnd helffest /
 Amen.

Der XI. psalm.

In domino confido.

Gemeyne pitt wider die anfecht-
 tung des glaubens.

Derrich traw auff dich / Laß
 mich nit abtrünnig werden vō
 dir in der widerwertigkeyt / ob mir
 schon mein beste freundt wolten rat-
 then / ich sol dein warheit verschwey-
 gen / vnd aus forcht wie ein vogel in
 die wüsteney fliehen / dann die gotlo-

B ij

sen vnter stehen mit falscher lere oder
mit list vnd drounge/vmbreiffen den
grund der warheit vnserz glaubens
verspottens vnd verdammens/Aber
du Herr laß mich keck sein bis in den
todt zubekennen dein wort/Denn dei
ne augen sehen darauff vnd Brüffen
der menschen kinder/gerechte vnd vn
gerechte/Laß nit vber mich als vber
die gotlosen regnen strick der verplen
dung vnd verzweyflung/feror des
zorns schrecken des gewissens/sunder
erleucht mich das meine augen sehen
was recht ist/vnd dir der du gerech
tigkeyt liebest wolgefellet/Amen.

Der XII. psalm.

Saluum me fac domine.

Gemeyne pitt wider falsche verfür
rische menschen lere.

O Herr mere mir den glauben vñ
zum meinem vnglauben zu hilf/

Hilff vns deinen kindern/in diser fer-
 lichen anfechtung/dan̄ der heyligen
 vnd glaubigen ist wenig worden vn-
 ter den menschen kindern vn̄ ist dein
 warheit nit in ihe/sie reden vnd leren
 vnnütze heuchlerey mit vneynigem
 hertze/verfechtens darzu stolzigtlich
 trutz der ihs were/O Herr rott aus
 solche falsche hoffertige lere/darmit
 die elenden gewissen verstor̄t werdē/
 Mach dich auff lieber Herr/vmb
 des jammers vnd seuffzens willen
 der armen vn̄ elenden/Nicht ein heyl
 auff durch die predig des Euangeli
 vnd handel getrost/dasselbige zu er-
 halten wider alle hoffart der feinde
 Breyte weyt auß das Reych deines
 worts/das da ganz lautter vnd reyn
 ist/on allen falsch/wie durch leutert
 silber im erdenem tigel/siben mal Ge-

00019569
weret/vñ behüte vns vor dem argen
vnd gotlosen geschlecht ewiglich/
dann die gotlosen geen allenthalben
vmb/wenn die vntüchtigen bösen die
oberhandt haben/Amen.

Der XIII. psalm.

Usque quo domine obliuisceris.

In nöthen das man nit verzweyffel.

O Herr wie lang wilt du mein so
gar vergessen / Wie lang ver-
birgst du dein antlitz vor mir? Wie
lang sol ich radt suchen in meiner see-
le? Wie lang sol ich leyd tragen inn
meinem hertzen tag vnd nacht? Wie
lang sol sich der feindt vber mich er-
heben? Ach herr gedencck mein sihe
mich mit barmhertzigkeyt an vnd er-
höre mich mein herr vñ mein Got er-
leucht meine augen/mach mir dz an-
gesicht frölich/ das sie nicht verblen-
det werden mit den gotlosen/sunder

seine warheyt erkennen dar durch ich
getröstet werde / vnd das ich nicht in
sündē sterb / des ewigen todts / durch
verzweyflung / Gib nicht zu das sich
meine feindt rühmen / sie seind mein
mechtig worden / vnd laß sich meine
widersacher nit frewen das ich vmb
gestossen sey / Dañ ich hoff auff dein
güt / laß mein hertz frölich sein in dei-
nem heyl / dz ich dir lob sing vñ danc
sag / wenn du mir wider auff gehol-
fen hast / Amen.

Der XIII. Psalm.

Dixit insipiens in corde suo.

Gemeine pitt vmb die Gnad Christi
wider die erbsündt.

Lieber Herr hilfse mir auß dem
gotlosen wesen von dem das ich
dich nit kenn vnd nach dir nit frag /
wie die narren vnd rohen leut thun
in iren hertzen / in welchs vnglück vñ

B iij

jamer wir alle geborn werden/vnnd
mag jm selber keiner heraus helffen/
Denn allein dein gnad / Gib mir das
ich mir keyn yrrig gewissen mache
yber menschen satzungen / oder mir
föchte da nicht zu förchten ist/sunder
dich in allen anfechtungen vnd nötz-
ten anruß auß ganzem hertzen vnd
mit vestem vertrauen vnd glauben/
das du mir helffen werdest / vn̄ das
ich lautter nichts fürcht dann dich
vnd dein gericht. Sey du herr mein
zuerficht / der du bey dem geschlecht
der gerechten bist / die auß dein wort
als iren eynigen radt vertrauē wel-
lichs die gotlosen narren verhönnen/
Darumb gib du heyl vnd laß kum-
men auß Zion der deinem volck auß
helff / durch die predig des Euange-
lij / auß der gefencknus des leybs vnd

gewissens/das wir vns in jm frewē
vnd frölich sein/Amen.

Der xv. psalm.

Domine quis habitabit in taber.

Gemeyne pitt das wir in der Christen
zal bleyben mügen.

O Herr das ich müg in deiner hüt
ten wonen/ritterlich im Euan-
gelio streyten/vnd auff deinem hey-
ligen Berg ewigklich bleiben/so mach
mich rein vñ gerecht durch den glau-
ben/das ich one wandel einher gehe
vnd recht thu/das ich die warheyt
rede/nicht heuchlerisch/sundern von
hertzen/das ich niemandt vbel nach
red niemant leyds noch vnrecht thū/
wider meinen nechsten kein schmach
auffbring/auch nit zugeß/souil mir
gezimpft zugeschehen/das ich den vn-
tichtigen nit lieb kof sunder veracht/
das ich anhang den gotföchtigen

B v

00019569

vnd ere sie / ob mir schon die gotlosen
feind darumb werden / das ich nicht
allein niemands schad sey sondern
auch yedermann dienstlich darzu /
Amen

Der XVI. psalm.

Conserua me domine.

Gemeyne pitt das wir im sterben
nicht verderben / sondern dar
durch zur herligkeyt kumen

Bewar mich Herr / das ich nit
verderbe / dann ich traw auff
dich / vnd sprech du bist mein Gott /
du darffest zwar meiner gütter nit /
sie helffen dich auch nichts / ich traw
auch nicht dar auff / aber dein kan ich
nit geratten / ich hab nit gut / wo ich
dich nit hab / derohalben ich vil leyde
vmb deinen willen / das ich dich nit
verliere oder dein gnade verschütte /
Lieber Herr hab deinen lust an mir /

wie du an den heyligen die auff erden
sind vnd an den treflichen hast/
die nicht von der welt sein / Laß mich
keinen abgot auffrichten in meinem
hertzen / als die gotlosen / die iren vil-
feltigen gözen nach eylen vnd dich
den waren Gott verlassen / vermey-
nen durch ire opfer oder werck / selig
zu werden lerens auch also / Sey du
mein gut vnd erb / erhalt mein erbteyl
das do lyeblich vnd schon ist / vnd ob
du mich ein zeytlang leffest dem ge-
walt der finsternis / Doch so rathe
mir durch deinen geyst in allen sachs-
en / das ich erwel was dir gefelt vnd
dich lobe / nit allein im geyst sunder
auch im fleysche züchtige mich stets /
Stehe mir zur rechten das ich bleyß
vñ dich alzeyt vor augen hab / keinem
andern in mir raum geß / dann allein

00019569

Dar durch werde ich erhaltenn / Das
mein geist nit verzweyffel noch mein
fleysch verwese also / O herr thu mir
kündt den weg zum leben vnd füll
mich mit freudē durch dein leyplichs
angeficht / Amen.

Der XVII. psalm.

Exaudi domine iustitiam meam.

Wider die feynde das sie vns nit ob siegen.

O Herr hör die gerechtigkeit merck
auff mein ruffen vernimb mein
gepet das nicht auß falschem mundt
gehet / sunder von hertzen / Laß mein
gericht von dir außgeen / richt du sel-
ber füre mir mein sach auß / laß deine
augen sehen was recht ist / die mensch-
en sehen nur was gleyffet / O Herre
wan du mich versuchst / durch versol-
gung oder verfürung / so laß kein vn-
trew oder mißglauben in mir erfün-
den werden / laß auch meinen mundt

mit vbertretten/das ich der menschen
 werck oder lere preysset vnd einraum
 met/Bewar mich in den wortten dei
 ner leffzen/ vor den raubern vnd seel
 mördern/ Erhalt meinen gang auff
 deinen fuß steigen/das meine tritt nit
 schlupffen / oder auff menschen lere
 fussen die da warlich schlupfen wür
 den wo du nicht hieltest/ Ich ruff zu
 dir O Gott/ neyge deine oren zu mir
 vnderhör meine wort/ Beweyß dein
 wunderbarlich güte an mir / wider die
 so sich wider deine rechte hand setzē/
 das ich wisse /das du mir mit deiner
 handt geholffen hast / das ichs nicht
 dem glück oder menschem hilff zu
 schreyß/du bist ja der Heylandt/ der
 die dir trawen/ Behütt mich wie ei
 nen augapffel im aug beschirm mich
 vnter dem schatten deiner flügel/vor

den gotlosen die mich engsten/verstör-
ren vnd vmb vnd vmb nach meiner
seel steen/in reychstagen vnd concili-
en wider mich beschliessen/ mit ge-
walt mich zuuerdringen/ O Herre
mache dich auff/ vberweltige vnd
demütige sie/ ee dann sie ire anschlege
volbringē/ erredt mein seele von den
gotlosen/ mit deinem schwert die wi-
der deine handt streben/nur zeytliche
ding suchen/vil anhang vnd freunde
darzu grosse gütter haben/ darauff
sie pochen/ Du aber lieber Herre laß
mich allzeyt reych inn gerechtigkeit
erscheynen vor deinem angesicht/das
ich sat werd wenn dein herrligkeit er-
scheynen wird/Amen.

Der XVIII. psalm.

Diligā te domine fortitudo mea.

Gemeyne pitt vmb
rettunge.

Utzündt mich lieber Herr in
 grosser hitzigen lieb gegen dir/
 das ich dir von hertzen lob vñ danck
 sag/in betrachtung der grossen gnad
 die du mir erzeygt hast / in dem das
 du mich vonn so grausamen zorn er-
 löset hast / derhalben ich allzeyt zu dir
 fliehe hilff lieber Herr vñnd sey mein
 sterck / mein felf / mein burg / mein er-
 retter / mein Got / mein hort / mein zu-
 versicht / mein schilt / mein schutz vñnd
 horn meines heyls / Ich ruff dich an
 mit loben / erlöf mich vō meinen feind-
 den / **O** Herre billich sol ich dir holdt
 sein / dann auß der grösse meins jam-
 mers / wirt offenbar dein grosse wol-
 that die du mir erzeygt hast / ich lag
 in todtes banden vñnd stricken der
 helle / vñnd die Beche Belial oder vnges-
 stümie aller boshaftigen erschreckt

ten vñ vberweltigeten mich / in solch
er angst hab ich zu dir geschrien vnd
garuffen / vñ du hast mich erhöret
von deinem heyligen tempel / mein ge-
schrey ist kummen zu deinen oren / den
gleich wie du deinen zorn erzeygetest
vber Egipthen land da du dein volck
woltest erretten / vñ im leyden Chri-
sti deins lieben suns / da du in woltest
erkleren / also ist auch bey mir / auß
deinem zorne die erden erzittert / das
fexer mit dampffe entbrandt / der
lufft mit finstern stormwindē tunc-
len wolcken in hagel vnd blitzen er-
füllet / die wasser quellen auß dem
grundt der erden herfür gebrochen /
Das ist alle trübsal vnd leyden sind
auß deinem gerechten zorne heuffig
daher kummen / Aber du lieber Herr
schickest auß von der höhe vñ holest

mich/zeühest mich auß grossen was-
 sern der trübsal/Errettest mich von
 meinen vilen mechtigen starcken feyn-
 den vnd hassern/die mich vberwel-
 tigen zur zeyt meins vnfalls/ O Herr
 für mich auß der angst auff weytten
 raumb deines trosts / vnd reysß mich
 herauf/ hab lust zu mir vnd gib mir
 das ich bewar deine wege / in reyni-
 keyt meiner hende/ vnd in gerechtig-
 keyt vor dir wandel/ das ich nit got-
 losß wider dich sey/laß alle deine recht
 vñ wolgefallen ymmer vor mir sein/
 vñnd laß mich deine sitten nicht von
 mir werffen/ Laß mich onn wandel
 bey dir sein/vnd behüt mich vor aller
 sünde/auff das du mir herre vergil-
 test nach meiner gerechtigkeit/vñnd
 nach der reynigkeyt meiner hend vor
 deinen augen/dann du einem yeden
 C

Bist wie er dich helt im glauben / Bey
den heyligen bist du heylig / vnd bey
denen on wandel bist du on wandel
vnd bey den reynen bist du reyn / vnd
bey den verferten bist du verfert / hie-
rumb wer in dich trawet dem erzey-
ge trew / vnd hilff deinem elenden
volck vnd nidrig die hohen augen /
Erleucht mein liecht vnd vertreyß
mein finsternus / Erledige mich von
aller meiner anfechtung / dan mit dir
kan ich kriegß volck zuschmeyssen vñ
vber die mauren springen du mein
lieber Gott / Denn deine weg sind on
wandel vnd deine rede ganz lautter
vnd reyn on falsch vnd betrug / Du
bist der schilt aller die dir trawē / Es
ist kein ander Got dan du vnser herr
vnd vnser hort / Umbgürt mich mit
kraft vnd mach meine weg on wan-

Del/rüst mich mit allem hartisch des
 geysts wider die feind/das ich schnell
 lauff wie der hirsch/ vñ auff die hö-
 he trette ritterlich streytte / Gib mir
 den schilt deines heyls/laß mich dein
 rechte handt stercken/ das ich nit ge-
 leytte/ sondern meinen feynden nach-
 iage vñ sie zerschmeysse/vnterwerff/
 veritag/ zerstör wie staub vñnd kott/
 hilff mir von allen freueln lewotten.
 Beweyß mir dein groß heyl vñd thu
 Barmhertzigkeyt mit mir als der ich
 auch von dem samen Gyn des rech-
 ten Davids Christi vnser lieben her-
 ren / auff das ich dir müge dancken
 vnter den heyden/vñd deinem name
 lobsingem/ für alle solche gnad vñnd
 gütte die du thust an Christo vñd al-
 len Christen/Amen.

Der XIX. Psalm.

Celi enarrant gloriam dei.

Gemeyne pitt das Gott sein
wort mitteyle.

O Gott lieber herr schaff new hi-
mel / das ist / Prediger vnnnd der
selben vil / die dein eere erzelen vnd al-
lenthalsen verkündigen alle deiner
hendt werck / fürnemlich aber was
du zu vnser seligkeyt gewircket hast
durch deinen Sun Jesum Christū /
der die edle sun ist welcher du jr hüt-
ten in ihenen himeln gemacht hast /
Las sie scheynen lieber Herr / vnd die
welt erleuchten vnd erwermen mit
der hutz deines geysts / las sie her auß
gehen wie eynen Breittigam auß
seyner kammer / vñ frölich sein als ein
held / zulauffen den weg in den hyme-
len / vnnnd las vns gewislich erfahren /
das auch du hymlicher Vatter vns

freundlich worden seyest in deinem
 liebsten Sun/ Laß dein gesetz das
 on wandel ist/ vnser seelen erquickten
 vnd bekeren/ laß dein zeugtnuß vnd
 testamēt das da gewis ist vñ trew/
 vns den geyst der weyßheyt geben/
 das wir sind alber vnd vnmündig/
 laß deine auffsetz vnd wort das vns
 gerecht macht/ vnser hertzen erfreu
 en/ laß dein lauter gepot die augen vn
 sers gemüts erleuchten mit auffge
 decktem antlitz des Mosi durch chri
 stum/ Gib vns dein reyne vnd hey
 lige forcht/ die nit mit sünden vermif
 cht sey/ die auß der liebe herkum̄/ die
 nicht hinweg gehe sunder ewigklich
 bey vns bleybe/ vñ stoß auß die fleisch
 lich forcht/ die sich allein fürcht wenn
 es vbel gehet/ wennes aber wol geet/
 so ist sie on sorg/ Das wir dich fürch=

ten allein vns deinen willen / das
wir dich mit beleydigen oder verlieris
g Deine recht dadurch du tödrest
den alten Adam inn vns / die da alle
samt recht schaffen war / vnd ge-
recht seind / die laß vns lustiger vnd
gefelliger sein / dan alle reychtumber
vnd wollust auff erden / vnd gib das
wir die selbigen haltē / dan durch sie
ist dein knecht fürsichtig / vnd wer sie
helt wirt reychlich belonet / Aber O
Herr herr wer verstet vñ merckt al-
le seine fele vnd sünd & warlich nie-
mant. Darumb so mach mich reyn
von meinen heimlichen / vnd von der
heuchlerey. Nim wegt von mir was
ich noch vbrig hab vom altē Adam.
Nach behalt mich deinen knecht / vor
den stolzen vnd abgesünderten von
dir das sie nicht vber mich herschen /

vnd das ich nicht verwillige in jren
 radt/so wird ich on wandel sein/vñ
 vnschuldig bleyben vor grosser mis=
 sethat. Das ist / nemlich das abtret=
 ten von dir. Laß dich nit verdriessen
 die red meines mundes / laß dir wol=
 gefallen die rede vñd Betrachtung
 meins hertze vor dir/ Herr mein hort
 vnd mein erlöser/Amen.

Der xx.psaln.

Exaudiat te dominus.

Das Christus reych glückselig sey
 wider alle seine feindt.

O Herr erhör mich in diser mei=
 ner angst/ laß mich deinen na=
 men schützen / du Gott des Israels/
 Schick mir hilff vō deiner heyligen
 Stat/Sterck mich von Zion / tröst
 mich / gedencck meins gepets vñ hertz=
 lichen verlangens/ Das ich dir opf=
 fer. Ja vil mer gedencck des / das Je=
 C iij

00019569

sus Christus dein lieber Sun dir als
ler freundlichsten Vater für mich ge-
opffert hat / mit thun vnnnd gepette.
Sey mir vmb desselbigen willen gne-
dig vnd hilff mir eylends. Laß mich
Bald frölich werden inn deiner hilff/
vñ rümen in deinem gewaltigen na-
men / dann darbey das du erhörest /
vnd vnser Bitte durch Jesum Chri-
stum erfülltest / wirdt kund das Chri-
stus dein heylandt ist / dem du allzeyt
hilffest / vnnnd in deinem heyligen hy-
mel erhörest / darzu mit mechtigem
heyl deiner rechten erlösest / also das
alle die sich auff menschen krafft ver-
lassen gesturzt werden / vnnnd müssen
versterben / aber die sich auff deinen
namen vertrösten steen auffgericht /
Darumb hilff o Herr vñ der künig
vnser heylandt Jesus Christus erhö-

XXI
re vns zur zeyt weñ wir rüffen / Amē

Der XXI. psalm.

Domine in virtute tua.

Gemeyne pitt vmb den seggen vnd
bestandt des Euangelij.

H Vm̄ mir zuuor mein lieber herr
vnd Gott mit deinem seggen inn
allen meinen sachen. Durch Jesum
Christum vnsern König dem du al-
len gewalt hast geben im hymel vnd
auff erden. Welcher auch aller men-
schen heyl vnd seggen ist / vnd dein lie-
ber Sun durch den du allein vns ver-
söndt hast / alles wirckest / alle pit er-
hörest / alle glaubigen erfreuest / alle
seyndt vberwindest mit ferner ver-
brennest / vnd alle ire lere vnd werck
zu nichte machest / veriagest / mit vn-
glück belestigest / Erfrew mich mit
freuden deins angesichts vnd deiner
gegenwertigkeyt / Laß mich durch

C v

00019569

dein güt vest bleyben du aller höch-
ster/nach dem ich auff dich hoff/ Er-
heb dich Herr inn deiner krafft/ laß
dein macht kundt werden der welt/
Erheb das reych Christi/ vnd ver-
trück seine widerwertigen. So wöl-
len wir singen/ dein macht loben/ vnd
deinem namen dancken/ Amen.

Der xxii. psalm.

Deus deus meus respice in me.

In nōtten.

Mein Gott/ mein Gott/ dencke
auff mich vnd verlaß mich nit
den ich schrey tag vnd nacht zu dir/
das wöllest mir lieber Herr für kein
thorheyt rechen / dann du bist heylig
der du wonest vnter dem lob Israël/
dem alle glaubigen lob vnd danck
sagen/ als der nie keinen hat verlassen
der in angerüffen hat/ Dann unsere
vetter haben auff dich trawet/ vnd

wen sie zu dir schreyen / so haldest du in
 auß / vñ hast sie nit lassen zu chanden
 werden vor dir / ich aber bin gantz
 verworffen als ein wurm / vnd kein
 mēsch / den yeder man verachtet sam̄
 von Gott verlassen / Ach lieber vater
 hilff mir yezundt auß / denn du hast
 mich auß meiner mutter leybe gezo-
 gen vnd hast mich vō mutter leyb an
 bis here enthalten vnd ernert durch
 dein güt / Lieber Gott zeuche sie yez-
 und erst nicht ab von mir / mach dich
 nit ferr vō mir / Dañ angst ist nahen
 vnd ist sunst niemant der mir helff
 dañ du allein / meniglich groß vnd
 klein / arm vñ reych sind wider mich
 So bin ich selber krafftlos zerfließe
 vor forcht / wie ein wasser oder ein
 wachs an der hitze. In sum̄a da ist
 weder an mir noch keinem andern

00019569

yrigent ein trost oder sterck sundern
nur an dir / Hilff mir auß vmb Jesu
Christi willen / der für mich so grosse
schmach angst vnd not gelitten hat
der für mich hin vnd here gerissen /
durch schlagē / durch stochen / durch
graben vnd aufgespant ist worden /
vnd vmb seins werden pluts willen /
das er also miltigklich vergossen hat
zuuergebung vnser sünden. Zu einem
neuen vñ ewigen pund vñ testamēt
zwischen dir vñ vns. Herr sey nit ferr
von mir / mein stercke eyl mir zu helf=
fen. Errett mein leben vom schwert /
vñ mein einsame seele von der macht
der hundert / hilff mir auß dem rachen
des löwen / vnd erhör mich vnter den
hörnern der einhörner. So will ich
dein namen meinen Brüdern erzelen
vñ wil dich preisen in der gemein der

heyligen vnd sagen/ rümet den Herz-
 ren die jr in fürchtet / es eere in aller
 samen Jacob / vnd vor im schewe sich
 aller samen Israel / Dann er veracht
 nit das elendt vnd gepett des armen.
 Wendt dein antliz nit von mir erhör
 mein geschrey. So wil ich das den
 armen elenden betrübt. i vñ beküm-
 merten am leyß vñnd gewissen erze-
 len / Das sie auch ewigklich leben er-
 gerzt / gesterckt vnd getröst werden /
 vnd fleysiger sich zu dir halten / vnd
 dir lob vnd danck sagen / vñ also dei-
 ne kinder vnd reych gemeret / dein lob
 aufgebreyttet oder zu kinds kindern
 verkündigt werdt / auch dein gerech-
 tigkeyt dem new gepornen volck ge-
 predigt / das du allein seyest ders thu
 vnd in der not helffest / Amen.

Der xxiii. Psalm.

Dominus regit me, & nihil mihi deerit.

Gemeyne pitt das vns Gott

Beware vnd weyde.

Herr mein hirt / weyd mich deint
Delendt scheslein / so wirdt mir
nichts mangeln / Laß mich legern an
dem ort der vber reychen weyd deins
worts / bey den lustigen wasserbech-
en des heyligen geysts / das ich erqui-
ckt werde / laß mich vnter deiner sorg
ruwen / Kere meine seele zu dir / vnd
erküle sie / Füre mich auff die strassen
deiner gerechtigkeit / vmb deines na-
mens willen / vnd ob ich auch wan-
dern muß in dem thal der finsternuß
vnd des todts so sey bey mir / das ich
mich vor keinem vnglück fürcht. Laß
mich deinen stecken vnd stab / dein
heyligs mechtigs worte trösten vnd
auffenthalten. Bereyt vor mir einen

tisch deines worts / das ich verneme
 vnd gesterckt werde / wider alle hel-
 lische macht / das sie mein nit mecht-
 tig werden. Nach mein haubt feyst
 mit dem öle deines geysts / vnd der
 freuden vñ der heiligung / Vnd mach
 mich truncken mit deinem kelch das
 ich mein selbst ganz verges vnd ver-
 leugnen / vnd dein geyst allein in mir
 regier. Das mich dein gute vñ barm-
 hertzigkeyt nimmer mer verlaß / die-
 weyl ich leb vnd laß mich allzeyt bley-
 ben in deinem hauß / in deinem schaff-
 stal / der du der oberst hirt bist / Amē.

Der XXIII. psalm.

Domini est terra, & plenitudo eius.

Gemeine pitt vmbß reych Gottes.

O Herr des als eines Schöpffers
 die erden ist / vñ alles was dar-
 inn ist / mach mich also das ich müg
 auff deinem berg geen / vnd steen in

deiner heyligen stat/das ich vnschuldige hendt hab / eines reynen hertzen sey/mein seel nicht vergeblich erhebe/ vnd nit felschlich schwere / vnd mütig von dir Got meinem heyl empfahen segen / barmhertzigkeit vñ gerechtigkeit / vnd sey new geporen in dir vnd frag allzeyt nach dir/nicht fliehe vor deinem angesicht wie Adam/sunder suche dasselbig zu sehen wie Jacob/Las Herr ewigklich in mir regiern den König der eeren/ der da starck/mechtig im streyt vnd der Herr der heerscharen ist. Ja las in regiern auch durch die gantzen welt/als einē herliche vberwinder der sünden des todts/des teuffels vñnd der heel/das im aller gewalt vnterthan sey vnd in seinem namen alle knie werden gebogen / im hymel auff erden vnd in

der helle/Amen.

Der xxv. psalm.

Ad te domine leuauí animá meam.

In nöthen vmb Bestendigkeyt.

Zu dir Herr erhebe ich mein seel/
 zu mein Got ich hoff auff dich laß
 mich nit ymmer zuschanden werde/
 das sich mein feindt nit frewen vber
 mich vnd mein spotten. Dann keiner
 wirdt zu schanden der dein harret.
 sunder nur die losen verechter.

Herr zeyg mir dein weg vñ lere mich
 deine steyge/ Beware mich vor dem
 vnglauben vnd gotlosen wesen / vnd
 laß mich nit felen an deinem wort in
 kein weyß/leyt mich inn deiner war-
 heyt vnd leer mich / dann du bist der
 Gott meus heyls / teglich harr ich
 dein Herr gedencck nicht meiner sün-
 den von jugent auff bis daher / noch
 meiner vnrwissenheit vñ vnuerstants

D

00019589

sunder gedencck vil mer an dein barm
herzigkeyt vnd an dein gütte / die vō
ewigkeyt her sind / vnd können durch
vnsere sündt / wie groß sie ymmer
mer sein mügen / nit abgetriben noch
auff gehalten werden. So gedencck
nun mein nach deiner barmherzig-
keyt vns deiner gütte willen. Dann
du Herr bist gut vnd gerecht vñ da-
rumb kanst du nit lassen / das du die
sünder vnd yrenden vō deinem weg
nit lereest / das sie gelert im geyst recht
geen vnd nit mer dem yrthumb nach
volgen / Herr alle deine steyg seind
gut vnd trew / Du sagst auß gnaden
zu / vnd helst getrewlich was du zu
gesagt hast. Du sagest wol allen zu /
aber du helst allein den die deinen
bund vnd zeugknus behütten / Wel-
licher lust ist an deinem gesatz vnd

an deinen wortten tag vnd nacht/
 Ach Herr das ich auch derselben ei-
 ner sey/so sey vns deins namens wil-
 len meiner missethat gnedig die da
 groß ist/ Vnd gib mir dein forcht/
 Lere mich den weg den du erwelest/
 das mein seel in guttem vnd in den
 hütten der zuuersicht won/vnd mei-
 ne kinder so von mir durch dein wort
 gelert seind/vnd meinem glauben
 nachuolgen/dein erben seyen /der du
 Herr bist/ vber himel vnd erden/ sey
 vnser Beuestigūg/ das wir nit durch
 den vnglauben abfallen von dir / vñ
 laß vns dein geheymnuß vnd pundt
 wissen/das ist/nemlich der glaub vñ
 dein erkentnuß / welliche niemande
 weyß noch haben mag / er neme es
 dann von dir vnd forcht dich/ Herr
 mein augē sehen stets auff dich/reyß

meine fuß des gemüts auß dem strick
der mißthat / der vnwissenheyt vn̄
des irthums. Wendt dich zu mir vn̄
sey mir gnedig dann ich bin einsam
vnd elendt / Die angst meins hertzen
ist groß / für mich auß meinen nöthen.
Sihe an meinen jamer vnd elendt
vnd vergib all mein sünd / Sihe das
in einer feindt so vil ist / vnd mit fre-
uelen haß hassen sie mich. Bewar
mein seele in diser angst / vnd hilff
mir auß / laß mich nicht zu schanden
werden / dann ich traw auß dich /
Alle gotselige vnd frum̄e menschen
die schlechten vn̄ rechten wöllen das
ich wil / vnd pitten vmb das ich pitt /
das ich nemlich ledig werdt / vnd sie
vn̄ alle die in engsten seind. Sie seind
mir angehangē als irem mitglied vn̄
irem bruder / der die vnschuldt vnd

recht steysf helt / ich bin durch dein
 genad nit abgefallen von der gemein
 schafft der heyligen vnd wartt noch
 ymmer deiner hilff das ich für vnd
 für bestehe / O Gott löß Israel dein
 volck / das dir gelaubt vñ trawt / auß
 aller seiner trübsal vnd not / Amen.

Der XXVI. psalm.

·Iudica me domine.

Gemeyne pitt.

Herr richt für mich / schütz mich
 von dem vnrechten meiner wi
 dersacher. Erhalt mich in hoffnung
 zu dir / das ich nit fall noch gleytte /
 prüff mich herr vñnd versuch mich /
 Leuttere mein nieren vñ mein hertz.
 Ich sihe anderswo nit hin / dan nür
 auff dein barmhertzigkeyt laß mich
 dir gefellig sein im glauben auff dein
 warheyt / laß mich inn deiner war
 heyt ewigklich wandelen / Beware

00019559

mich das ich nichts zuschaffen hab
mit den eytlen / Boshaftigen vnd
gotlosen leuten / dir nur aufwendig
gleyssen vnd frum scheynen / vnd das
ich nit in jren radt verwillig. Behalt
mich aber in der gemein der vnschul-
digen / der glaubigen / vnd der hey-
ligen / da du Herr wonest / das ich
mein hend mit vnschult wasch vmb
deinen altar sey / vnd hör die stim̄ des
danckens / des lobes vnd der erzehlung
deiner wunder vnd güt / vnd das ich
dich auch mit lobe vnd dir dancke /
den̄ o Herr ich hab lieb die stelle dei-
nes hauses / vnd den ort da dein eere
wonet. Raff nicht hin mein seel mit
den gotlosen / noch mein leben mit den
plutdurstigen / die allzeyt böses thun
vnd wenn sie gleych guts thun / so
suchen sie doch jr eer darinn / Mach

mich das ich wandel im vnschuld.
 Erlöf mich vñ sey mir gnedig / Laß
 mein fuß auff der ebensteen / das ich
 dich in den samlungen lob vñ preys /
 Amen.

Der XXVII. psalm.

Dominus illuminatio mea: & salus.

Wider die feyndt vmb sterckung
 des glaubens.

Herr mein liecht vnd heyl erleu-
 che mir mein hertz das ich nicht
 yrrer / vnd hilff mir / das ich mich vor
 niemandt fürcht. Sey meins lebens
 krafft das ich nicht erschreck ob sich
 schon alle welt wider mich setzt / weñ
 die bösen meine widersacher vnd feind-
 de herzu tretten mein fleysch zu fres-
 sen / das sie anlauffen vnd fallen / Ob
 sich wider mich ein heer legt zustreyt
 ten das ich mich auff dich verlasse /
 Das eynige pit ich von dir / laß mich

00019569

Herr ewigklich in deinem hauff bley-
ben/ das ich schaw deinen lust / das
ich die freud im heyligen geyst/ das
die sünd vergeben sind/ vnd das ewi-
ge erb geschenckt/ vnd das ich besuch
deinen tempel da du wonest in den
auserwelten / das ich allzeyt sicher
sey vnter der deck deiner flügel vnd
erhöhet auff dem felsen Christo/ er-
höhe mein haubt vber mein feind die
vmb mich sind/ das ich deinen wol-
thaten danckbar sey / deinen namen
heylige mit frölichem hertzen/ in der
gemein deiner heyligen. Herr erhör
mein stym̄ / wenn ich zu dir schrey/ sey
mir gnedig vnd erhör mich / Mein
hertz sucht dich/ vñ begeret dein ant-
litz zu suchen/ O das es dich weytter
vnd allzeyt such vnd neme zu/ von
glauben zu glauben / Verbirge dein

antlig nit vor mir / Verstos nicht im
 zorn mich deinen knecht. Sey mein
 hilff / laß mich nicht / thu dein handt
 nit ab von mir / O Gott meus heyls
 Es haben mich mein nechsten freun-
 de nach dem fleysch verlassen / Herr
 nym du mich auff / laß mich gewar
 werden das du mich auffgenumen
 habst. Herr weyß mir deinen weg /
 leyt mich auff ebener ban / vmb mei-
 ner feinde willen / jr sind vil / vnd dar
 umb kan ich on dich wider sie nit bes
 stehen / gib mich nicht in jren willen /
 Denn sie haben falsche anflag wi-
 der mich auffbracht vnd reden fre-
 uel on alle schein / Lieber Herr laß
 mich deine gütte sehen im landt der
 lebendigen / wie ich dan zu dir traw
 Gib mir das ich dein gedultiglich
 erharre / vnd sey getrost im hertzen /

Amen.

Der xxviii. psalm.

Ad te domine clamabo.

In nöthen vmb gnedigen trost.

O Herr mein Got vnd mein hort
schweyg mir nicht wenn ich zu
dir ruff/das ich nit den gleych werdt
die in die gruben des verderbens fa-
ren. Erhör die stim meiner klag zu
dir / sihe an das auff heben meiner
hende zu deinem heyligen tempel / faß
mich nit vnter die gotlosen vnd vbel-
thetter / die da freuntlich mit irem
nechsten reden / vnd haben böß im
hertzen / vnd mercken nit auff dein
thun oder deiner hende werck / sie ach-
ten jr eygen thun groß / darumb wer-
den sie zubrochen vnd nicht erbawet
werden / wenn du inn iren rath vnd
nach ire bösen wesen / nach den werck
en irer hende gibst / vñ vergiltest was

sie verdienet haben / Herr sey mein
 sterck / hilff vnd schilt / laß mich wi-
 der frölich werden nach diser mei-
 ner Bekümmernuß das ich dich mit
 freuden lobbe / weñ du erhörst die stim̄
 meins flehens / O herr auff dich hof-
 fet mein hertz vnd mir ist geholffen /
 vnd mein hertz ist frölich / vñ ich wil
 dir dancken mit meinem lied / Damit
 du bist die ewige sterck deines volcks
 vñ der heylandt deines Christs vnd
 seiner glider. So hilff nun deinem
 volck lieber Herr vnd segen dein erb /
 weyd sie mit deinē wort / vnd erhöch
 sie von glauben zu glauē / biß sie das
 volkumē mans alter erlangen. Laß
 sie ewig in deiner ere bleyben / die des
 fleyschs ere verachten / Amen.

Der xxix. psalm.

Afferte domino filij dei,

00019569

Gemeyne pitt das meniglich dem
wort Gottes gehorche.

Gib vns lieber Herr das wir al-
le zeyt als kindern/deinen heylig-
gen namen preysen vnd eeren/alle
macht demselbigen zuschreyben/vnd
dich an petten im deinem heyligen
schmuck im geyst vnd in der war-
heyt/ Laß dein stym vnd wort thet-
tig vnd mechtig vnter vns sein / mit
macht vnd schmuck auff den was-
sern geen/das vns tröste/vnd schreck
die gotlosen/zerbreche die hohen stol-
zen Cedern in Libanon / vnd mach
sie lauffen oder legken wie ein Kalb/
oder junges Einhorn / zerhawe die
flamen des feners / errege die wüs-
ten/errege die hinden vnd entplöß die
welde/ auff das vnser yeder dir eere
sag in deinem tempel / laß dein wort
ewig vnter vnd in vns sitzen ein sind:

flut anzurichten vñnd regieren / das
es deinem volck krafft geb / vñnd segnen
es mit friden. Amen.

Der xxx. psalm.

Exaltabo te domine, quoniã suscepisti.

In nöthen das Gott auß gnaden alle
trübsal zum besten wölle wenden.

O Herr hebe mich auff mit deiner
erlöfunge / auß meinen nöthen /
vñnd laß meine feind sich nit frewen
vber mir / so wil ich dich erheben mit
preyß vñnd dir ewig lob vñnd danck
sagen / Herr mein Gott / ich schrey zu
dir mache mich heyl / Füre mein seel
auß der hell / Behalt mich lebendig dz
ich nit wie sie in die gruben fare / Laß
mich dir sambt allen heiligen lob sin-
gen deinen namen heyligen vñ danck
en zu gedechtnuß deiner heyligkeyt in
hertzlicher freude / Lym dises leyd
vñ angst von mir hinweg / Laß deis

nen zoren kurz vber mir sein / laß dir
mein lebē gefellig sein. Laß den abent
des weynens vergeen vnd den mor-
gen des trosts vnd der freuden auff-
geen / dann du es ye gut meinst / vnd
nichts anders in der straff suchest /
dann das leben / darzu hast du lust /
Was haben wir doch denn nur her-
zen leyd so du dein antliz von vns
wendest? Denn so ligts alles darni-
der / wens vns wolgehet so meynen
wir es habe nimmer mer kein not / so
es doch nur gnad ist / durch dein wol-
gefallen machstu vnsern berg starck /
darumb wil ich Herr zu dir ruffen /
dir wil ich flehen. Was hastu lieber
Herr nutz an meinem blutte / so ich
verdirber wirstu nit vil mer geprey-
set vñ mir so du mir auß hilffest auß
meinen nöthen / wirdt dir auch der

staub/oder die im todt sind / dancken
 vnd dein trew verkündigen/ Ach lie-
 ber herr hör mich vñ sey mir gnedig/
 herr sey mein helffer/verwandel mir
 mein klage in freud/ Zersch mich auß
 von jamer/dem sack oder leyd kleyd/
 vnd vmbgürdt oder kleyd mich mit
 frölichkeyt / auff das dir mein zung
 sing vnd dancksag / vnd nicht gestilt
 werdt. Herr mein Got hilff mir auß
 ich wil dir danckē in ewigkeyt Amē.

Der xxxi. psalm.

In te domine speravi.

In nöthen vnd anfechtung des glaubens.

HERR auff dich traw ich / laß
 mich nimmer mer zuschanden
 werden/hilff mir darvon mit deiner
 gerechtigkeit / erhör mich vnd thu
 das bald/Sey mir ein starcker fels/
 vnd ein haup zur burg das du mir
 helffest/ dann ich weys kein andere

hoffnung kein andere gerechtigkeit
kein andern fels noch burg / kein an-
dern heylandt vnd helffer denn dich /
herr vmb deins namens willen / vmb
deiner eeren willen / vmb dein selbs
willen / das man erfare das du der
seyest / wie du außgerüfft vnd gepre-
digt wurst / hilff mir / leyte vnd füre
mich / enthalte vnd ernere mich.
Zuech mich auß dem strick des gra-
uens vnd des tods / auß diser geferlig-
keit darein mich meine feinde getri-
ben haben den du bist mein stercke /
Dir befilch ich mich ganz vnd gar in
dein handt. Hilff mir du trewer vnd
gerechter Gott der du mich erlöset
hast / Es kan ja dein zusagen nit fe-
len / dem glaub ich / Herr sterck mir
meinen glauben / ich haß die da hal-
ten auff eytelkeit / vñ hoff allein auff

dich/lieber herr laß mich bald in deir
 ner gut frewen vñ frölich sein/ Siehe
 mein elendt an/erkenn mein seel in der
 angst/ laß mich nit in die hendt mei-
 ner feyndt kummen/ Füre mich auß
 der angst/vnd stelle mein fuß in wey-
 ten raum. Herr sey mir gnedig/denn
 mir ist angst / mein antlitz / mein seel
 vnd mein Bauch sind verschmacht
 vor trawrigkeyt / dan mein leben ist
 alt worden vor trübnus vnd meine
 Jar vor seufftzen/mein krafft ist ver-
 fallen vor meiner missethat / vnd
 meine gepeyn sind verschmacht / ich
 bin ein grosse schmach worden allen
 meinen feinden vñ meinen nachparn
 vnd ein schew meinen verwandten/
 die mich sahen auff der gassen flohen
 vor mir / mein ist vergessen im hertz-
 en wie eines todten / ich byn worden

00019569

wie ein verderbt gezeug / daß ich höre
ein böses geschrey von vilen / forcht ist
vmb vnd vmb / da sie heymlich rath
mit einander vber mich haltē / denck-
en sie mir die sele zu nemen / ich aber
Herr hoff auff dich vnd spreche du
bist mein Gott / O Herr mein Gott
in deinen henden steet alle mein sach
vnd mein zeyt / Errette mich von der
handt meiner feyndt vnd von den die
mich verfolgen. Sihe mich an mit
der lieblichkeit deines angesichts / das
ich mercke das du mir noch günstig
seyest. Hilff mir durch dein gut / herr
laß mich nicht zu schanden werden /
laß mich nit vngewert von dir geen /
denn ich ruff dich an. Die gotlosen
müssen zu schanden werden / vnd ge-
stillet werden in der hell / verstummen
müssen falsche leffzen / die da reden

wider den gerechten steuff / mit hof-
 fart vnd verachtung / O wie groß ist
 dein gütte / die du verporgen hast den
 die dich fürchten. O mein freundlich-
 er vater laß mir sie yezund offenbar
 werden / das mich der iammer nicht
 ganz verzere. Verbirge mich vn-
 ter der deck' deines angesichts vor ye-
 dermans hochmut / vñ vor den zent-
 ischen zungen. Thue ein sunderliche
 gütte an mir in einer vesten stat / mich
 durckt yez im meinem zagen ich sey
 ganz von deinen augen verstoffen /
 also angst ist mir / O Herr höre mein
 klag vnd mein flehen / vnd hilff mir
 auß vmb deines lieben Sums willen
 Jesu Christi / auff das all deine hey-
 ligen lieber Herr dich lieben / getroßt
 werden / vnd ire hertz befestigen alle
 die dein lieber Herr harren / denn du

L ij

Herr behüttest die glaubigen / vnd
vergiltst reychlich dem der hochmut
töbet / Amen.

Der XXXII. psalm.

Beati quorum remisse sunt iniquitates.

Für die sünde.

O Lieber Herr auff das ich selig
vnd mir wol werdt / so vergib
mir mein vbertrettung / decke meine
sündt vnd rechen mir sie nit zu / nym
alle falscheyt auß meinem geyst / her-
zen vnd mundt hinweg. Ich byn ein
sünder ich bekenne es auff dein gütte /
vnd vol vngerechtigkeyt / vnd so ichs
wolt verschweygen / so wurden mei-
ne gepeyn durchs tegliche heulen ver-
schmachten / vnd mein gewissen kein
ruhe haben / dann dein handt ligt tag
vnd nacht schwer auff mir / mein
safft vertrucket wie das dürre im
summer / Herr vergib mirs / wie du

den pfledest / die weyl ich dirs wider
 mich selbst bekenn / Wer ist doch reyn
 vnd on wandel vor dir / auch vnter
 allen deinen heyligen ? Warlich kei-
 ner / denn sie alle bitten dich vmb ver-
 gebung der sünden zu rechter zeyt / so
 bald sie es an in erkennen. Welliches
 mich nicht wenig tröst vnd gibt mir
 freydigkeyt / das ich dich auch dar-
 umb pitt. Darumb lieber Herr laß
 die grossen wasser güß der trübsalen
 vnd anfechtungen wenn die künien
 nit an mich gelangen. Du bist mein
 schirm / mein eynige zuuersicht vnd
 fröliche erledigung / wöllest mich vor
 angst behütten / vnd vmbgeben mit
 dem rhum vnd fröligkeyt eins / der
 auß nöthen erredtet ist / das ich dir
 vberall lob vnd danck sag. Gib mir
 verstandt vñ weyß mir den weg den

ich wand: In sol/ winck mir mit drei-
nen augen vñ hab sie stets auff mich
Das ich nit vnuerstendig sey wie roß
vnd meuler/ welchen man zeum vnd
gepiß muß ins maul legen / wenn sie
nit zu dir wöllen. Herr ich hoff auff
dich / darumb wenn der gotloß vil
leyden muß / so laß mich dein gütte
vmbfahen. Gib mir freud vñ frö-
ligkeyt inn dir sambt den gerechten/
vñ mach mein hertz auffrichtig / das
ich mich alzeyt dein rhüme / Amen.

Der xxxiii. psalm.

Exultate iusti in domino.

Gemeyne pitt mit danck sagung
vmb gnad.

Herr almechtiger Gott / die ge-
rechten frewen sich dein vñ die
auffrichtigen loben dich / alle welt
sol dir dancken mit harpffen / lobsin-
gen mit psalteren / ein neues lied sin-

gen vnd mit schal auff seyten spilen/
 dann dein wort ist war vnd recht/
 recht vnd trew sind alle deine werck/
 du hast gerechtigkeit vnd gerichte
 lieb. Die erden ist vol deiner güttes/
 durch dein wort sind die hymel ge-
 macht vnd all jr heere durch deines
 munds geyst/ Du samlest das was-
 ser im meer/wie in ein schlauch/ vnd
 legst die tieffen in das verporren/der-
 halben alle welt sich vor dir fürchten
 muß/ vnd alle die auff dem erdtbo-
 den wonen schewen / Du sprichst/so
 geschichts / du gepeütst so steet es do.
 Dein rath ist ewig vnd mag nit ge-
 wandelt werden/vnd deins hertzen
 gedanckē für vñ für/ du aber machst
 zu nicht alle rhyete der menschen/ vnd
 hinderst die gedancken der völccker/
 sie sind wie weiß vnd wie mechtig sie

wöllen/Lieber Herr sey vnser Gott
dann wol dem volck des du Herr ein
Gott bist/vnd das du zum erb erwe-
let hast/ du sihest vom deinem thron
aller menschen kindt auff erden/vnd
richtest ire hertzen/ gibst vnd lenckest
all ire gedancken wie du wilt/merck-
est auch all ire werck/also/das ein kün-
ig nichts hilfft sein grosse macht/
ein starcker man wirdt nicht errettet
durch sein grosse krafft / ein roß felet
der sig vnd wirdt nit errettet / durch
sein grosse sterck/ es ligt alles an dir/
Darumb O herr nim vns war/
vñ laß deine augen ymmer auff vns
sehen/denn wir trawen dir vnd hof-
fen auff deine güte/ Errette vnser se-
len vom todt/ vnser hertzen von be-
kümmerus vñ neere vns in der tewa-
rung vnd hunger des leybes vnd des

geystes / vnser seele harret auff dich
 Herre sey vnser hilff vnd schilt /
 laß sich vnser hertzen in dir frewen /
 die wir auff deinen heyligen namen
 hoffen. Dein gute Herr sey vber vns
 wie wir auff dich hoffen / Amen.

Der XXXIII. Psalm.

Benedicā domino in omni tēpore.

In nöthen vmb trost.

Herr hilff mir auß all meinen
 Nöthen / so wil ich dich allzeyt lo-
 ben / Dein lob sol ymmerdar in mei-
 nem mundt sein. So werdens die
 elenden vnd trostlosen hören / vñ wer-
 den sich in dir frewē / dich sambt mir
 preysen / vnd deinen namen erhöhen /
 auff dich sehen erleuchtet vnd frolich
 werden / darumb das du mir geant-
 wortet hast da ich dich suchet / vnd
 auß aller meiner forcht mich errettet
 mich elenden in meinem geschrey er-

00019569

höret/ vnd auß allen meinen nöthen
geholfen hast / O Herr laß sich dei-
nen Engel vns mich her legern / das
er mir auß helffe / laß mich deiner
freundtligkeyt gewar werden. Gib
mir ein starckē vertrauen auff dich/
vnd dein forcht / so wirdt ich keinen
mangel haben / Gib mir das ich müg
mein zungen vor vbel behütten / vnd
das ich nymer mer betrieglich rede.
Herr behüt mich vor dem bösen / vnd
thu du selbst guttes in mir durch dei-
nen heyligen geyst / Gib mir deinen
frid / vñ mach das ich dem nachlage
vnd mit yederman frid halt / so werd
ich leben vnd gutte tag sehen / laß dei-
ne augen auff mich sehen / vnd neyge
deine oren zu meinem gepette / Erret-
te mich auß aller not wenn ich schrey
zur dir / Sey mir nahen / denn ich byn

zerbrochens hertzens/ vñnd mein ges-
 müt ist zerschlagē/ Es muß auch der
 gerecht vil leyden/ O Herr hilff mir
 auß allen/ Bewar mein gepeyn das
 Feins zerprochen werdt/ Behütte das
 mich das vnglücke nicht tödt wie die
 gotlosen/ vñ das ich kein schuldt hab
 wie die den gerechten hassen/ ich dein
 knecht traw auff dich/ hilff mir auß
 nach deinem wort/ erlöß mein seel/ vñ
 laß mich kein schuldt vor dir haben/
 Amen.

Der xxxv. psalm.

Iudicia domine nocentes me.

Wider die feyndt vñd falschen lerer.

Herr hader mit meinen hader-
 rern/ streyt wider mein bestrey-
 ter/ Ergreyß den schilt vñd schirm
 vñnd mach dich auff mir zu helffen/
 zeuch herfür den spiß vñ schütz mich
 wider meine verfolger. Sprich zu

meiner seele/ Ich byn dein heyl/ laß
sich mein seel in dir freuoen/ vnd frö-
lich sein in deinem heyl/ das all mein
gepeyn müssen sagen/ herr wer ist im
gleych/ der du den elenden errettest/
von dem der im zu starck ist/ vnd den
elenden vnd armen von seinen rau-
bern/ Herr mach dich nicht ferr von
mir/ Erwecke dich vnd wach auff
zu meinem recht vnd zu meiner sach/
mein Gott vnd Herr. Richt mich
nach deiner gerechtigkeit/ das sich
mein verfolger nit vber mich freu-
en/ laß sie nit sagen in iren hertzen/ da
da das wolten wir/ laß sie nit sagen
wir haben in verschlungen/ sundern
vil mer jr schand dauon tragen vmb
deines worts willen/ das sie in mit
verfolgen/ vnd sich meins vbels freu-
en vñ wider mich oder mein leer sich

hoch loben / Laß aber frewen die da
wollen das ich bestee in deiner war-
heyt vnd glauben / welchs mein ge-
rechtigkēyt ist / vnd die meines frides
vnd erledigung begern / die müssen
yimmer dar deinen heyligen namen
hochloben vnd dir dancken / das wil
ich auch selbst nymer mer vnterlas-
sen zuthun / Amen.

Der xxxvi. psalm.

Dixit iniustus vt delinquat in semetipso.

Gemeyne pitt vmb ware gerechtigkēyt.

Herr mach mich gerecht vñ gib
mir dein forcht / das ich nicht ein
wolgefallen an mir selbst hab / wie
die gotlosen so inen selbst heuchlen.
Nym hinweg auß meinem mund al-
les vnrecht vnd falscheit / mach mich
flug das ich guts thu vnd nichts vn-
rechts gedencē / Füre mich auff rech-
te ban / vnd gib das ich mich schew

vor dem argen/ Herr dein gut ist im
himmel vñ dein trew bis an die wolck
en/dein gerechtigkeit ist wie Gottes
Berg/dein gericht wie ein grosse tieff.
Etliche erleuchstu/etliche verblendst
du/etliche nimbst du auff/etliche ver-
stößt du/etliche lest du es alles zu gut-
tem gedeyen/etlichen alles zum bösen
Wer kan solchs erforschen? Warlich
niemand. O du aller freundlichster
Vatter/laß deine werde gütte groß
vber vns sein/der du hilffest menschen
en vñ viehe. Laß vns vnter dem schat-
ten deiner flügel trawen. Setzig vns
vonn der feystigkeit deines hausses/
Trenck vns vō dem Bach deiner wol-
lust/den bey dir ist der brunen des le-
bens/laß vnns sehen das liecht der
warheyte durch dein erleuchtung.
Breyt dein gut allzeyt vber vns auß

vnd dein gerechtigkeit / vnd gib das
wir dich erkennen vnd dir von ganzem
em vnd aufrichtigen hertzen trawen
en / laß vnns nicht kumen den fuß der
hoffart / vñ laß vns die hand der got-
losen nicht stürzen / Amen.

Der XXXVII. psalm.

Noli emulari in malignantibus.

Gemeine pitt vmb bestendigkeyt
im glauben.

O Herr gib mir dz ich mich nichts
laß bewegē / das wesen der bos-
hafftigen vnd vngerechten wie fast
sie glückselig / lustreich vnd rhu-
reich sind / aber doch geheling vmb-
kumen werden wie das gras / sun-
der dz ich stets auff dich allein traw
vnd guts thu / im land bleyb vñ mich
im glauben mere / an dir o Herr mei-
nen lust habe / Mere deine warheyt
vnd den glauben in mir / das ich dir

müg sicherlich all mein sach Befelhen
vnd müg dir schweygen / stil halten
vnd on sorg sein / Du werdest meine
gerechtigkeyt herfür bringen wie dz
liecht / vñ mein recht wie den mittag
vnd werdest mich elenden erneren
mit deinem schatz vnd ich werd lust
haben in grossen frid / vnd werd nit
zuschanden werden in der bösen zeyt /
vnd gnug haben in der thewren zeyt /
vnd du werdest meine genge fodern
das sie nicht schlupffen / vnd werdest
lust haben an meinem weg / vñ wer=
dest mich nicht weg werffen / so ich
schon zu weylen falle / sundern wer=
dest mir bey der handt wider auff
helffen vnd halten. Gib mir Herr
das mein mund allzeyt mit weisheit
vmbgehe / vñ mein zungen redt was
recht ist / laß dein gesetz allzeyt in mei=

nem hertzen sein/ vnd mein trit nicht
 schlupffen. Laß mich nit in den hant-
 den der gotlosen die mich begeren
 vmb zu bringen/ Vnd verdam̄ mich
 nicht wenn ich schon von jnn verur-
 teylt wird. Bewar die fr̄mbbligk̄eyt
 in mir vnd laß mich sehen vnd halten
 was auffrichtig ist/ Sey mein heyl/
 mein sterck in der zeyt der nott / stehe
 mir bey/ errette mich vnd hilff mir
 auß/ den̄ ich traw auff dich / Amen.

Der XXXVIII. Psalm.

Domine ne in furore tuo arguas me. II.

Wider die feindt vnd angst des gewissens.

O Herr straff mich nit in deinem
 zorn. Züchtige mich nicht in dei-
 nem grym̄/ denn dein pfeyl stecken in
 mir/ vnd dein handt drückt mich/ ich
 hab allenthalben vnfrid vnd trüb-
 sal innen vnd aussen/ vnd ist nichts
 gesunds in meinem fleysch vnd in
 f

meinem gemüt / daß mein mißthat
sind vber mein haubt gangen / wie
ein schwere last sein sie mir zu schwer
wordē / das ich in trawrigkeyt mich
darunter pucken muß / vnd vor vn-
rwe meines hertzen heülen. O Herr
vor dir ist all mein verlangen vnd
seufftzen / mein angst ist grosser denn
ich aussprechen kan / vñ ich kan nit sa-
gen wie gern ich je ledig wer / mein
hertz zittert vor vnkrafft vnd traw-
rigkeyt / ich bin verlassen vom allen
meinen freunden vnd vmb ringet
mit meinen feinden / die mir nachstel-
len vñ vbel reden. Herr ich harr auff
dich / erhör mich mein Gott / meiner
feindt sind vil / vnd sind mir zu starck
vil sind mir on schuld feyndt / laß sie
nit vber mich frewen wenn mein fuß
wancket / dann ich erkenne vnd be-

kenne mein sündt vñ beger der gnad/
 Verlaß mich nicht mein lieber Herr
 vñ mein Got/ferne dich nit von mir/
 eyl mir bey zustehenn / Herr meines
 heyls/Amen.

Der xxxix. psalm.

Dixi custodiam vias meas.

Wider die eytelkelt dieses lebens.

Herr bewar mein wege das ich
 nit sündig mit meiner zungen/
 so ich vō einē verstockten geschmecht
 wirdt! leg mir ein biß in mundt/das
 ich mich nicht stozlich meines gutten
 berüm. Laß mich alle zeyt vor augen
 haben die kürze meines lebens/ mein
 gebrechen erkenn/vnd wie aller men-
 schen wesen vnd thun lauter eytelkeit
 ist. Herr sey du mein hoffnung/errett
 mich von aller meiner vbertrettung/
 vnd setze mich nicht zur schmach den
 vnweysen / Bewar mich/das ich still-

schweyge vnd mich nit reche an mei-
nem widersacher / vnd das ich wisse /
das du mir in zugeschickt hast / wend
dein plag von mir / das ich nicht gar
verderb von der sterck vñ forcht dei-
ner handt / dann vmb der missethat
willē hastu mich gezüchtiget / vñ der
eytelkeyt vnterworffen / das ich mit
vergeblicher sorge / kummernuß vnd
arbeyt mich selber krencke / vnd mein
schön verzere / gleych als ein spinn die
sich selber vergeblich auß erbeyt / O
Herr hör mein gepet vnd mein schrey-
en / laß mein zeher für dich kummen /
vnd schweyge nicht darüber / deñ ich
byn ein frembding vnd ein gast bey
dir wie alle meine vorfarn / laß nun
ein wenig ab von mir dein handt die
mich drückt / das ich mich ergetz vnd
wider auffricht / ehe denn ich sterbe /

vnd gib mir deines geystes trost / das
ich merck das du noch mein freund-
licher vatter seyest / der du yetzt mit
mir handelst als ein zorniger richter
Herr sey mir gnedig vmb deines na-
mens willen / Amen.

Der XL. psalm

Expectans expectaui dominū.

Vmb vergebung der sündt durchs
verdienst Christi.

Herr neyge dich zu mir der ich
dein harr / hör mein schreyen vñ
füre mich auß der gruben des jam-
mers vnd leyds / befestig mein gemüt
auff Christo den waren fels / Tröste
mich das ich dich mit freuden lob zur
Besserung der andern / laß deinen hey-
ligen namen mein hoffnung sein / vñ
laß mich nit wenden zu den hofferti-
gen vnd die mit vnwarheytt vmbge-
hen / O Herr mein Gott wie grosse

wunderthaten hast du gethan/ vnd
deine gütte gegen vns erzeyget/ das
wir dich loben sollen / die nit zuerze-
len sind/ sunderlich aber inn der erlö-
sung/ Erbarm dich mein du mein lie-
bster vater vmb Jesu Christi deines
lieben Suns willen / wellicher frey-
willigklich mit einem vnd ewigen
opffer seins leybs am creutz all vnser
sündt gebüßet vñ mit dir geschlicht/
vnd vns gerecht gemacht hat/ das
denn dein wille ist gewesen/ vnd zuuor
vonn allen Propheten verkündiget
worden. Er hat auch gepredigt dein
gerechtigkeith da durch wir auß laut-
ter gnaden gerechtfertiget werden/
vnd hat erfüllet das bey den veteren
in der figur vnd bedeutung gehan-
delt ward/ also/ das du aller milster
vater nun fort an nichts anders oder

mer von vns forderst / denn mir den
 vertrawē auff dasselbig opffer chris-
 sti / das es für vns geschehen sey. Ach
 lieber vatter vmb desselbigen deines
 aller liebsten Sins willen wöllest
 dein barmhertzigkeyt nicht von mir
 wenden / laß dein güt vnd trew mich
 allweg behütten / den vnglück on zal
 hat mich vmbgeben / vnd meiner sün-
 den sind seer vil / also das mich auch
 meines hertzen rath verlassen hat /
 Herr laß dirs gefallē / dz du mir auß-
 helffst / eyl mir zuhelffen / laß die ab-
 keren von mir / die nach meiner seelen
 stehen das sieß vmbbringen / vnd mir
 vbels gūnnen. Laß aber frewen vñ
 frölich sein in dir / alle die nach dir fra-
 gen / vnd lieben dein heyl damit du
 vns hilffest / das sie dich allzeyt hoch
 loben / O Herr ich bin arm vnd elend

00019569

sorg vnd denck für mich / Sey mein
helffer vnd erretter. Mein Got ver-
zeuch nicht vmb deiner eren willen /
Amen.

Der XLI. psalm.

Beatus qui intelligit super egenñ.

Wider die feyndt.

Lieber Herr gib mir deine gnad
das ich mich die weyl ich lebe
der armen vnd elenden anneme / vnd
achtung auff sie habe vnd helff inen
wo mit ich kan / inn geystlicher vnd
leyblicher nott / denn was man sol-
lichen thut / des nimbst du dich an als
sey es dir selbst gethan. Herr sey mir
gnedig / heyl mein seel / denn ich hab
an dir gesündigt / errette mich von
meinen feinden die wider mich vbel
reden vnd mir gern vnglück zurich-
teten laß sie sich vber mich frewen /
du Herr sey mir gnedig vnd weck

mich auff/so wil ich sie bezalen/ Vnd
 darann wil ich mercken das du lust
 zu mir hast/wen die ein mal zuschan
 den werden / die yetzund mainen sie
 haben mich zu boden gestossen/ vund
 du mich durch gerechtigkeit des glau
 bens enthalten vund ewigklich vor
 dein angesicht stellen wirst/Gelobet
 seyst du Herr Gott des Israels/von
 nun an bis in ewigkelt/Amen.

Der XLII. psalm.

Quēadmodū desiderat ceruus.

In nöthen vmb trost des Euangelij

O Herr / wie der hirsch schreyet
 nach dē wasserbechen/ also hab
 meine seele verlangen nach dir/ mein
 seele dürstet nach dir dem starcken
 vnd lebendigen Gott / wen wird ich
 hinein kumen das ich dein angesicht
 sehe / Lieber Gott laß dich sehen/ so
 oft mein glaube angefochten wirdt

f v

000 19565
vnd man zu mir sagt. Wo ist nun
dein Gotte laß mich inn solcher an-
fechtung mein seel außschütten inn
mir/ vnd durch deinen trost meines
hertzen angst verriagen/nicht von der
gemeynschaft aller heyligen abge-
sündert werd/sunder mit dem hauf-
fen in dein hauß gehe dich zu loben
vnd preysen/ Das ich müg tröstlich
zu meiner seelen sagē/ Was betrübst
du dich mein seel vnd bist so vnrwig
in mir? Harr auff Got den ich werd
im noch danckē vmb das heyl seines
angesichts/ O mein Got/betrüb ist
mein seel in mir/ ein kümernuß stößt
die andern/all dein wasser pogen vñ
wellen gehen vber mich/ derhalben
beger ich zu hören dein Euangelion/
Dieweyl aber dein will ist/ das wir
wenn es vns wol gehet / dein barm-

herzigkēyt die in vns handelt / loben
 vnd im vnglück die warheyt deiner
 verheysung betrachten sollen vnd
 dich pitten. So vergiß mein nit / laß
 mir du güttiger Vatter den tag des
 trosts auffgeen / so wil ich dich hoch
 loben / darzwischen aber gib mir ein
 die stettig gedechnuß deiner verheys-
 sung / vñ der voringen deiner woltha-
 ten so du mir gethan hast / das ich nit
 verzag in der trübsal / vnd lere mich
 wie ich dich recht pitten sol / das du
 mich erhörest / Amen.

Der XLIII. Psalm.

Iudica me deus.

In nōtten.

Der richt für mich vnd für
 mein sach auß wider dz vnhey-
 lig volck. Erret mich von den falsch-
 en vnd bösen leutten / denn du bist der
 Gott meiner stercke / durch dich kan

ich vest stehen wider alle hellische
macht/das sie mich nicht vber müg.
Aber nun warumb verstest du mich
auch lieber Herr? Warumb lest du
mich so trawrig geen? Mich dunckt
du steest den gotlosen bey wider mich
warumb wilt du mich doch nit trö-
sten in diser not? Lieber Herr schick
deines geystes liecht/das mir mein
hertz erleucht vnd die warheyt dei-
ner zusag/das ich der selbigen glaub/
vnd das mich die selben leyten vnd
bringen zu deinem heyligen Berg/in
die hütten deiner auferweltē/in das
reych des liechtes vnd in die ewigen
erbschafft/das ich die gotlosen laß
toben wie fast sie wöllen/vnd gehe zu
dir dem Gott meiner freuden vnd
wunne/vnd lob dich vnd danck dir
mein Got/was betrübstu dich mein

seel vnd bist so vnruwig in mir harr
 auff Gott/ dann ich werdt jm noch
 dancken/ vmb das heyl seines angesichts/
 vñ das er mein Got ist/ Amē.

Der XLIII. psalm.

Deus auribus nostris audiuius

Gemein gepet in der veruolgung.

O Gott wie wunderfam hast du
 dein volck Israel vor alters erhaben/
 da du in das versprochē landt eingabst/
 vñd vertribest durch dein macht die
 Heyden das sich die kinder des Israels
 irer krafft nichts möchtē rhūmen/
 denn allein das du lust zu inen hettest/
 hast du sie eingesetzt/ Also hast du
 auch yezund vns deine erben im ewigen
 vaterland gemacht nicht vmb vnser
 verdiensts willen/ sondern auß lautern
 gnaden/welche du geliebt hast in dem
 geliebtē Christo/ ehe denn der welt
 grundt gelegt

wardt/ vmb des willen wir dir bil-
lich lob vnd danck sagen ewigklich/
vnd rhämen teglich vonn dir Gott/
Du bist vnser König Gott / der du
gepeuttest Jacob zu helffen / durch
dich wollen wir vnser feyndt vmb-
stossen/in deinem namen wollen wir
vntertreten die sich wider vns setzen
denn ich wil mich nit verlassen auff
meinen Bogen/vñ mein schwert wirt
mir nit helffen/ sunder du hilffst vns
von vnsern feynden/ vnd machst zu
schanden die vnns hassen/ Aber nun
so hast du vns auch von dir verstoß-
sen vnd zur schmach den gotlosen ge-
macht / die meinen wir sind nit werd
das vns der erdboden trag/vnd eng-
stigen vnns hart an leys vnd seel / du
zeuhest nit auß vnter vnserm heer / du
lestest vns fliehen vor vnserm feyndt

Das vns die Berauben die vns hassen/
 vnd vnser vil fallen in yrthum / wir
 aber alle stehen in schanden so die got
 losen in dem rthum iher frumbteyt re-
 giren / wir sind geacht als die schlacht
 schaff / vnd wenn sie vns tödten / mei-
 nen sie / siethun dir ein wolgefallen
 daran. Was sollen wir in solcher Be-
 kummernuß thun? Ach lieber Herr
 wir wissen anders nichts / denn das
 wir vnser augen auffheben zu dir /
 vnd rüffen dich an / mit festem glau-
 ben vnd vertrauen auff den bundt
 deins worts / vnd bestendigkeyt auff
 deinem wege / So wöllest dich nun
 lieber Herr erwecken vnd nit so lang
 schlaffen / vnd vns nit gar verstossen.
 Ach warumb verbirgestu dein ant-
 litz vor vns? wie magstu doch vnser
 elends vnd drangs so gar vergessen /

sind wir doch gar vnter tretten vnd
verdruckt / vnser seel ist gebeuget zur
erden / vnd vnser Bauch klebt am erd
boden. O Herr mach dich auff / ver=
stos vnser nit gar / hilff vnser vnd erlöf
vnser vmb deiner güt vmb deins na=
mens vmb deiner eeren vnd vmb Je=
su Christi willen vnser lieben Her=
ren / Amen.

Der XLV. psalm.

Eruetauit cor meum verbū bonum.

Gemeine pitt vmb das heyl Christi.

O Herr Jesu Christe / du Sun
Gottes / Gott vnd mensch / der
aller schönst vnter menschen kindern /
holdselig sind deine leffzen du bist
freuntlich vnd milt vnd hast nichts
pitters oder ernsts in dir also das du
die armen sūnder zu dir reygest vnd
nicht erschreckest. Auch hat dir Gott
den ewigen seggen geben / der du nem=

lich des Abrahams samē bist/durch
 welche alle völder auff erden geseg-
 net werden. Auch bist du vnser künig
 so gürt nun vmb deine lenden das
 schwerd des worts deines geysts/du
 mechtiger zu verdammen die wider-
 wertigen / vnd selig zu machen die
 glaubigen. Stürm auß vns das alt
 wesen/ so vns von Adam angeborn
 ist/ Du bist auch mechtig mit preys
 vnd zird. So sihe vns an lieber Herr
 mit deiner freundtligkeyt/mit deiner
 holdseligkeyt vnd zird/handel glück-
 seliglich mit vns / vñ regire mit war-
 heyt sanfftmut vnd gerechtigkeit/
 vnd thu wunderwerck mit deiner
 rechten hand/scharpff sind dein pfeil
 die völder werdē sich dir vnterwerf-
 fen/ mitten vnter den feinden des kün-
 niges / Denn dein stul lieber Gott ist

ewig/dein zepter ist gericht vñ macht
recht vnd auffrichtig. Du liebst ge-
rechtigkeyt/vñ hassst gotloß wesen/
Darumb hat dich Gott/dein Gott
vnd vater zum künig gemacht vnd
hat dich gesalbet mit der freuden öle/
das ist mit dem heyligen geyst/mer
denn alle deine genossen / die glaubi-
gen deine glider / Alle deine kleyder
geben den aller besten ruch von in/da
mit zeuchst du der glaubigen seel an
dich/vnd dieselbigen geben dir wider
vmb lust mit irem ruch/den sie vonn
dir haben/man frewet sich dein vber
den helffenpeynen palasten. Die kün-
igin/die Christenheyt stehet dir ire
Breuttigam zur rechten als die mit
dir regniert geschmückt mit gold der
lieb / Bedeckt mit der weyßheyt des
geystes / mit mancherley gaben der

L

gnaden gezirt / vnd diß alles inwen-
 dig. Lieber Herr Jesu mach mich
 auch deinen vnd iren Sun / vnd be-
 kleyd mich mit dem hochzeyt kleydt /
 an welches zird du einen lust habst /
 vnd gib mir das ich allzeyt dich al-
 lein höre vñ dir bestendigklich glaub
 vnd vergesß alles das auff erden ist /
 vnd pette dich an im geyst vnd in der
 warheyt der du eins wesens bist mit
 deinem Vatter / vnd das ich dir zu-
 bracht werd mit deinen heyligen in
 deinem tempel mit freuden vnd frö-
 ligkeyt deines geystes / vnd also ge-
 denck deines heyligen namens vnd
 lob vnd preys dich mit vilen völk-
 ern in ewigkeyt / Amen.

Der XLVI. psalm.

Deus noster refugium.

Gemeine pitt vmb sieg in der anfechtung.

G ij

O Gott du allein bist vnser zuuer
sicht vnd sterck/ vnser hilff inn
allen nöthen die vns betreffen/ mach
vns sicher inn dir/ das wir vns nicht
fürchten es erhebe sich wider vns was
da wolle/ wen auch gleych das land
sich verkeret/ vnd die Berg mitten ins
meer führen/ wen gleych das meer to-
bete/ vnd auff einen hauffen füre/ vñ
die Berg bebeten vor desselbigen unge-
stüm/ richt vns auff tröst vnd sterck
vns/ zerstop vñnd zerbrich das reych
der gotlosen. Laß vns die ström vnd
Bech deins geysts erfreuen/ nemlich
den frid/ still/ sicherheyt vnd freudt/
heylic vns dir zur wonung/ vñnd sey
allzeyt bey vns vnd in vns/ das wir
bleyßen mügen/ hilff vns frū so vns
dein gnad auffgeet. Schick die stim
der predig deines wortes dardurch

die Heyden toben / vnd die künigreich
 sich neygen / die erden bewegt werd /
 vnd verschmeltz in erkentnuß irer vn-
 gerechtigkeit. Aber du Herr der heer-
 scharen sey mit vns / vnd du Gott
 Jacob sey vnser schutz. Laß vns dein
 werck vnd wunder sehen vnd erken-
 nen die grosse zerstörunge / so du auff
 erden hast angericht / alle krieg auff
 gehaben / die berg zubrochen / die spiß
 zerschlagen / die wegen verbrand / laß
 vns still halten von vnsern wercken /
 vnd vnser vnd alles des vnsern ver-
 laugen vnd dich erkennen als vnsern
 Gott / der da mechtig ist im hymel
 vnd auff erden vnter den Heyden /
 vnsern gerecht maker vnd der alles
 in allen thut / vnsern schutz vnd vn-
 sern ernerer an leyß vnd seele ewig-
 klich / Amen.

Der XLVII. psalm.

Omnes gentes plaudite manibus

Gemeine pitt für das reych des Euangelij

O Herr du grosser König auff
dem ganzen erdtboden / Bekere
die Heyden zu dir die dich nit kennen /
das sie mit vns frolocken vnd dir lob
singen / mit frölichem schalle / vñ mit
vns dein erb werden auß gnaden er-
welt / die herrligkeyt Jacob den du
liebest / das ist der seggen den du allen
glaubigen verheysen hast zu besizen
Lieber Herr gib vns die gnad / das
wir dir als einen künig des erdtrichs
alle sampt lob singen mit verstandt /
das ist im glauben auff dein wort /
du bist auffgefaren vnd als ein wa-
rer Gott erhöhet / des sich alle engel
vnd glaubige menschen frewen / vnd
durch die pusaun des Euangelij sol-
lichs predigen / Erhöhe etliche vnd

der selben vil die das erdtrich schütz-
 en/vnnd dein Königreych vber alle
 Heyden außbreytten durch die pre-
 dig deins worts/ das es sicher sey vor
 den pissen der hellischen wölff/ vnnd
 vor den sayzungen der falschen Pro-
 pheten die nur das ire suchen/ vn̄ dir
 dem waren Gott Abrahe ein volck
 versamblen/ der du sitzest auff deinē
 heyligen stul vn̄ seer erhöht bist bey
 den herren auff erden/ Amen.

Der XLVIII. psalm.

Magnus dominus et laudabilis nimis.

Gemeine pitt für die Christenlich kirche.

Herr du bist groß vnnd hoch bes-
 rümbt in der Christenheyt/ die
 dein stat vnd wohnung ist/ welche du
 ewigklich gegründt hast wider der
 helle thor/ vnd du Gott bist inn iren
 palasten bekandt / das du der schutz
 seyst/ derhalben die künige erschreck-

G iij

00019569

en müssen vor jr vnnnd mit schanden
dauon ziehen vor angst / dann Gott
fordert dieselbige ewigklich / welche
auch dein gütte mit namen Christū
deinen sun empfangen hat vonn dir /
durch welchen sie deinen namen hey-
lige / vñ erhöhet / dein gewaltige rech-
te handt. Lieber Herr mach sie frö-
lich vmb deiner gericht willen damit
du die deinen selig machst / verplendst
vnd verdambst die gotlosen. Laß al-
lenthalsen die leut sich zu jr machen
das sie gemeret / gebawet vnd weyt-
ter werdt. Befestige sie mit deiner
macht / regier vnd füre sie als die ju-
gent auff das man dauon verkündig
bey den nachkumēen / das diser Gott
sey vnser Gott ymmer vñ ewigklich
der vns durchs wort der gnaden
sanfft vnd vetterlich füret / nicht als

Knecht sunder als Kinder / Amen.

Der XLIX. psalm.

Audite hec omnes gentes.

Gemeine pitt das wir der zeytlichen
gütter nit mißprauchen.

O Herr bewar mich / das ich nit
streb nach eerē / nach gunst nach
gütern oder nach gewalt diser welt /
denn die solche liebhaben / darein ver-
trawen vnd sich der selben berümen
vñ vbernehmen / die werden ewigklich
verdampft werden / vnd wirdt in der
todt Christi vnd das heyl das er er-
worben hat / kein nutz sein / vnd gar
nichts im sterben mit sich nemen / laß
mich nit gleych werden dem vnuer-
nunfftigen vieh / sunder mach mich
verstendig inn allen deinen wercken /
vnd gib mir gnad das ich dir allzeyt
danck sage / wenn du mich yndert er-
höhest vnd zu werden bringest / das

G v

ich michs nit erheß / Amen.

Der L. psalm.

Deus deorum dominus.

In nōtten.

O Herr du mechtiger Gott / du
wirßt am letzten reden vnd ruf=
fen mit deiner stym den menschen vō
allen ortten der erden / vnd offentlich
kūmen mit ferner vnd vngewitter /
das du sie recht richtest / als der dem
nichts verborgen ist / vnd dein heyli=
gen versamlest vnd erlösest / die den
Bundt achten deiner verheyssungen /
mer dann opffer irer eygenen werck /
Gib vns durch dein gütte das gehöre
das wir dich hören / vñ dein volkm=
mene schön auß zu sehen / der du zuge=
sagt hast / du wöllest vnser Got sein /
vnd das wir dir festiglich glauben
vnd lassen vns benügen an dir / du
zeugest auch / das du vnser gütter vñ

opffer mit bedarffst noch auch wol
 lest/ darumb das vorhin alles dein
 vnd vor dir ist was wir haben/ sun-
 der allein wilt du das wir dir danck
 opffern/ vnd dir deine gelübt zalen/
 das ist/ mit andechtiger begird vnser
 hertzen öffen/ vnd erkennen dich für
 vnsern Gott/ vnd heyligen deinen
 namen in allen dingen / vnd haben
 dein wort/ vnd dancken dir alle zeyt/
 es gehe vns wol oder vbel/ vnd das
 wir dich anruffen in der zeyt der not
 so hast du gewislich zugesagt / du
 wöllest den erretten vnd außhelffen/
 so sollen wir dich preysen/ O du aller
 gerechtster vnd warhafftiger Herr/
 mein aller freundtlichster vater/ Ich
 ruff dich an pitt dich vnd flehe vmb
 deiner vnentlichen gütte willen/ vmb
 deines heyligen namens willen/ vmb

Jesu Christi deines lieben suns wil-
len vnnnd vmb seines allerwerdesten
Bluts willē/ das er so miltigklich für
vns das wir gereinigt vñ mit dir ge-
schlicht würden vergossen hat/ Er-
barm dich mein/ erhör mich vñ hilff
mir auß diser trüßsal vnd angst die
mich vmb ringt hat/ hilff mir von
meinen feinden / vnnnd laß mich bald
in deinen trost frewen vnnnd frölich
sein. Behütt mich hymlicher vater
das ich nit gotlos sey oder ein gleyß-
ner/ der vnterm gutten scheynne dein
wort feschlich füret vnd deinen bund
im munde hat / vnnnd doch darunter
nir das seine sucht/ Hilff das ich die
züchtigung oder straff deines worts
nicht hasse/ noch deine wort verachte
oder on frucht hingeen laß. Sunder
alle betrigerey vnd eebrecherey mit

ernst straffe vnnnd gar nit darein be-
 willig wie die heuchler/ Gib das ich
 dein wort nit vertere/noch etwas bö-
 ses den menschen zugefallen red/noch
 mit list oder betrug mein thun zu er-
 halten falschheyttreybe/das ich nie-
 mant freuenlich richt/oder den palck
 en inn eins andern auge sehe/die
 schwachen brüder nit erger/dein ge-
 dult güte vnd langmütigkeit nit
 verachte/gleichsam werest du mir
 gleich vnd liffest dir solche stück wol
 gefallen. Verley mir lieber herr Got
 das ich dein nicht vergesse noch dein
 wort zurück werff/auff das du mich
 nit straffest/vnd mein sündt mir vn-
 ter augen stellest/das du mich nicht
 ein mal hinreyssest im gerichte/vnnnd
 sey kein redter mer da. So wil ich
 dich ewigklich preysen/vnnnd deiner

gütte nymmer mer vergessen. Hilff
mir auß du trewer Got nach deinem
wort das da war ist / Zeyg mir dein
frölichs heyl du güttiger vater / Amē

Der LI. Psalm.

Miserere mei deus. I

Für die sündt.

Gott sey mir gnedig nach deiner
grossen gütt / denn dein gericht
ist mir zu schwer / ich kans nit ertra-
gen / tilg auß mein vbertrettung nach
deiner grossen Barmherzigkeyt / O
Herr zehentausent pfund. Ja zentner
byn ich dir schuldig / ich kan nicht be-
zalen / mein gnug thun ist nichts / O
wasch mich wol vnd vil ye mer vnd
mer von meiner missethat / vnd rey-
nig mich / nit allein von den yzigen
sünden / sunder tauff mich auch all
mein lebenlang / mit der Tauff des
geysts im feuer deiner erleuchtung /

Bis doch durch den tod alles das von
 mir hyn genummen werdt / das mir
 von Adam ist angebozen / Dann ich
 erkenne mein vbertrettung / vnd mein
 sünd ist ymmer vor mir / vñ all mein
 thun vñ lassen ist sünd / an dir allein
 hab ich gesündigt / vnd übel vor dir
 gethan. O Herr bleyß gerecht in dei-
 nen wortten deiner verheysung die
 vnns Christus verkündigt hat / das
 wir nemlich durch in sollen verge-
 bung der sünden haben / vñnd bleyß
 reyn vñnd vberwindt so du von den
 gotlosen oder auch vonn meinem vn-
 glaubigen gewissen geurteylt wirst /
 als werdestu nicht vergeben. Erzeyg
 dich warhafftig / vnd gib mir gnad
 das ich auch glaub du seyest war-
 hafftig / vñnd das ich dein warheyt
 vñnd gütte in meynen sündenn er-

00019565
Kenne / so du mir sie vergeben hast /
Welche mir nit not ist newe zuthun /
sihe ich bin in vntugent gemacht / vñ
mein mutter hat mich in sünden em=
pfangen / ich bin ganz vnd gar eytel
sündt. Dis ist die bekentnuß vñ war=
heyt darzu du lust hast im verbor=
gen / dis ist die heymliche weyßheyt /
die du mich hast wissen lassen / die du
vil andern hast verborzen vnd vnge=
wis gemacht. Entschuldig vnd ent=
bind mich durch das blut Jesu Chri=
sti deines lembleins / wie vorzeytten
durchs sprengen mit Hisop bedeutet
wart / so wirdt ich reyn / wasch du
mich so wirdt ich weysser denn der
schnee. Laß mich freud vñ wunne
hören im meinem hertzen / das mir
nemlich mein sündt vergeben sein / so
werden auch meine gebeyn frölich

werden vor des geysts freunden / die
 ytzund vor deinen gerichtten erschrock
 en vnd zerschlagē sind / darumb das
 mein geyst traurig ist / der / den die
 peyn außtrücknet. Wendt dein ant-
 litz von meinen sünden vñ vergif jr /
 sey nicht ein gestrenger anschawer
 meiner werck / welche warlich laut-
 ter sündt sind so du mir sie zusachen
 wilt / Ich beger der gnaden die du zu
 gesagt hast vnd gesprochen / Ich wil
 jrer sünden nit mer gedenccken / dar-
 umb so tilg all mein missethat / schaff
 mir mein Gott ein reyns hertz / vnd
 vernew in mir einen willigen vnd
 auffrichtigen geyst / der im gewissen
 nit zweyfel noch wancke an der ver-
 gebung. Verwirff mich nit von dei-
 nem angesicht / laß mich nit verblend
 werden / gib mir kein vnpußfertigs

00017565

hertz/das ich nit verzweyffel an dei-
ner gütte. Versag mir nit deinen hey-
ligen geyst nim in nit wider von mir
so du mir in geben hast. Laß mir wi-
der kumē den trost deins heyls Chri-
sti/durch stillung vnd vergewissung
meines gewissens/ das die sünd ver-
geben seyen / vndd enhalt mich mit
dem freyen vñ frey machenden geyst
Vnd so ich also im hertzenn durch
den glauben vñ geist reyn vnd starck
gemacht bin/ wil ich denn die gotlo-
sen vbertretter vndd die dich nit ken-
nen deine weg auch lerñ / das sie sich
zu dir bekeren. O Gott meus heyls
Got/errette mich von den blutschul-
den die mir angeborn sind/ damit ich
den todt verdienet hab / so sol mein
zung mit freuden des geysts om alle
menschliche schein predigen/leren vñ

Bekennen dein gerechtigkeit / außser-
 halb der kein andere ware gerechtig-
 keyt ist / vñ durch die wir allein müs-
 sen gerechtfertiget vnd selig werden /
 Herr thu mein lebsen auff / vñnd das
 mein mundt verkündige dein lob vñ
 deine weg. Gib mir einen mund vnd
 weyßheyt / der alle widerwertigen
 mit mügen widerstandt thun / nach
 deinem wort / gib mir dein gnad das
 ich müg danckopffer opffern / den ich
 weyß wol das du andere opfer vnd
 brandt opffer nit forderst / Doch in
 der weyl verachtestu nit / das opffer
 eins zerbrochen geysts vnd zerschla-
 gen hertzens vnd die tödtung vnser
 willens vñ des alten Adams in vns
 welches die opffer Gottes sind / bis
 wir auch danckopffer / vnd mit frö-
 lichem hertzen verkündigen dein ge-

00017569

rechtigkēyt / die wir in der vergebüg
vnserer sünden erkēdt haben. Die-
weyl wir aber allesam̄t auß vnns
selbst nichts vermügen / so thu du lie-
ber Herr wol an deinem volcke vnd
an deiner Christenheyt nach deinem
guten willen / nach der lautern vnd
gnedigen barmhertzigkēyt deiner ve-
terlichēgūt. Schaff du das die mau-
ern Hierusalem gebawet werden /
das wir gut vnd rechtschaffene leere
vberkummen / die dein gemein baw-
en mit deinē wort / Du bist der haupt-
vater / dich bitten wir / schick̄ erbeyt-
ter inn dein erndt / ja stoß sie hinauß /
Den̄ wie wöllen sie predigen sie wer-
den dem geschick̄t dazu / so rhūmen
wir vnns vergeblich / das wir gelert
sind oder gelerte leut haben / wen̄ du
nicht forderst oder schick̄est / den̄ aber

So wirst du stets mit lust nemen opfer
 der gerechtigkeit/ vnd wir wöllen
 dir auff deine altar legen farren vn-
 ser lebsen die dich on vnterlaß loben
 vnd preysen sollen/ Amen.

Der LII. Psalm.

Quid gloriaris in malitia.

Gemeyne pitt wider alle verfüh-
 rung vnd Beschädigung.

O Aller heyligster Herr gib vns
 gnad/ das wir allzeyt vns ab-
 wenden vonn den/ die inn allen irem
 thun mit tücken vnd Bosheytt vmb-
 geen/ vñ verlassen sich auff ire lügen/
 auff gütter/ auff eytelkeytt vñ schalck-
 heyt/ sich als die gewaltigen der Bos-
 heyt rümen auff gottes güte teglich/
 nach schaden trachten/ wider Got-
 tes wort lügen treybe wie ein scharpf-
 scher messer/ welches verwundet ehe
 dann mans gewar wirdt/ mer böses

00019569

Dann guts lieben/mer falsch zu reden
Dann gerechtigkeit/die da lieben nur
was zu verderben dienet mit falscher
zungen/welche du Gott ganz vnd
gar abbrechen/zuschlahen vnd mit
der wurzel außreyssen wirst/auß
dem landt der lebendigen/vnd die
gerechten werdes sehen/dich fürch-
ten vñ sich freuen. Gib das wir vns
allzeit auß dich allein verlassen in
starckem vertrauen/das wir nicht
faule vnd vnfruchtbare bewm/sun-
der als die grünen vnd fruchtbarn
ölbeum seyen in deinem hauß/auß
dein gütte vns ewiglich verlassen/
vnd harren ymmer dar auß deinen
namen der so gut ist/vnd verlest nicht
die in anruffen/das denn deine hey-
ligen wol wissen/denn er gefellet jm
wol/vñ dz wir dir ewiglich danck

en/der du solchs alles in vns schaffst
vnd thust/Amen.

Der LIII. Psalm.

Dixit insipiens in corde suo.

Gemeine pitt vmb erledigung
vom vnglauben.

O Herr vnser Gott die weyl nicht
einer nur vnter vns ist/der guts
von jm selber kundt gethun/ sundern
wir sind alle sambt zu gleych verder-
bet vnd vntüchtig in Bosheyt greu-
lich worden/verblindt vnd bethöret
das wir dich waren Gott nit erken-
nen/ sunder in vnsern hertzen sprech-
en es ist kein Gott / nichts nach dir
fragen/so wöllest du vns dein gerech-
tigkeyt schencken/vnd vns stil halten
lassen/ vñ du in vns thun alles was
recht vnd dir wolgefellig ist/ durch
deinen heyligen geyst. Also das wir
nimmer mer vnser eere / sunder als

h iij

lein dein eer suchen in allem was wir
thun/ dich anrüssen vñ nit fürchten/
da kein forcht ist/ hierumb O Gott
zerstrew die gepeyn der treyßer die
vns er gewissen belestigen/mach sie zu
schanden mit irer gleyßnerrey/ durch
dein wort vñd verschmehe sie/ Gib
heyl oder hilff deinen glaubigen/ laß
vns auch lieber Herr frewen vñ frö-
lich sein in deiner zeytlichen erledig-
ung auß vns er gefencknuß/ trübsal
angst vñd not/ Amen.

Der LIII. psalm.

Deus in nomine tuo saluum me fac.

In nöthen vmb hilff wider die gotlosen.

Hilff mir lieber Gott in deinem
namen vñd vmb der eere willen
deines namens/nach deinem zusagen
das du gesagt hast/ Wer den namen
des H. vrenn anrufft/ dem sol gehol-
fen werden. Nicht für mich wider

meine verfolger mit deiner krafft
 denn meine taug nichts. O Gott er-
 hör mein gepet / vernym die red mei-
 nes munds / den frembden die mit dei-
 nes teyls sind vnd dich nit vor augen
 haben / die setzen sich wider mich vnd
 mechtige stehen mir nach meiner see-
 len. O Herr hilff mir / stehe mir bey /
 enthalt mein seel / streyt für mich / Be-
 zale meinen feinden das böse / verstör-
 re sie in deiner trewe vnd zerbrich ire
 gotlose Tyraney durch eroffnung
 deiner warheyte. Laß inn auff iren
 kopff kummen das sie mir vermey-
 nen / so sie anderst nit werdt sind das
 du sie bekerest. Sunst wöllest in die-
 se sünd gnediglich vergeben vñ zur
 puse bekere. Vnd so wil ich deiner
 hilffe danckpar dir freywillig opffer
 thun / vnd deinem heyligen namen

Dancken/das er so gut ist vñ hilfflich
in der nott/dañ du errettest mich von
aller meiner nott/das mein auge an
meinen feinden lust sihet/Amen.

Der LV. Psalm.

Exaudi deus orationem meam.

In nöthen wider die seynde des Euangelij.

Ach mein Gott erhöre mein ge-
setz/ verhalt dich mit vor meiner
Klag/ merck auff mich vñd erhö-
re mich wie ich so jemmerlich heule vñ
Klage/denn ich wil nicht nach lassen
zu schreyen vñ zu pitten/ Bis du mich
erhörest. Denn der feindt schreyet wi-
der mich vñd verdambt vñd ver-
schlecht deine sache vñd was zu vnser-
em heyl dienet. Ich bin felschlich ver-
klagt/ vñd die gotlosen stellen mir
nach dem leben / denn sie wöllen ein
vbelthat an mir Begehen oder auff
mich treybe/das ich ein gotloser vbel

thetter sey/vñ sind mir hefftig gram
 darauf entsteet mir ein grewel vom
 todt/ mein hertz engstet sich inn mei-
 nem leybe/ vñnd des todtest forcht ist
 auff mich gefallen/ forcht vñd zittern
 ist vber mich kummen/vñd grawen
 hat mich vberfallen/ Ich sprach O
 het ich flügel wie ein tauben/ das ich
 flüge vñd etwa blyß/sihe so wolt ich
 mich ferner wegk machen/ vñ in der
 wüsten bleyben/ da ich zu Gott pit-
 ten möchte/ vñnd wolt eylen das ich
 entränne vor dem vngestümen wind
 vñd wetter oder kummeruß meins
 gemüts vor forcht des tods. O Herr
 errett mich von inen laß sie felen/ ver-
 schlinge vñ zertrenn jr zungen/mach
 sie vneyinig vnter einander/ dann ich
 sehe vnter inen eytel freuel vñd hader
 wider dein götlich wort vñd gerech-

00019569

7777

tigkeyt/ solchs gehet vntter inen tag
vñ nacht ymmer vmb/ Es ist mühe
vnd arbeyt in irer versamlung/ da-
mit sie sich vnd andere beschweren/
leyd thun auch eusserlich/ liegen vnd
triegen in allen hendelen/ die auch die
man für die heyligsten vnd frumsten
ansihet/ Christo gleychförmig/ dem
wortte anhengig/ im Gottes dienst
eibsig zc. schenden vnd vnterdrück-
en mich. Derhalben O Herr schrey
ich zu dir o Gott hilff mir des abents
morgens vnd mittages wil ich kla-
gen vnd heulen/ so wirstu mein stym
hören/ Erlöß mein seel im frid von
denen die an mich wöllen/ den sie sind
mit vilen wider mich/ erhöre vnd de-
mütige sie/ denn sie endern sich nit/
vñ fürchten dich nicht/ denn sie legen
ire hendt an seine fridsamen vnd ent-

heyligen seinen Bndt/verachten das
 heylig Euangelion inn dem das sie
 die gerechfertigung oder vergebung
 der sünden/ den glauben nemen/ vnd
 iren eygnen wercken zu legen/welchs
 lauter abgötterey ist vñ verachtung
 der verheyssung Gottes/ Geben inn
 sollichem gutten scheyn die süssesten
 wort für/ gletter den butter vnd lin-
 der dann öle/ sind aber doch in war-
 heyt plosse schwerdter vñ eytel krieg/
 die nichts dann vnre der gewissen
 vñ seel mördt anrichten. O Herr ich
 hab all mein sache vñnd anligen auff
 dich geworffen/ versorg du mich/er-
 nere/schütz vñ enthalt mich/laß mich
 nit lenger im vnfrid / laß mich nicht
 lenger mit mir selbst vergeblich rat-
 schlagen/laß mich nit lenger vmbge-
 triben werden/ stoß sie hinunter inn

die grub des verterbens / das diesel-
bigen blutigirigen vnd falschen seel-
mörder vnd verfürer / jr leben nit zur
helffte bringen / wenn sie hoffen lan-
ge zu leben / so nimb sie hinweg / vmb
deines heyligen namens willen / nach
deinem wort / darauff ich hoff vnd
traw / Amen.

Der LVI. psalm.

Miserere mei deus. .II.

vmb beständige bekantnuß des Euangelij.

O Gott sey mir gnedig / den men-
schen vnterdrücken mich / vil
streytten teglich vnd stölglich wider
mich / engsten vnd verfolgen mich /
ich hab kein zuflucht in soleher forcht
denn allein zu dir / ich hoff auff dich.
Las mich nicht abfallen von deinem
wort / sunder dasselb on aller mensche-
n schew / rhümen vnd bekennen / auff
dich O Gott will ich hoffen vñ dein

wort rhümen vnd nit fürchten/ was
 solt mir fleysch thune? Teglich sech-
 ten sie mein wort an/alle ire gedanc-
 en sind das sie mir vbel thun/sie hal-
 ten zuhauff vnd lauren / vnd haben
 acht auff meine fersen / wie sie mein
 seel erhaschen vmbzubringen/sie ha-
 ben auch viell fürdernuß/man hilfft
 im auß vmb vbelthat willen/ oder
 von eytelkeyt wegen / Gott stosse sol-
 liche leutte zornigklich hinunter / O
 Herr zeile mein flucht sihe an mein
 angst lege mein zeher vnd gepete für
 dich vnd erbarm dich mein/laß mein
 feyndt zu ruck keren/ das ich innen
 werdt/ das du mein Gott seyest/ ich
 wil rhümen gottes wort/ich wil rhü-
 men des Herrn wort/Auff Got hoff
 ich vnd fürcht mich nit/was wil mir
 der mensch thune? Bey mir sind ge-

hüßde dir gethan das ich dich in mei-
nem geyst vnd nit allein in eusserlich-
er gleyßnerrey loße. Errette mein see-
le vom todt/meine augē von zehern/
mein hertz vom iamer/ vnd mein fuß
vom schlupffen/ das ich vor dir wan-
deln mag im liecht des lebēs/ das ich
dir ewig dancke/Amen.

Der LVII. psalm.

Miserere mei deus. .III.

Wider die seyndt vmb erhöhung
des Euangeliij.

Sey mir gnedig Gott/ sey mir
gnedig/ denn auff dich trawet
mein seel/ vnd vnter dem schatten dei-
ner flügel hab ich zuflucht biß die
schalkheyt vergehe die mich drückt
vnd verfolgt. O Gott du aller höch-
ster zu dir ruff ich/hilff mir auff/denn
es ist dir leycht zuthun / schick vom
hymel vnd errete mich von meinem

versencker. Schick dein gute vñ treu
 dardurch du auß gnaden hilffst vñ
 auß verheystung schuldig bist/errett
 mein seele von den löwen/ von den
 menschen kindern vnd flammigen die-
 nern der finsternus/welcher zeen sind
 spieß vnd pfeyl vñ jr zungen scharpfe
 schwerter/ Erheb dich O Got vber
 die hymel/ vñnd deine eere vber alle
 landt/ dieweyl die gotlosen mainen
 du regirst nit im hymel. Erheb dich
 in Christo der yetzt lang verdrückt
 ist gewesen bey den menschen kindern/
 auff das alle ire netze die sie meinem
 gange legen/zerrissen werden/ Sie
 auch meine seele nit verdrücken/sun-
 der selbst in die gruben die sie mir gra-
 ben/müssen fallen/ Dann mein hertz
 ist girig vnd schon bereyt das ich sin-
 ge vnd lobe wenn du in mir erhöhst

wirst/wache auff du mein eere vnd
mein rhum/wach auff als bald/ du
mein Psalter vnd harpffe in dem
ich all mein freud hab/so will ich dir
dancken vnter den völkern/ich will
dir lobsinggen vnter den leuten. Laß
dein gütte vnd dein trew groß sein
bis an den hymel bey allen menschen/
erheß dich Gott vber den hymel vnd
de. neer vber alle landt/Amen.

Der LVIII. Psalm.

Si vere utiq; iustitiã loquimini.

Gemeine pitt wider natürliche ange-
pome vnart.

GIB vns lieber Herr gnad/das
wir allzeyt reden was recht ist
vor dir/vnd allzeyt richten/was bil-
lich ist vor dir/vnd das wir mit kei-
nem vnrechten vmbgeen inn vnsern
hertzen/auch vnserre hende nit freuel
treiben im lande. Vnd ob sich Bege-

Se das eins vnter vns auß gebrech-
 ligkeyt der verdorben vnd schwach-
 en natur / oder so du es würdest las-
 sen (fiel) lieber Herr so laß es nit taub
 werden oder die oren verstopffen / dz
 es nit hör die stym des der es beswe-
 ret vnd strafft mit deinem wort / sun-
 der mach das es höre vnd wider kere
 O Herr zerbrich die zene der gotlo-
 sen in irem maul / zerbrich Herr die
 Backenzene der jungen löwen die wi-
 der dein wort wütten / das sie zergeen
 wie wasser das da hyn fleust / das
 sie felen / wenn sie mit iren pfeylen zy-
 len / das sie vergehen gleych wie ein
 schnecke verschmacht / oder als eyn
 vnzeyttige gepurt eins weybes / gar
 nicht auß liecht kummen / noch ir böß
 fürhaben zu wege bringen mügen /
 zerstöre sie lieber Herre ehe dann sie

00019569

schaden mügen / ehe dann man ire
dornen am dornstrauche spüren kan/
vnd weyl sie noch frisch seind / auff
das sich ob solcher deiner rache die
glaubigen freuen / laß auch die leut
gewart werden / das wir der gerech-
tigkeyt bey dir genießen / vnd das du
noch richter seyest auff erden Amen.

Der LIX. psalm.

Eripe me de inimicis.

Wider die feynde vnd falschen lerer.

Erette mich mein Gott von
meinen feynden / vnd vbelthet-
tern so sich wider mich setzen / hilff
mir von den plutdürstigen / den sihe
sie lauren auff mein seele / vñ die star-
cken sammeln sich wider mich on mein
verschuldung / allein vmb deins worts
willē / Kum mir entgegen mein Gott
vnd sihe zu / du Herr Gott Zebaoth /
Gott Israel / wache auff heym zu

suchen alle gotlose Heyden/ sey nie-
 mandt gnedig der so frech vbel han-
 delt. Laß dir jr Bosheyt nicht gefal-
 len/ vnd hilff in nit das jr sárneimen
 fort gehe/ des abents wenn all jr an-
 schlege selen/ vnd sie an all irem thun
 verzweyfehlen/ so laß sie zu ruck keren
 vnd murren wie hunde/ vor hunger
 des worts vnd mangel des rechten
 heylsamen trosts des gewissen vnd
 in der stat vnter den christglaubigen
 vmbher gehen/ ob sie yrgent ein trost
 möchten finden/ Aber Sihe es ist al-
 les an in verloru/ sie künne nichts dan
 lesteru die heylsame lere / schwerter
 sind in jrē lebsen/ wenden sich wie die
 hund gegen den so sie leren wollen sie
 zu zerreyssen / sind also stolz das sie
 sprechē/ wer wirts hören? wer darff
 vns einreden? aber du Herr wirst jr

lachen vnnnd spotten aller Heyden in
iren anschlegē / Wenn sie mir zu starck
wollen werden / so wil ich vor irer
macht zu dir fliehen vnd auff dich **G**
Got acht haben. Sey du Herr mein
schutz / vberschüt mich mit deiner gut
Laf mich meinen willen sehen am
meinen feinden / ich begere nit das du
sie tödtest / auff das die glaubigen nit
faul werden vnd dein vergessen / weñ
sie kein anfechtung haben / sondern
vertreyß sie mit deiner macht / vnnnd
stos sie hinunter herr mein schilt / das
sie nit schaden thun / sie leren nur sün-
digen wider die erkante warheyt /
vñ hemmen sich in irer hoffart / Bley-
ben auff irem trutz vnd stoltz / vnnnd
predigen eytel fluchen vnnnd wider
sprechē. Mach sie all / lieber mach sie
all in grimme / das sie nichts seyen

vnd auffhören müssen zu lesten wi-
 der dein wort / vnd inne werden das
 Gott herrscher sey inn Jacob in aller
 welt / Laß mir auffgehen den mor-
 gen deines trosts / das ich von deiner
 macht singe vnd dein gütte frölich
 rhüm. Sey mein zuflucht zur zeyt
 meiner nott. Sey mein Gott / mein
 güte vnd mein heyl / Amen.

Der LX. psalm.

Deus repulisti nos in finem.

In nöthen vmb hilff zu Gott.

Ach mein Got du hast mich yetz
 verstoßen / ich byn kaum so keck
 das ich zu dir schrey / du bist zornig
 vber mich / O Herr / Ich hab gesün-
 digt / ich bekens / vergib mirs lieber
 Gott / vnd kere dich wider zu mir /
 heyl meine brüch / denn ich byn seer
 zerstoßen / den du lestest mich ein har-
 tes sehen / gibst mich inn gewalt der.

J iij

seynde vnd trenckest mich mit dau-
mel weineygener gedunckē. Das ich
aber noch auff dich traw / dz macht
das ich ein zeychen von dir empfan-
gen hab / ein zeychen der gnaden / nem-
lich dein wort vnd verheyssung / dan
du verheyssen hast vnd bey deiner
heyligkeyt versprochen / du wöllest
deine glaubigē erledigen durch Chri-
stum / welchem du alle land vnd völk-
cker zugeeygent hast vñ vnterworff-
fen / des ich mich frewe vñ tröste / dan
keine macht solchs vermag / du thust
dan O got der du vns verstößest vñ
vnter vnserm heer nit aufzeühest. O
lieber herr nach dem selbigē hilf mir
mit deiner rechten handt vnd erhör
mich / Schaff mir beystandt in der
nott / denn menschen hilff ist kein nutz
Laf mich mit dir thaten thun / vnd

untertritt du meine feinde mit deiner macht / Amen.

Der LXI. Psalm.

Exaudi deus deprecationē meā.

Innöthen vmb festen glauben in Chrustum.

O Got höre mein klag vnd merck auff mein gepet / Mein hertz ist in angst / führe mich auff einen hohen felsen vnd auff weytten raum / Denn du bist mein zumerficht / dein nam ist mir ein starcker thurn vor meinen feynden. Laß mich allzeyt in deiner hütten wonen / vnd vnter deine flügel trawen. Herr erhör mein verlangen / Gib das ewig erb den die deinen namen fürchten / sollichs alles durch vnsern Herrn Jesum Chrustum den du ewigklich zum künige hast gesetzt vor dir / durch deine barmhertzigkeyt vnd warheyte sein reych behüttest / O Herr laß vns allzeyt dein gütt vnd

00019569

trew bewaren. So wöllen wir deis
nem namen lobsingem ewigklich/
Amen.

Der LXII. Psalm.

Nonne deo subiecta.

Gemeyne pit vmb rechten glauben vnd
verachtung zeytlicher ding.

Der laß dir mein seele alle zeyt
schweygen/ vnd zu frid sein inn
deinen wercken/ denn von dir allein
muß das heyl künien / Du bist mein
Gott / mein hort / mein heyl / mein
schutz / bey dir hab ichs alles / vnd
werdt wol bleyben / ob gleich die got-
losen mir nachstellen mich zu erwür-
gen / daran sie als wenig gewinnen
als ein hangende wand vnd zerstoß-
sener zaun / dann sie mit lügen vmb-
gehen vnd wider Gottes höhe fecht-
ten / der ist mein heyl vnd mein schutz
Darumb will ich wol bleyben / bey

Gott ist mein heil / mein eere / der fels
 meynen stercke / mein zuuersicht ist
 auff got / hoffet auff in alzeit jr völk
 er schüttet ewer hertz vor im auß / got
 ist vnser zuuersicht / aber menschen
 sind eyteyl / leutt sind falsch / auff der
 wagen sind sie leychter dan eytelkeyt
 selbs / also das nichts auff sie zu bau
 en ist noch zu verlassen / Hierumb bes
 war mich Herr das ich nicht eytel
 werdt / mich nit verlas auff vnrecht
 vnd gewalt / noch auff zeytlich gut
 mein hertz nit darann henge ob mir
 zufellet / sondern allein auff dich / du
 Gott hast ein mal geredt / vnd kan
 nicht widerrufft noch geendert wer
 den / das hab ich mer den einmal ge
 höret / das bey dir ist macht zu ver
 dammen / vnd gute selig zu machen /
 das du bezalest einem yeden wie ers

verdienet hat. Lieber Herr laß mich
nit vnter die verdampften gezelt wer-
den/ sondern vnter die seligen/ durch
dein gnad/ Amen.

Der LXIII. psalm.

Deus deus meus ad te de luce vigilo.

In nöthen vmb tröstung des Euangelij.

Got du bist mein Got/ frue such
ich dich. Mein seel vnd mein
fleysch dürstet vnd verlanget nach
dir/ in ein durren landt vnd dürsti-
gen da kein wasser ist/ dz ist im kreutz
vnd leyden/ welichß yederman fleu-
het/ so hab ich dich gesehen in deiner
heyligkeyt/ das ich möcht sehen dein
macht die mir hülff/ vnd dein eer die
mich vnter drückten wider auffrich-
tet. Dein güte ist ja besser denn leben/
Lieber Herr zeyg mir sie / so wil ich
dich hoch lobē/ bey meinem leben dir
dancken vnd deinen namen heyligen

Vñ das ich solchs müg thun/so füll
 mein seel inwendig mit gnaden vnd
 mit süßigkeyt des geystes/gleich wie
 der leyß feyst wirdt vom brod vnd
 fleysch/ den so wirt dich mein mund
 rhümen/ loben vnd heyligen mit mit
 heuchlerischen lebsen/sunder mit frö-
 lichē im geyst/ ich werd auch an dich
 gedenccken auff meinem lager in der
 nacht der trübsal/ vnd mein frölich
 gesprech des lobes von dir halten/in
 der wach wenn die tröstung wider-
 kumbt/ O Herr sey mein helffer/ laß
 mich vnter der deck deiner flügel sich
 er vñ frölich sein/laß mein seel dir an-
 hangen/vnd dein rechte mich enthal-
 ten/ als dann willich nit fürchten die
 nach meiner seel stehen sie vmb zu-
 springen / sie werden nichts ann mir
 schaffen/ sunder vnter die erden hin-

00019569

vnter in die hell faren / ins schwerdt
der feyndt fallen / vnd den weltlisti-
gen fuchsen zu teyl werden / das ist sie
werden verdampft / vertilget vnd be-
trogen werden / ich aber sambt Chri-
sto meinem künig / auff den ich traw-
den sie auch in mir veruolget haben /
will mich in dir frewen / O Gott laß
mich bey dir schweren / vnd dir allein
gründtliche warheyt beylegen. Herr
verstopff den mund aller der die das
falsch reden / Amen.

Der LXIII. psalm.

Exaudi deus orationē meam.

Für die sündt das der feyndt nit ob siege.

Herr Gott erhör mein stym mit
meiner klag / behüt mein leben
vor der forcht des feynnds / Verbirg
mich vor der samlung der bösen / vor
dem hauffen der vbelthetter / welche
ire zungē scherpfen wie ein schwerdt /

sie zielen mit bitteren pfeylen das sie
 den frommen schiessen/aber doch heim-
 lich/vnnd plötzlich in mit betrug zu
 fälle bringen/scheinen sich nit zu lie-
 gen/grübeln vnd suchen vrsach wi-
 der die glaubigen/in tieffem hertzen
 das mans nit mercken sol/Aber Got
 dem nichts verporgen ist wirdt seine
 macht vor aller welt an ihm berwey-
 sen/sie mit plötzlichem pfeyl schiessen/
 das sie wundt werden/ir aygene
 zung wird sie fellen/das ir spottet ye-
 derman wer sie sihet/vnnd alle men-
 schen daroß erschrecken/vnd Gottes
 wunderthaten verkündigen vnnd
 mercken/das sein werck geweest sey/
 Ich glaub vnnd frew mich dein Got
 vñ traw auff dich. O Herr sey mein
 schilt/zuerficht vnd erledigung von
 jnen/gib mir freud/fride vnnd hoff-

00019569

nung / das ich mich mit auffrichti-
gem hertzen müge ewigklich in die
rhümen / Amen.

Der LXV. psalm.

Te decet hymnus deus.

Gemeine pit vnd dancksagung für zeytliche
narung vnd alle wolthat Gottes.

O Gott dir gepürt das man dich
lobe vnd gelübt zale in deiner ge-
mein. Erhöz mein gepet / denn vmb
des willen kumbt alles fleysch für
dich / meine missethat sind zu groß
worden. Lieber Herr vergib mir sie
vnd sey mir gnedig. Erwele mich vñ
laf mich zu dir / das ich in deinen hö-
fen wone. Settig mich mit dem gut
deines hauf vñ deines heyligen tem-
pels. Erhöz mich wunderparlich in
deiner gerechtigkeit. O Gott meine
heyls du zuuersicht aller welt ende
vnd des meeres in der ferre / du stillest

Das Brausen im mere / Das Brausen
 jrer wellen vnnnd toben der völccker/
 Das sich fürchten die ann den enden
 wonen / vor deinen zeychē / du machst
 frölich die außgehen beyde frū vnnnd
 spat. Du besuchst das erdreych mit
 deiner güte / vnnnd machst es feucht
 reych / feyst vnd fruchtbar / vnd gibst
 menschen vnnnd vieh jr narung / zu
 glückseligen jaren reychlich darauf /
 Des sey dir Herr lob preys vnd danck
 gesagt ewigklich / Amen.

Der LXVI. psalm.

Iubilat deo omnis terra.

In nöthen vmb errettung zu Gottes lob.

O Got dir sollen alle landt iauch-
 zgen / zu eeren deinem namen lob-
 singen / deinen rhum herlich machen /
 von wegen deiner grossen werck / der
 erschaffung / regierung vnd erlösung
 die so wunderbarlich sein / das alle

K

000195
deine feyndt nichts wider dich ver-
mügen/vor deiner grossen macht/der
halben alle landt dich anbetten/ dir
lobsingen/deinen namen preysen vnd
deine werck anschawē oder erlernen
sollen/O Herr Got du bist wunder-
sam mit deinem thun vnter den men-
schen kindern / du verwandelst das
Meer ins trucken/das die glaubigen
zu fuß vber das wasser der trübsalen
geen/vñ frewen sich in dir / du hersch-
est mit deinem gewalt ewigklich/dei-
ne augen schawen auff die vöcker/
die abtrinnigen so deiner Götlichen
warheyt widerstreben / werden sich
nicht erhöhen künden / noch durch je
aygene werck selbs rechtfertigē / dich
vnsern Got sollen alle vöcker loben/
vnd die stym̄ deines rhumes lassen
laut werden / der du vns in aller nott

auß hilffst/ vnser seelen im leben be-
 heltest/ vnd vnser füsse nit gleytten
 lesset zum falle/ vnd ob du gleych
 vns trübsal zu schickest/ so geschichts
 doch mir zur probe/ das wir versuch-
 et/ lernen nit auß vns selber vert: an-
 en/ sunder als dz silber durchs feuer
 geleüttert werden/ vnd von sünden
 gereyniget. Du hast mich in gefenck-
 nus bracht vnd trübsall auß mich
 wie ein last auß die lenden gelegt/ du
 hast gotlose menschen vber mich
 herschen vnd mir vbers haupt faren
 lassen/ ich pyn im feuer wie die kna-
 ben zu Babilonien/ vñ in wasser wie
 die kinder Israel im rotten Meer
 kummen. Ach lieber Gott füre mich
 wider in die fülle der freuden das ich
 dir lob vnd danck sag/ wie ich denn
 mit meinem munde geredt hab imt

meiner nott. So wil ich yederman
erzelen was du meiner seel guts than
habst/ vnd mich erhöret wenn ich zu
dir ruff/ das andere dich fürchten vñ
auch auff dich trawen in jren nöthen
Gelobet seyst du Herre Got/ wendt
mein gepet nit von dir/ du mein lieber
Gott/ vñ dein güte nit von mir/ vmb
deines namens willen/ Amen.

Der LXVII. psalm.

Deus misereatur nostri.

Gemeine pitt das das Euangelion
krefftig sey.

O Lieber Gott sey vns gnedig vñ
seggen vns/ laß dein antlitz vber
vns leuchten/ vñ erbarm dich vnser/
das wir auff erden deinen weg erken
nen/ vñ dein heyl vnter allen heyden.
O das dich alle völccker müssen loben
vnd dir dancken vnd in dir frewen
vnd frölich sein/ der du die leut recht

richtest vñ fürest sie auff erden/ Herr
 gib dein güte / so wirt das landt sein
 frucht in vnns geben. O Gott vater
 segen vns. O vnser Gott du sun Je-
 su Christe segen vns. O Gott heyli-
 ger geyst segen vns. O Got das dich
 muß fürchten aller welt endt/ dz sich
 niemandt vnterstehe zu thune was
 du wilt. Amen.

Der LXVIII. psalm.

Exurgat deus & dissipentur inimici eius.

Gemeine pitt das das Euangelion
 reychlich gehe.

Herr stehe auff/ das deine feynd
 zerstreuet werden/ vnd vor dir
 fliehen die dich hassen / vertreyß sie
 wie der rauch vertriben wirdt/ wie
 das wachs vom feuer zerschmeltzet/
 so müssen umbkummen die gotlosen
 vor Gott. Laß die gerechten die jün-
 gern Christi frölich sein vor dir vnd

K iij

00019569

wunne haben in freuden / das sie die
lobsingen vnd deinen namen allent-
halben aufrüffen vnd deinen preys
meren. Laß das reych Christi / der vō
hymel regiert vnd sanfft her feret /
weytter außgepreyt werden. Sey
ein vater der weysen lieber Herr / vñ
ein richter der witwen / nemlich der
die von der welt verlassen sind / die be-
kümmerete gewissen habenn / die ver-
folgung leyden / die arm vnd elendt
sind. Lieber Gott in deiner heyligen
wohnung laß vns eintrechtiglich inn
deinem hauf wonen / gib vns allen
ein hertz / ein seel vnd einen synn nach
deinem wort / führe auß inn deiner
sterck die gefangen vñ gepunden am
leyß vnd im gewissen / auch die noch
im todt wonen vnd dir noch wider-
sprechen / als da du vor deinem volck

herzogest / vñnd in der wüsten einher
 giengest / da die erden bebete vñnd die
 hymel troffen vor dir Gott Sinai
 vñnd Israhelis. O Gott dein erb ist
 dürr du wöllest einen gnedigen regē
 aufteylen vñnd lassen geratten vñnd
 dein volck stercken / laß deine scheslein
 in demselbigen deinem erbe wonen /
 O Gott laß vns elenden dein güte ge
 ratten / vñnd zu trost kumen die gnad
 des süßen Euangelij. Lieber Herr
 gib vns dein wort mit macht / vñnd
 mach der Euangelistē vil / vñ mach
 sie eynig vntereinander. Laß dir dein
 hauß zierd / dein praut die Christen
 heyt einen grossen raub der menschen
 die dem Teuffel abgeiagt werden /
 aufteylen / Verley du barmherziger
 vater das wir schlaffen / vñnd in ver
 achtung aller zeytlichen ding feyren

00019569

oder ruhen / zwischen den grenzen
der Christlichen gemein / vnd das
die sittige der tauben oder das predi-
gen des Euangelij in deiner gemein
vber silbert sein / also das nichts dan
allein das reyne wort Gottes / vnd
lauttere silber der götlichen schrift
geprediget werde in purem glauben /
darzu die ruckflügel oder lere der lie-
be goldfarb / also das die lieb alle ding
trage / kein geytz noch aygen gesuch
oder eytel eere im predigen gesuchet
werdt / sondern nichts dan der recht-
schaffene glaub vnd liebe geprediget
werdt. Gib vnd sende du selber lieber
Herr almechtiger Gott künige oder
lerer vber sie / so wirdt sie schnee weiß
sein auch im tuncelen / also das ire
sündt abgewaschen werden / vnd
nichts zu verdānuß gerechēt / Durch

solch predigen wirt dein versammlung
 oder gemein die ein Berg Gottes ist/
 ein fett Berg sein/reych in allen gaben
 fett von allerley gnaden des heyligen
 geysts gesalbet / darzu gehügelte der=
 massen das ein hügelein immer am
 andern sey / vnd doch allesambt nur
 ein Berg durch eynigkheyte des glaubēs
 sey ein feyster Berg / dagegen sich gar
 nichts rühmen noch pochen mügenn
 alle secten rotten / die als gehügelte
 Berg hupffen / dann Gott hat lust al=
 lein auff diesem Berg der Christenheit
 ausser wellicher kein heyl ist zu wo=
 nen / vnd der Herr bleybt da immer
 dar vntz zum endt der welt bey den
 seinen / der ein vnzeliche zal ist / wie
 wenig jr auch vor der welt scheynen /
 gleych als vil tausent mal tausent
 wagen Gottes / vnter welchen der

00019569

Herr selber ist im heyligen Sinay/
der das götliche heylige gesetz durch
seinen geyst erfüllet. Solchs alles
O Herr Jesu Christ hat diser berg dei-
ne heylige kirche/da her/das du bist
in die höhe gen hymel gefaren/vnnd
hast das gefencknuß/damit der Teu-
fel vns in sünden/todt vnnd hell be-
stricket hatte/gefangen/du hast von
Gott gaben entpfangen für die men-
schen außzuteylen/auch die abtrün-
nigen/auff das Gott der Herr da
wone/teglich gelobet werde/vnd der
Gott vnser heyls vnns mit seinem
süssen ioch wöl belade. Gelobt seyst
du Herr vnser heyls Gott/füre vns
seligklich zu vnserm heyl/das wir de
tod entlauffen durch dich/zuschmeiß
O Herr Gott den kopff deiner feind
mit irem harschedel/der dawandelt

in seiner schult des r
den feyn den deines
gewalt vnd ansehe
den jr künigreych v
genummen hast / vn
verheyssen hast / hole wie
kere auß der feyste der heyde
vnd auß der tieffe des meers
prediger die jr blut vergiessen
Euangelions willen vnd es
hundert lecken / auff das also deit
ge oder wege / nemlich dein wat
vnd gnade kundt werden / alle gl
bigen mit freuden spill dich loben un
den versamlungen vmb den prunnen
Israel / den gebenedeyten samen Je
sum Christu der Israeli versproch
en ist / sampt allen Aposteln vnd pro
pheten / O Gott gott bekräftige vnd
sterck das in vns / das du in vns hast

hat selber ist im boircken durch dei-
 der das göeliche heit wachsen vō glau-
 fenen geist erfüllet / vnd allzeyt zu auff
 hat Jesu Christ heyligen kirchen die
 ne heilige kirche / ch werden. Hierumb
 in die höhe gen schilt das thier im rhoz
 hast das geist sampt der ochsen rotte /
 sel vns in sū en falschen lerern / die jr ay-
 strichter hat vnd nutz an den leutten die
 Gott gabe sind suchen / derhalbē sie dein
 schen an- elion verfelschen vnd verke-
 nigen / an gelts wegen wie Judas /
 wone / verstreū die vöcker die zukrieg
 Gott aust haben / vnd wider dein Euan-
 gelion mutwilligklich toben / auff dz
 die gewaltigsten der welt vnd die
 schwertzisten grōsten sūnder ire hen-
 de im glauben zu dir aufstreckē / dar-
 zu alle Künigreych dich als waren
 Gott erkennen vnd dich loben / der du

ferest im hymel von anbeginn. Laß
 vns nicht in vnsern willen vnd wol-
 gefallē/ anders wir werden schlupf-
 fen. Gib dem donner deins worts
 krafft/in den wolcken oder predigen
 das wir dir die eere geben. Gib dei-
 nem volck sterck vnd krafft du hoch
 gelobter Gott/Amen.

Der LXIX. psalm.
 Saluum me fac deus.

In nöthen vmb herligkeyt der aufferstehung.

Ach Gott hilff mir ich pyn im
 Engsten erfossen vnd ganz hilff-
 los es gehet mir ans leben/ Ich hab
 mich müde geschriern / meine augen
 sind vertunckelt vor harren auf dich
 got/ Meiner feindt sind mer dan ich
 har auff dem kopff hab / die mich on
 ursach verfolgen/vñ mir vil zu mech-
 tig worden/Hilff mir du mein lieber
 Herr Jesu Christ/der du auch wey-

landt/ mit solcher vnd wol mit vil
größer angst bist vmbgeben gewest/
vnd du must bezalen / das du nit ge-
raubt hettest / das ist / du hast aller
vnsrer sündt auff dich gefast vnd ge-
püß / du pist vmb vnsern willen für
einthoren geachtet / des sey dir ewig
lob vnd danc gesagt. O aller gürtig-
ster Herr Jesu / hilff mir auß / vmb
desselbigen deines aller schweresten
leydens vnd sterbens willen / O Got
laf nicht zuschanden werden / weder
an Christo noch an keinem Christen
alle die dein harren / Herr herr Zeba-
oth du Gott Israel / laß nit scham-
rott werdē die dein harren / dich such-
en vñ jr heyl in deinem wort hoffen /
O mein lieber got ich bette zu dir zur
angenehen zeyt deines wolgefallens
vber vns. Erhör mich nach deiner

grossen gütte vnd nach der warheyt
 deiner verheysen hilffvñ ja nit nach
 meinem verdienst / Errete mich auß
 meiner angst / das ich in dem kotte nit
 versinck / sondern errettet werdt von
 meinen hessern / vnd auß dem tieffen
 wasser / das ich nit verzweyffel / vnd
 die hell mich verschling / Erhöz mich
 Herr / deñ dein güte ist lieblich / wend
 dich zu mir nach deiner grossen
 Barmhertzigkeyt / Verbirg dein an-
 gesicht nicht vom mir deinem knecht
 deñ mir ist angst / erhöze mich eylend
 mach dich zu meiner seele vnd erlöf
 sie. Erlöf mich vmb meiner feyndt
 willen die auch deine feindt sind. Ich
 pyn arm vnd mir ist wee. O Got laß
 mich dein heyl schützen / ich wil dei-
 nen namen loben vnd hoch eeren mit
 danck / das die elenden müssen sehen /

vnd ein gute hoffnung zu dir gewin-
nen vnd dich suchen das jr hertz lebe/
denn du Herr erhörest die armen vñ
verachtest dein gefangen nicht / dich
lobe hymel erden vñd meer vnd al-
les das sich darinnen reget. Hilff dei-
ner Christenheyt lieber Herr / vñd
baw sie / das vil in jr wonen / vnd der
same deiner knecht sie ererbe auch al-
le die drinnen bleyben / die deinen hey-
ligen namen lieb haben / Amen.

Der LXX. psalm.

Deus in adiutoriū meū intende.

In nōtten.

O Herr mein Gott eyl mich zu er-
retten vñd mir zu helffen. Laß
die mit schanden von mir abkeren die
mir vbels wünschen vnd meiner seel
nachstellen. Erfrew aber vñ laß frö-
lich werden in dir alle die dich Herr
Gott suchen / vnd meiner erledigung

Begern von dir / das sie allzeyt sagen /
hochgelobt sey Gott / Ach Herr wie
elend vnd arm pyn ich. O Got eyl zu
mir / sey mein helffer vnd erretter /
Herr verzeuch nicht lang / Kum bald
mein Gott / Amen.

Der LXXI. psalm.
In te domine speraui.

In nöthen.

O Herr ich traw auff dich / laß
mich nit lenger vngewert von
dir hyn gehen / das ich mich nit muß
schemen vor meinen feyn den. Errett
mich vnd hilff mir auß / durch dein
gerechtigkeyt / denn meine ist nichts /
Neyge deine oren zu mir vnd vernim
mein pitt fleysiger / denn ichs thu vñ
hilff mir. Sey mir ein starcker hort /
dahyn ich immerzu fliehe / denn du
hast gepotten vñ zugesagt zu helffen
du pist mein eyniger self vnd purg /

℥

Mein Gott hilff mir auß der handt
des gotlosen/des vnrechten vñ grau-
samen/Du pist mein zuuersicht mein
hoffnung vñnd trost von meiner ju-
gent auff/Auff dich pyn ich erhalten
von muter leyß an/mein rhum ist al-
lein vō dir/Ich pyn vor vilen wie ein
wunder/aber du pist mein starcke zu-
versicht/Las meinen mundt deines
rhums vol sein vñnd deines preyp teg-
lich. Verwirff mich nit zur zeyt mei-
nes alters/verlas mich nit wen mein
krafft am leyß oder am Geyst ab-
nympt/Dañ meine feyndt vñnd wi-
dersacher sprechen du hast mich ver-
lassen/seind derhalben dester gyriger
wider mich als het ich keinen helffer/
O mein Got ferr dich nicht von mir
eyl mir zu helffen/das sie zuschanden
werden/stettig harr ich dein/ich will

Deines rthumbs allzeyt mer machen/
 allzeyt wil ich dein gerechtigkeit vñ
 dein heyl die ich mit zelen kan verkün-
 digen/ wenn du mir beystehest vñ
 außhilffest/ Ich wil hinein gehen vñ
 vnter den Christen vō der macht des
 Herren sage/welliche das Euange-
 lion ist/ Ich wil allein deiner gerecht-
 igkeit dencken / damit du die sūnder
 rechtfertigest on verdienst irer werck
 O Gott du hast mich vō jugent auff
 wunderlich durch deinen geyst gele-
 ret / darumb verkündig ich noch dein
 wunder / die weder fleysch noch welt
 erkennen / O Herr Gott verlaß mich
 ferner auch im alter nicht wenn ich
 grau werd / piß ich dein macht kunds
 künden verkündige vñ allen nach-
 kummenden / der du mich durch Je-
 sum Christū auß aller not erledigst /

00019589

lebendig machest vnd erhöhest / Des
ich dir für dein trew mit freuden spil
vnd lobsang dancke mein Gott du
heyliger Israel / Amen.

Der LXXII. psalm.

Deus iudicium tuū regi da.

Gemeine pitt das Gottes reych im
Euangelio kum.

Der Gott erhöhe das reych
Christi deines suns vnser Kün-
nigs / gib im dein gericht vnd dein
gerechtigkeyt / das er gewaltigklich
weyt vnd preytt regier dein elenden
mit gericht / vñ dein volck mit gerech-
tigkeyt / vnd schütze die armen vnd
elenden in frid / vnd zerschlage den
schender den Teuffel mit allen seinen
gliedern. Laß einen festen grundt des
heyls auff erden sein / laß dir vilfälti-
ge frucht wachsen vnter vnns. Der
nam Christi Jesu sey gelobt vñ muß

auff vil nachkummen raychen/das
durch ihn gesegnet werden alle ge-
schlecht auff erden / vnnnd alle landt
müssen seiner eere vol werdē / Amen.

Der LXXIII. psalm.

Quam bonus israel deus.

Gemeine pitt wider die ergernuß.

Wie gut pist du Got des Israels
Allen auffrichtigen von hertzen
die kein böse gedancken von dir habē/
so sie sehen das es den gotseligen so
vbel / vnnnd den gotlosen so wol gehet
auff erden. O Herr ich pitt dich / halt
mein fuß das sie nit schlupffen durch
bösen eyffer oder neyd vber die got-
losen / die also im fride leben vnnnd in
rwe sterben / der hoffart eerlich muß
sein / vnd jr freuel muß in wol anste-
hen / wöllē darzu noch gerümbt sein /
thun was sie nur gedenccken / faren
hoch einher gleichsam wer kein Got /

715
O lieber Herr laß die deinen sich dar-
an nit ergern/ noch abweychen von
dir / dann das hiesse verachten das
geschlecht deiner Kinder/ vnd ein gots-
lesterlicher gedancke/ Nym wege
von vns solche fleyschliche gedanc-
en der finsternuß / erleucht vns mit
deinem wort/ vnd laß vns allzeyt ge-
dencken/ wie die yenigen/ in so grosser
ferligkeyt stehen / vnd wie es so ein
böß endt vmb sie wirdt nemen/ plötz-
lichen mit schrecken/ wie ein traum
gantz verschwinden/ Wie wir aber
hergehen nach diesem zeytlichen vn-
glück vnd ewigen trost vñ rwe wer-
den habē. Güttiger Gott leyte mich
nach deinem rhatē/ laß mich auff er-
den zu nichte lust haben / denn zu dir
allein. Sey du meins hertzen hort vñ
mein teyl ewigklich/ laß mich nit von

dir ferren noch wider dich hurn / sun-
 dern zu dir halten vnd mein zuuer-
 sicht auff dich setzen / das ich alle zeyt
 verkündig deine wort vnd werck / vñ
 nicht der menschen lere noch rhum /
 Amen.

Der LXXIII. psalm.

Vt quid deus repulisti.

Wider die feyndt des Euangelij.

A Ch Gott warumb verstößt du
 vns so gar? warumb ergrimpt
 dein zorn so gar wider die schaff deis-
 ner weyd? Gedencck doch an dein ges-
 mein die du dir selbst erwelt vnd ge-
 liebt hast vor der welt anfang / vnd
 hast sie erlöst durch das plut Christi /
 vnd die dein vnd deines namens wo-
 nung ist. Lieber Herr schütze sie vor
 iren beraubern / wendt dein hand nit
 von jr ab / Sihe doch wie deine feyn-
 de alles inn jr so gar verwüsten / vnd

L iij

00019589

alles im heyligthumb verderbē / mit
grossen hoffertigē geschrey entwey-
hen / deine wonunge beraubē vñ ver-
brennen / alles durch ire falsche lere
vnd menschen sayzungen / darmit sie
dein wort vñ Sacrament verdrück-
en / O Gott laß die widerwertigen
dich nicht so lang schmehen / vnd die
seyndt deinen namen nit so gar ver-
lestern / wendt den schutz deiner hand
nicht von vns vnd laß vns nit so gar
auf dem schoß deines worts / darin-
nen du vns tregst / fallen / wie du von
anbeginn allzeyt den deinē hast hilff
erzeyget auff erden / du hast dz meer
zertrennet / vnd die grossen Drachen
oder walfische / vnd die mechtigen
feinde / so die deinen verfolgeten ver-
tilget / hast inen auch wasserprunnen
miltigklich geben / die wasserströme

vor jnen außgetrücknet / In sumā du
 bist almechtig / hier umb hilff vns O
 Herr wider deine feindt vnd lesterer /
 Gib den wilden thiern nicht die seele
 deiner dürtel tauben / deines Klagen=
 den volcks / vnd wöllest der seelen dei=
 ner armen nicht so gar vergessen. Ge=
 denck an deinē pund / der du die war=
 heyt selber pist / dan es ist ye alles ver=
 zeret vñ stehet er barmlich allenthal=
 ben / halt dich zu vnns doch vmb dei=
 nen willen / das wir deinen namen
 rhümen / Mach dich auff / füre deine
 sach auß / sie ist ye dein vnd nit vnser
 gedencck an dein tegliche schmach vō
 den vnweysen. Vergif nicht der stimē
 deiner elenden / das gethümmel dei=
 ner feyndt wirdt ymmer ye grösser
 Vns hast du nit vnpillich verstoßen /
 warumb wilt du aber auch deiner

eeren so gar nicht achten? Ach lieber
Herr errette vnd verteydig dein eere
in vns deinen kindern vnd hilff vns
auff / das deine feyndt sehen das du
mechtig pist / vnd das wir gewar
werden / das du vnser freündtlicher
vater seyest. Amen.

Der LXXV. psalm.

Confitebimur tibi deus confitebimur.

Gemeine pitt vmb vnterthenigen
gehorsam des worts.

O Herr laß vns deinen namen na-
he sein / so wöllen wir dir danck
en vnd deine wunder verkündigen.
Bewar vns das wir nicht mit den
thollen gotlosen vnrecht thun / vnd
nicht hörner auff den kopff setzen inn
mutwillen vnd in aygem wolgefal-
len / vnd das wir nit freuenlich wider
dich reden / sondern dich allein fürch-
ten / als von dem alle ding böß vnd

gutt kummen / Der du allein gerechter
 richter pist / erhöhest vnd nidrigest
 wen du wilt / O Herr so es dir ye also
 gefelt / gib vnns zu trincken von dem
 wein auß deinem kelch des leydens /
 allein schon vnser / das wir nicht mit
 den gotlosen die heffen außsaugen vn̄
 außtrincken / Erhöhe vnser horn vn̄
 vnser zuuersicht zu dir / vnd zerprich
 die hörner der gotlosen / das wir dich
 ewigklich preysen vnd dir lobsingem /
 Amen.

Der LXXXVI. psalm.

Notus in iudea deus.

In nöten das Gott nit ewigklich straffe.

O Got der du weyland allein im
 Jüdischen landt bekandt wa-
 rest / aber nun ist dein grosser namen
 aufgepreyt in alle welt / dan du wo-
 nest allenthalben wo dein wort ge-
 predigt wirt / da zerprichst du alles

was da wider sichtet / pfeyl / pogen /
schilt / schwerdt vnd streyt / dir kan
kein raubperck oder Künigreych der
welt widerstehen / Du pist gewaltig
vnd wiewol man meynt du habst
vns in der trübsal vnd anfechtung
verlassen / die weyl die lesterer deines
namens stolzlich mit vns handeln /
so weyst du doch die rechten zeyt / vñ
denn plötzlich so man sich sein nit ver-
sehen het / lest du deinen prechtigen
namen sehen vom hymel vnd machst
die widerwertigen zu schanden / vnd
hilffst deinen glaubigē auß / Dann du
pist erschrocklich vnd niemandt kan
vor dir besteen / wenn du zürnest vnd
dein gerichte vom hymel hören lest /
so fürchtet sich das ganz erdtrich vñ
wirdt still / dann du nimbst den Für-
sten den mut vnd pist wunderbarlich

vnter den künigen auff erdē / zeytlich
 zornst vñ straffestu die kinder des sie
 dir dancken / aber wider die feyndt
 gürtest du vmb dich den ewigen zorn
 darinnen du nit nach lest / O lieber
 Gott vnd Herr kum̄ auch yetzt vnd
 eyl mir zu helffen auß disen meinen
 engsten vmb deines herlichen vnd
 heyligen namens willen / Amen.

Der LXXXVII. psalm.

Voce mea ad dominū clamaui.

In nöthen ein tröstung auß allen
 vorigen Gottes wercken.

Ach Got mit meiner stim̄ schrey
 ich zu dir erhör mich / ich such
 dich tag vnd nacht vnd reck mein
 hend auß zu dir / ich ruff dich an nach
 deinem geheysß / Aber du wilt mich
 nit hören / mein seel wil sich nicht trö-
 sten / darumb das du wider sie pist /
 ich entsetz mich so ich an dich gedenc̄

mein geyst ist on krafft / also schwer
ist mir dein gericht / wirdt aber gantz
verzagt / wenn ich deynner gericht
vonn der welt her gedencck / Es wil
mich der ding keins trösten / die vnns
doch zu trost geschriben sind / Ich ge-
dencck offft / hat sich denn Got verkeret
das wir seiner gütte vnd wolgefal-
lens nicht mer gewar werden / hat er
sein barmhertzigkeyt gar abgeschmit-
ten in zorn / hat sein wort ein end / das
doch für vnd für weren solt / hat Got
seiner gnaden vergessent / oder ist sein
barmhertzigkeyt also schwach wor-
den / das sie seinen zorn nicht kan vber-
winden / Aber ich sprach / das ist eben
mein schwacheyt vnd leyden / damit
mich Gott verendert / denn durch die
weyß gibt Got den trost wider / also
pfllegt Gott allweg zu handeln / das

er Barmhertziglich tröstet / wen̄ der
 zorn am größten ist / sollichs Bezeygen
 all sein werck die gantz wunderpar=
 lich sein / daran er sein macht erzeygt
 Sünnderlich aber da er sein volck
 auß **E**gyptē füret / vñ in den wassern
 vnd im hymel mit donner sich erzey=
 get / dan̄ sein weg ist in der heyligkēyt
 also / das alles heylig ist was er thut /
 vnd niemandt ist so groß vnd starck
 als Gott / er wirt mich hindurch fü=
 ren / Aber fürwar lieber Herr wen̄
 du mich nicht pald wider herumß
 lenckest vnd wandelst mich mit dei=
 ner rechten handt du aller höchsten /
 so muß ich verderben vnd verzagen.
 Ach lieber Gott du pist der Gott der
 wunder thut / beweyß doch dein
 macht an mir / vnd hilff mir auß /
 nach deinem wort / vmb̄ deines hey=

ligen namens willen / Amen.

Der LXXVIII. psalm.

Attendite popule meus.

Gemeine pitt.

O Herr Gott der du grosse wun-
der than hast in Egypten land
do du dein volck Israel wolst drauff
füren / vnd do du darnach dasselbig
dein volck in der wüsten fürest / dar-
an du erzeygt hast dein aller gewal-
tigste handt zu helffen. vnd umb zu-
pringen. Gib vns gnad das wir alle
zeyt auff dein gesez hören vnd vnse-
re oren neygē zu der red deins munds
vñ das wir dieselbigen auch andern
kündt thun / vñ das wir allzeyt vnser
hoffnung auff dich setzen / vnd nicht
vergessen deiner werck vnd thatten /
vnd das wir nit abtrünnig noch vn-
gehorsam werden / wie vnser veter
thetten die abtrünnig vngheorsam

waren/ vnd jr hertz nicht bereyten
 noch jren geyst zu dir richteten / sun-
 der auff jr aygene krefft vertraue-
 ten/derhalbē sie verdurbe / Sundern
 durch deinen geyst den du vnns gne-
 diglich geben wolst/ mach vns das
 wir dir mit willigem vnd auffrich-
 tigem hertzen nachfolgen / auff dich
 allein vertrauen/ deinen pundt fest
 halten/dein wunderthaten nimmer
 mer vergessen/noch wider dich in vn-
 gehorsam sündigen/ oder dich in vn-
 serm hertzen versuchen/ sundern auß
 betrachtung deiner vorigen wunder-
 werck dein veterliche güttebeherz-
 igen. Gib vns lieber Herr alzeyt En-
 gelprot zu essen/nemlich dein heyligs
 wort/ dadurch vnser hertz gerecht-
 fertigt vnd gesterckt werdt/allzeyt
 in dich zuvertrauen/vnd wöllest mit

ymmerdar auff vns zörnen/sundern
gedencken das wir fleysch sein/vnnd
ein windt der da hin feret vnd kumpt
nit wider/Baw dein christenliche ge-
mein hoch vnnd ewigklich. Laß vns
den waren David Jesum Christū
weyden vnd regiern in vnschuld des
herzen/vnd füren mit verstandt sei-
ner hendt/Amen.

Der LXXIX. psalm.

Deus venerunt gentes.

In nöten vmb barmhertzigkeyt oder gnade.

Ach lieber Gott siehe an wie er-
bermlich die Christenheyt von
den gotlosen verunreyniget vnd ver-
tilget/vnnd die glaubigen erwürget
vnd vor aller welt zum spot werden/
O Herr wie lang wilt du so gar zör-
nen vñ deinen eyffer wie ferner prent-
nen lassen? kere dich doch wider zu
vns mit gnaden / gedenck nit an vn-

sere vorige missethat vnserer eltern /
 oder vnser ganzen lebens / laß bald
 dein barmhertzigkeyt vber vns grös-
 ser werden / Den wir sindt fast elend
 vñ betrübt / das vns die gotlosen eng-
 stigen durch dein gericht / Hilff vns
 Gott der du allein helffen kanst vnd
 errette vns / nicht das wir sein werdt
 sind / sondern allein vmb deines heyl-
 ligen namens willē / das der gepreyßt
 werdt / vnd vergib vns vnser sündt
 vmb deines namens willen / das der
 geheyligt werdt in vns / das wir dich
 mügen rühmen wie du pist / nemlich /
 Got / Heyland / Vater / güttig / barm-
 hertzig / trost / zuuersicht / schutz / erret-
 ter / erlöser vñ anders mer / Erzeyge
 dein macht wider vnser feyndt / das
 sie dich nymmer lestern samb werest
 du kein Gott / Laß das seuffzen vnd

00019569

Klag der gefangen für dich kummen/
hilff inn auß/vnnd den die dem todt
vermeint sind/ So wöllen wir elen-
den scheslein deiner weyd ewigklich
in deinem lob beharren/Amen.

Der LXXX. psalm.

Qui regis israel intende.

In nöthen für gemeine Christenheyt.

O Herr du hirt deines volcks höre
vnns/ von deinem gnaden stul
Christo Jesu/ erweck deinen gewalt
vnd kum vnns zu hilff. O Gott Herr
der heerscharen hol vnns wider laß
vnns dein antlitz leuchten/ erzeyg dich
freundtlich so genesen wir / wie lang
wiltu doch zömen vber vnser gepete
wie lang sollen wir zeherprot essen
vnd zeher trinckene du hast vnns zum
zancck gesetzt den die vmb vnns wonen/
vnd vnser feyndt spotten vnser vnd
thun vnns vil leyds. Herr Gott hol

vns wider laß vns dein antlitz leuch-
 ten so genesen wir / Gedencke lieber
 Herr / wie twer du vns erkaufft vñ
 von der sündlichen welt erlöset hast
 zu einem erbe eingesetzt / reychlich mit
 gaben vberschüttet vñ als einen schö-
 nen weingarten zubereyttet / Wendt
 dich doch vñnd schaw von hymel /
 sihe an vñnd besuch vns die Christen-
 heyt deinen weinberg / wie er so gar
 sere zerrissen vñnd verwüst wirdt von
 den wildē thiern des teuffels dienern
 Lieber Herr pesser vñnd mach in wi-
 der zu / dē dein recht handt gepflanzt
 hat / vñnd als ein kindt bestettigt / richt
 in wider an / vñnd baw in das er dir
 vil frucht bring / schütz in vñnd bewar
 in vor schanden / vñnd Christus wil-
 len der auß disem weingarten geporn
 ist vñnd zu deiner rechten regniet /

inn dem so stehe vns bey mit deiner
handt vnd stercke vns / so wollen wir
nit von dir weychen / sundern deinen
namen anruffen / Herr Got der heer-
scharen hol vns wider / laß dein ant-
litz vber vns leuchten so genesen wir /
Amen.

Der LXXXI. psalm.

Exultate deo adiutori nostro.

Gemeine pit vmb bestendigkeyt
im glauben Christi.

Herr Gott sey vnser sterck vnd
hilff / das wir dir frölich singen
vmb dein erlösung auß Egypten die-
ser welt / da du vns von grosser angst
vnd beschwerung erlöset hast danck-
sagen / hilff vns auß nott / wenn wir
dich anruffen / Gib gnad / das wir
dich allein hören / vnd das kein fremb-
der Gott in vns sey / der du allein vns
erlöset hast / vnd das wir keinen an-

Derr anpetten denn dich. Fülle vnns
 vnserre münder / so wir dir sie weyt
 auffthun / gib vnns was wir pitten /
 das vns nütz vnd nott ist zu leyß vnd
 zu geyst. Laß vns nicht in vnseres her-
 zgen dunckel / als die dich nicht hören
 vnd verachten / vnd laß vns nit wan-
 deln nach vnserm rathe / sondern al-
 lein nach deinem einigen warhafftigen
 ewigen wort / O Herr halt vns
 inn deinem gehorsam das wir auff
 deinem wege gehen / demütige vnserre
 seynde / vnd wende dein handt vber
 vnserre widerwertigen / laß vns Herr
 an dir mit selen wie die heuchler die
 dich eufferlich mit lügen eeren / sun-
 der erhalt vns bey dir ewiglich / vñ
 speiß vns mit dem besten weytzen dei-
 nes worts / vnd settige vns mit dem
 süßen hönig der gnaden auß dem sel-

sen Christo Jesu / Amen.

Der LXXXII. Psalm.

Deus stetit in Synagoga.

Gemeine pitt vmb gut Regiment.

O Herr der du in deiner gemeyn
stehest / vnd alle oberherrn rich-
test als der oberst richter der andern /
setz vnter dein volck Fürsten vnd
richter / die pillich vnd recht on anse-
hen der person richten / dem armen /
dem waisen / dem elenden / dem dürff-
tigen / der witwen / vnd die sie erret-
ten vnd lösen auß der gotlosen hand /
die deines worts war nemen / vñ nit
im finstern menschlicher vernunfft
wandeln / zu verterbung des landes /
die sich als götter vnd gottes kinder
oder diener erzeygen / vnd nicht wie
vnbeständige menschen vmbfallen /
Wo nit / so mach dich auff vnd richt
die gerechtigkeit deines erbs / das es

nicht vnter drückt werdt wie pifher.
 Setz auch rechte lerer die dē beküm-
 merten gewissen helffen mügen/vnd
 die nit das jr/ sondern allein dein eere
 vnd vnser heyl vnd seligkēyt suchen/
 Amen.

Der LXXXIII. psalm.

Deus quis similis erit tibi.

Wider die feyndt das Gott sein
 wort beschirme.

O Gott wer ist dir gleyche Nie-
 mandt/ So schweyg dir nicht
 vnd sey nit still/thu nicht als gehe es
 dich nichts an/ denn sihe deine feyndt
 toben vnd heben den kopff auff/ sie
 trachten listigklich wider dein volck/
 vnd ratschlagen wider deine verpor-
 gene/wider dein heyligē die der welt
 unbekandt sind/ das sie umbpringen
 iren namen/ alle gotlose vöcker schla-
 gen sich zusamen vnd machen einen

00019569

pundt / das sie dein wort vnter drück-
en vnd ire sündlein auffrichten / O
Herr die sach trifft dich an / wider
dich haben sie einen pundt gemacht /
were irer Bosheyt / thu jnen wie du
vor zeytten thetest den mechtigen
heyden / die sich wider dein volck Is-
rael legetē / Mach sie wirbel süchtig
wie ein radt / das sie nit wissen was
sie thun / vnbestendig wie ein stoppel
vor dem windt / verachtet wie dreck
oder kot auff dem landt / verzagt vñ
erschrocken vor deinem gericht wie
ein feuer das den walt anzündet / vñ
wie ein flamme die die perge anstecket /
also verfolg sie mit deinem wetter
vnd erschreck sie mit deinem vngewit-
ter / bescheme sie / erschreck sie / vñ brin-
ge sie vmb / das sie zu schanden wer-
den vnd erfahren das dein name sey

Herr/ vnd das du allein seyst der aller
höchst in allen landen/ Amen.

Der LXXXIII. psalm.

Quā dilecta tabernacula tua.

Gemeine pitt vmb zu nemen im glauben.

O Herr wie lieblich sind deine wo-
nung / herwiderumb aber wie
greulich ist das reych diser welt / dar-
umb so hat mein seel grossen verlan-
gen nach deinen vorhöfen / durch trey-
bung deines geysts / dieweyl auch die
vögelein vō natur suchen das sie sich
er mügen wonen / solt mir dann dein
altar vnd dein hauf / da man dich
ymmer lobt nicht auch lieblich sein /
mein künig vnd mein Gott / O Herr
mach mir dis verlangē noch vil hitz-
iger / das ich vor deiner hütten lieb
vnd lust / alles auff erden veracht /
Mach das mein hertz vnd leyb sich
frewen allein in dir lebendigen Gott

00019569

vater / Heylandt vnd erlöser / Laß all
mein hilff vnd sterck allein in dir vñ
von dir sein / Laß mich an keinen zeyt-
lichen dingen hangen / sunder allzeyt
auff die ewigen güter sehen / nit auff
die weltlichen vergenclichē / das ich
in meynem hertzen ein bane hab vnd
mit begirdt der hymnischen ding / nur
für vber gehe vor den zeytlichen / vnd
in solchem durch wandern dieses ja-
merthal zum prunnen mach / den an-
dern zu troste sey im aller notturfft
mit geystlicher tröstung / Laß mich
allzeyt von einer sterck in die andern /
von glauben zu glauben gehen / stet-
tigs zu nemen im geyst vnd erschey-
nen pey Gott zu Zion / Herr Gott der
heerscharen / erhöz mein gepet / vñnd
solch begeren des geysts / vernims du
Gott des Jacobs / Schaw O Gott

vnser schilt / sihe an das angesichte
 deines Christs / sey mir durch in vnd
 vmb seinen willen gnedig / dan es ist
 ein tag in deinen vorhöfen besser / dan
 tausent in der welt wollustē / ich wil
 auch lieber der thür hütten / vnter m
 kreuz verachtet sein inn meines Got-
 tes hauß / dann lang wonen inn der
 gotlosen hüttē / dan alda ist der Herr
 sunne der barmherzigkeyt vnd schilt
 der warheyt / inn der verheysungen
 gegen den seinē / O herr gib mir gnad
 der vergebung der sünden / vnd eere
 der annemung zum kindt / laß mich
 on wandel leben / das mir kein gut-
 tes mangel / vnd gib mir einen festen
 vertrauen auf dich vmb deiner güte
 vnd warheyt willen / Amen.

Der LXXXV. psalm.

Benedixisti domine terrā tuā.

Gemeine piet für alle Christenheyt.

000 5565

Lieber Herr laß dir dein landt
die Christenheyt darinnen du
wonest wolgefallen / segen sie / vnd
bring ire gefangen am leyb vnd ge-
wissen wider. Nym wege ire misse-
that / deck all ir sündt / dieweyl sie da
für nicht kan gnugthun / so hat doch
Christus für sie bezalet / hebe deinen
zorn auff vnd wendt dich vom grim
deiner vngunst. Erquick vns got vñ
dem all vnser heyl kumbt / vñ laß ab
vñ deinem zorn vber vns / Wiltu den
ewigklich vber vns zornen / vñ deinen
zorn ymer für vñ für strecken? Neyn
lieber Herr / sundern wendt dich / er-
quick vns vnd gib vns das leben /
das sich dein volck inn dir frew
Herr zeyg vns deine gütte / vnd gib
vns dein heyl. O Herr rede mit mir
in mir / rede frid vber dein volck vnd

vber deine heyligen/ das sie sich nicht
 zur torheyt/sunder zu dir keren/Las
 vns dein heyl nahen sein/vnd gib das
 wir dich fürchten/Las dein eer vnter
 vns wonen/Las dein gute vnd trew
 in vns zusammen kumen/vnd dein
 gerechtigkeit die vns gerecht macht/
 vnd den fried der gewissen sich an
 einander küssen in vns. Gib lieber
 herr deins geysts gute/das vnser erd-
 rich vil frucht der gerechtigkeit prin-
 ge. Las dein gerechtigkeit vor dir
 her gehen/so du zu vns kumen wilt/
 das sie vns reynig vnd auff rechtem
 weg füre/Amen.

Der LXXXVI. psalm.

Inclina domine aurem tuã.

In nōtten.

O Herr neyg dein oren vnderhōr
 mich/ denn ich pyn elendt vnd
 arm. Bewar mein seele den du hast

00019569

mich durchs wort deiner warheyt
geheyliget / hilff Gott deinem knecht /
denn ich weyß kein andere hilff denn
von dir meinem Herren allein / Herr
sey mir gnedig denn ich ruff teglich
zu dir all dieweyl mein trüßsal we-
ret. Tröst die seele deines knechts / den
Herr zu dir heb ich mein seele / den du
Herr pist gut vñ gnedig / von grosser
gütte allen die dich anruffen. Ver-
nym Herr mein gepet vñ merck auff
die stym̄ meiner klag / an diesem tag
meiner bekümmernuß / O Herr alles
das die abergläubigen vñnd eyteln
werckheyligen ine auffrichten dar-
auff sie trawen / das denn jr Got ist /
das ist dir nyndert gleych vñnd kan
nit thun was du thust / denn du pist
groß vñd thust wunder vñd pist al-
lein Gott / derhalben auch alle Hey-

den vor dir anpetten vnd deinen namen eeren. Dich solchen Gott ruff ich an inn diser meiner nott du allein hilff mir. Bericht mich Herr deinen weg das ich in gehe inn deiner warheit/vñ mein hertz sich frew zu förchten deinen namen. Den so wil ich dir dancken/mein Gott vō ganzem hertzen/vund dein namen ewigklich lobben/Las deine gütte groß vber mich sein/errette mein seel auß der tieffen hell. Denn O lieber Gott die stolzen die mechtigen/dein vñ deines worts verachter vñ schender/die setzen sich wider mich/vñ stehen mir nach meiner seel. Du aber lieber Herr Gott pist barmhertzig/gnedig/langmütig ob schon zu weylen etwas nit ganz recht oder bestendigklich vonn vns wirdt gethan/vnd von grosser gütte

00019589

vnd trew vnd warhafftig in deinen
verheyssungen / wendte dich zu mir /
sey mir gnedig / gib deine knecht dein
sterck / das ich meinen feyn den müg
widerstehen vnd bestendig sein an
dir. Hilff dem sun deiner magd der
Christenheyt. Vnd thu also ein zeych
en mit mir zum pesten vñ zum preys
deins namens / das es die sehen die
mich vnd deinen willē hassen. Das
du mir beystehest Herr vnd mich
tröstest / Amen.

Der LXXXVII. psalm.

Fundamenta eius in montibus.

Gemeine pitt vns merung der Christenheyt.

O Herr laß die grundfeste deiner
Christenheit / mit auff den sand
noch auff die niderigen erden erpawt
sein / sondern auff die perg der heyli-
gen vnd der hymel. Welcher haupt-
grund ist Christus / vnd du lieber

Herr wöllest allzeyt vnnnd ewigklich
 darinnen wonen/ vnd dir die liebsten
 wouung lassen sein/ darinn du alzeyt
 herliche ding redest. Laß sich die leut
 von allen örten zu jr machen/ das sie
 gemert vnnnd gepawt werde/ durch
 die predig deins worts deiner verhey-
 sung vnd deins trosts vber alle mens-
 schen/ auff das man von jr sage/ wie
 diser vnd yener/ Jüden vnd Heyden/
 herren vnnnd knechte / on allen vnter-
 schied der personen oder werck/ allein
 durch den glaube in Christu darinn
 geporn seyen zu kindern Gottes/
 vnnnd er der höchst/ hab sie selber auß
 gnaden zugerichtet / das durch die
 predig auß allerley sprachen vñ völk-
 cern/ etliche daselb geporn/ vnd Got
 alda wie an einem reyen mit gesang
 loben/ Amen.

Der LXXXVIII. Psalm.

Domine deus salutis mee.

In nöthen oder anfechtung des glaubens.

Ach Herr meus heyls / ich schrey
tag vnd nacht vor dir warumb
verstößt du mich so gar das du mich
nicht erhörn wilt / wenn ich schon tag
vnd nacht zu dir schrey vñ ruff dich
an. Ach mein lieber Herr laß doch
mein gepet für dich kummen / neyg dein
oren zu meiner klag. Sihe doch wie
ich so gar vol iammer vnd bekümmernus
pyn / ich sihe nichts also vast als
den todt vnd die hell / pyn ich doch nit
anders denn als die todten / der sich
frey niemandt annympt. Ja wie die
von dir verstossen sind in die ewigen
verdammnis. Niemandt nimpt sich
mein an / vnd du von dem ich allein
solt hilff gewarten / setzest dich auch
wider mich / dein grym helt an vber

mich/ vnd drengst mich mit deinen
 wasser güssen / das ich ye gar vmb-
 pracht werdt/ meine feyndt eussern
 sich mein vñ haben ein grewel ob mir.
 Ich lieg gefangen vnd kan nicht auf-
 kummen. Mein augen sind betrübt
 vor iammer/ Ich schrey ymmer dar
 vnd preyt meine hendt zu dir/ aber
 alles vmbsonst. Ach Herr mein Got
 was hilfft es dich doch & wie möcht
 ich doch dein lob/ deine wunder/ dein
 gütte/ dein warheyt/ dein trew/ dein
 gerechtigkeit die vns gerecht macht/
 vnd dein eere/ verkündigen vnd auß-
 rüffen/wenn du mich verlest in tod/
 in der hell im verderben vnd in der
 finsternuß & O lieber Herr hol mich
 vil mer wider vom todt zum leben/
 von der hell zum hymelreich/ vom
 verderben zum heyl/vnd auß der fin-

sternus ins liecht / so wil ich deine nam
men hoch loben vnd ewigklich prey
sen. Aber nun so hab ich geschrien vñ
schrey noch ymmer dar auch frū vor
tags / noch wiltu mich nit hōrē / noch
stößt du mich inn vngnaden von dir
vnd verwendst dein angesicht von
mir / Ich steck nun lang inn elend vnd
leyden / in angst vnd nöthen / ich kan
nirgend kein hilff ersehen. Du nimbst
von mir alles was mich trösten solt /
vnd schickest mir zu alles was mir
leyd ist / also / das mich dünckt / es sey
niemandt so heffrig wider mich als
eben du / des ich mich allein tröstē solt
vor allen / vnd kan diß deins grimens
vber mich / kein endt sehen. Ach du
mein lieber Gott vnd Herr sey mir
doch nun wider gnedig vnd hilff mir
auf meiner nott vmb deines heyligen

namens willen/Amen.

Der LXXXIX. psalm.

Misericordias domini in eternum,

Gemeine pitt vmb die verheyssung Christi.

O Herr dein gütē ist ewig / dein
 trew vnd warheytt ist bereyt in
 hymeln / das ist / in deinen auferwel-
 ten welchen du einen pundt gemacht
 hast ewigklich / du hast dem waren
 Dauid vnserm Herrn Christo ge-
 schworen / du wolst seinen samen die
 glaubigen ewigklich bereyten / vnd
 seinen stul oder regiment für vnd für
 pawen / auff das die hymel deine
 wunder preysen / vnd deinen glauben
 in der gemeine der heyligē. Niemand
 ist dir gleych / du pist erschrocklich in
 rathe der heyligē / wundersam vber
 alle mechtig vnd groß. Es ist alles
 dein / du hast es alles gemacht / Ges-
 denck **O** Herr deiner warheytt vnd

A iij

00019569

verheyßung in deiner gütte. Laß dein
hilff vns leydigen zukunien. Laß dir
dein gütte vnd trew ein wonung in
vns bereyten. Lere vns recht iauch-
zen. Laß vns wandeln im liecht dei-
nes antlitz laß vns vber deinem na-
men frölich sein vnd durch dein ge-
rechtigkeyt erhöhet werden / sey du
der thum vnserer sterck / das wir inn
dir alles vermügen / vnd in deinem
wolgefallen alles thun / vmb deines
eingepornen Christus willen / in wel-
chem geliebten wir auch sein deine
geliebten / deine kinder vnd erben / kün-
ig vnd Priester / Lieber Herr halt
vns ewigklich dein gütte vnd deinen
pund fest / wie du vns in Christo hast
erwelet vnd zugesagt zu stercken / be-
schützen / erhöhen / meren / erhözen / zu
kinder vnd erben machen / vnd ob

du vns zu weylen wilt straffen vmb
 vnser sünden willen/ so verlaß vnns
 doch nicht/ vnd thu dein barmhertz-
 igkeyt nit von vns/ laß deine trew nit
 felen an vns/ bring vns nit gar vmb/
 sondern so du vns gezüchtiget hast/
 so nym vns wider auff/ verpirg dich
 nit lang so gar/ vnd laß deinen grym
 nit wie ferner prennen/ such deine vo-
 rige gütte widerumb erfür/ die du
 David geschworen hast bey deiner
 trewe. Gedencck was vnser wesen ist
 vnd das du alle menschen nicht vmb
 sunst geschaffen hast. Denn es kan
 jm ye keiner selbs vom todt helffen/
 noch sein seele auß der hell erretten/
 sondern du must es allein thun. Ge-
 dencck auch der grossen schmach/ die
 dein Christ für vns getragen hat/ vñ
 sey vnns gnedig vmb seinen willen.

00019569

Gelobet seyst du lieber Herr ewig-
lich/Amen.

Der xc. psalm.

Domine refugium factus es nobis.

In nöthen vmb erkantnuß Gottes
vnd vnser selber.

Herr du pist vnser zuflucht für
vnd für/denn du pist ein ewiger
Gott/wir aber sind eins gar kurzen
lebens/du schaffst ymmer mit deine
wortte das eins teyls hinsterven vnd
andere wider geporn werden. Aber
vor dir sind tausent jar wie eintag/
Ja wie ein vierteyl des tags oder
noch kürzer / Vnser leben gehet da-
hin wie der schlaff vñ wie das gras
auff dem felde/das heut grün ist vnd
morgen dürr. Wir vergehen inn dei-
nem zorn vñ vnserer gewissen erschre-
cken vor dem grymen deines gerichtes
vber vnserer sündt/darinn wir schon

todt sind vor deinen augen. O Herr
 wenn du wilt die sünd ansehen/ wer
 wil pleyben vor dir? Laß vns wissen
 die zal vnserer jar das wir eingehen
 mit weysen hertzen/ das wir mit hof-
 fen auff langs leben / vñ vnuersehens
 sterben/ Lieber Herr kere dich doch
 wider zu vns vñnd tröst dein volck.
 Füll vns frū mit deiner gūte/ so wöl-
 len wir rhūmen vñd frölich sein vn-
 ser lebenlang/ vñd laß dich erpitten/
 das wir frölich werden nach disem
 vnglück vñd iammer/ darinnen wir
 lang gelegen sind/ zeyge deinen knech-
 ten dein werck/ dann in irem eigenen
 werck verderben sie/ vñnd deinen
 schmuck vber ire kinder/ auff das sie
 durch der welt schmuck vñd herlig-
 keyt mit gleyßner ey mit verführet wer-
 den. Laß dein freundligkeyt vber

00019569

vns scheynen vnd förder vnser hendf-
werck das sie recht im glaubē gethan
werden/Amen.

Der XCI. psalm.

Qui habitat in adiutorio altissimi.

Gemein pitt vnd in nöthen.

GIB mir du aller höchster vnd
Barmhertziger Herr gnad/ das
ich nymmer mer auff ein ander ding
traw denn nur auff dich allein den
eynigen Gott allzeyt. Verpirg mich
nun vnd mein leben mit Christo inn
dir/ schütz mich vnter dem schatten
deiner flügel. Sey mein Gott vnd
mein hoffnung. Errette mich vom
strick der diener des Teuffels / die
mich von dir wollen jagen/ vnd von
der giffte der listigkeyt / der falschen
lere vñ spitzigen abschreckens/ durch
harte bedrowunge vnd süsse anreytz
ung der gotlosen/ Laß dein warheyt

meinen schilt sein / Laß mich nit fürch-
 ten vor dem grawen des nachts / des
 vnglaubens oder deiner vnerkentnuß
 Laß mich nit fürchten vor dem pfeyl
 der des tags fleugt / das ich nicht mit
 gesehenden augē blind sey / Laß mich
 auch nicht fürchten vor der pestilenz
 die im finstern schleycht / das ich auch
 meine grosse sundt nicht solt erkennen
 mügen oder für sündt halten. Laß
 mich nicht fürchten vor dem Teuffel
 der im mittag verderbt vor grosser
 scheinheyligkēyt vnd heuchlerēy / vor
 dem Sathan / der sich ver stelt in ei-
 nen gutten engel. Laß mich on sorg
 sein zur rechten vnd zur lincken / in
 glück vnd vnglück / in geystlichen vñ
 leyblichen sachen / das nicht an mich
 gelange / das vbel das der Sathan
 mit seinen engeln anrichtet / darmit
 er auch beiderseyts vil zu falle bringet

vnd von Got absündert / Hilff lieber
Herr das ich allen feynden vnd hell-
pforten obfige vnd meinen lust an inē
sehe / vnd der gotlosen vergeltung
schawe / Den du Herr pist mein zu-
uersicht / ich hab auch mein zuflucht
auff nichts zeytlichs oder vergeng-
lichs / sondern auff dich der du der
aller höchst pist / vnter deinē schirm
sit ich / vnter deinem allmechtigen
schatē bleyb ich / zu dir sprich ich herr
mein zuuersicht vnd purg / mein Got
auff den ich hoff / Laß mich deine en-
gel inn alle meinen wegen bewaren /
das ich nyrgend anstos. Laß den hel-
lichen trachen vnter meine füß tret-
ten. O lieber Herr wie lang hab ich
dein begert / hilff mir auß nach dei-
nem wort. Schütz mich vmb deines
heyligen namens willen den ich so

lang hab angeruffet / ich schrey zu dir
 erhör mich. Sey pey mir in diser vn̄
 aller meiner not / Reyß mich heraus
 vnd mach mich zu eeren vor meinen
 feinden / auff das ich dich vnd dein
 gütte auch hoch preys. Schenck mir
 Christum der das ewig leben ist / vn̄
 o güttiger Herr laß mich pald yetzt
 dein zeytlichs heyl sehen in diser nott
 vnd denn ymmer dar dein ewigs
 heyl / Amen.

Der XCII. psalm.

Bonum est confiteri domino.

Gemeine pitt wider die hoffart aygener
 werck heyligkett.

Herr es ist gut das wir dich all-
 zeyt hoch loben mit frölichem
 geyst vnd heyligen deinen namen du
 höchster. Es sey frū so es wolgethet
 vnd wir trost haben / so wir nemlich
 deine gütte sollen rhümen vnd nichts

00019569

vnserm verdienst zu chreyben/ oder
des nachts inn der widerwertigkēyt
vnd anfechtung/ so wir deiner war-
heyt vnd zusag auß gnaden gesche-
hen/nit sollen vergessen/ das wir nit
verzagen/vnd sollen gedenccken mit
freuden deiner werck/das es alles in
deiner handt vnd macht stehe/du
hast alles geschaffen/schickest vnd
ordenest alles/ Herr mach vns frö-
lich vber deinen werckē/das wir rüh-
men die geschefte deiner hende/ vnd
gar nicht vnser eygene werck/Herr
wie sind deine werck so groß/deine
gedancken sind so sere tieff/ein törich-
ter man/der von seinen wercken groß
helt/weyß das nicht/vnd ein nar-
der Got nit erkennet/verstehet solchs
nit/O Herr laß vns nicht von vnsern
wercken rümen noch inn zeytlichen

Dingen mit den gotlosen grünen/ wie
 das gras/ auch nit mit den vbelthe-
 tern plühen/ die nur zeytlich plühen/
 ewigklich aber vn̄ ymmer vmbkum-
 men/ vertilget vnd zustreruet werde/̄
 Aber du Herr pist hohe ewigklich/
 wen̄ wir vns in dir rhümen/ so wirt
 vnser horn oder gewalt erhöhet wer-
 den/ wie eins einhorns das man nicht
 beweldigen kan/ vnd werden begos-
 sen mit frischem öle der ewigen freun-
 de/ darzu lust sehen an vnsern feyn-
 den/ Das wir aber sollichs mügen
 thun/ dieweyl es in vnser macht auß
 vns nit ist/ so gib du vns lieber Herr
 vermügen vn̄ macht /kunst vnd ge-
 dechnuß solcher ding/ vn̄ mach das
 wir in deinem hauf gepflanzt grü-
 nen vnd plüen/ nicht zeytlich wie das
 gras sondern wie die Ceder vnd

00019569

Palm paum auff dem perg Liba-
non piß zu ewigem alter / zuuerkün-
digen das du Herr auffrichtig piß /
vnser hort vnd ist kein vnrecht an dir
Amen.

Der XCIII. psalm.

Dominus regnauit decorē indutus est.

Gemeine pitt das Christus reych
Befestigt stehe.

Herr du piß vnser König wor-
den du hast macht sterck vnd
zird angezogen vnd dich des Regi-
ments vnterwunden / also / das dir
kein creatur widerstehen kan / Du
wöllest inn vnsern hertzen vberwin-
den vnd darnider schlahen / den teuf-
fel / die welt / die sünd / den tod / die hell
vnd den alten Adam in vns / vñ wöl-
lest auff heben den schweren ernst vñ
hertigkheyt deines gesetzs durch das
plut des kreutz Jesu Christi deines

liebe suns / Befestige mit deiner gnad
 vns armen menschen auff erden / wi-
 der alle hellpfortten das wir nicht be-
 wegt werden / vonn dem an nun ist
 dein reych befestiget / der du doch
 ewig sunst pist / Laß auch lieber Herr
 die wasserstrom deines geysts jr stim
 vnd prausen erheben vnter vns / vnd
 gib das sie dem prausen grosser was-
 ser / das ist / der lere der welt menschen
 die nur weltlichs leren / obliegen.
 Laß dein heyligs wort vñ Euange-
 lion die fleyschlichen weyßheyt vber-
 winden vnd darnider schlahen / das
 alle menschen glauben deinen zeug-
 nussen die seer gewis vnd trew sind /
 vnd das sie gerecht vnd heylig wer-
 den in deinem hauf / Amen.

Der XCIII. psalm.
 Deus ultionum dominus
 Wider die feyndt vnd vefürer.

Q ij

00015569

Herr Gott des die rach ist / er
scheyn. Erheb dich du richter
auff erden / erret vns von den hochfer
tigen die vns engste / Wie lang sollen
sie sich doch strewen vnd so halstar
tigklich herauf reden was vnrecht
ist? Wie lang sollen sie doch deinem
volck so iemerlich mit farene gleich
sam wer kein Gott der es sehe oder
hörete vnd straffen würdt / Ach lie
ber Herr laß sein ein endt werden.
Lere du vns lieber Herr / den selig ist
der den du lereß vnd züchtigst / gib
vns dein erkentnuß / gib vns gedult
zur bösen zeyt. Verstos dein volck nit
verlaß dein erb nicht / laß das gericht
wider zu recht kummen / vnd gib das
wir dem selben allzeyt mit auffrich
tigem hertzen nachuolgen / laß dein
tröstung vnser seelen in allen beküm

men nüssen ergetzen / gestatte lieber
 Herr den Boshaftigen vbelthetern
 nit das sie dich verlestern / dein volck
 zerschlagen / dein erbe demütrigen /
 witwen vnd fremblinge erwürgen /
 vnd die waysen tödten durch ire ey-
 tele gedancken vnd menschen leren /
 Dann wo du Herr nit vnser helffer
 pist / so wirdt vnser seile paldt in die
 helle faren da es stille vnd alles auß
 ist / Es kan ye der schentliche stul / da
 man nur schendtliche ding zu merter-
 bung der seelen leret / kein gemein-
 schafft mit dir oder deiner warhaff-
 tigen heylsamen lere deines worts
 haben / der da mühe vnd sauer leben
 zurichtet vnd böse gewissen machet /
 mit sätzen die seelen der glaubi-
 gen zu erführen vnd das vnschuldige
 plut zu erdammen / O Herr verstöß

00019569

sie vmb ire pospheytt vnnnd sey vnser
schutz/ vnser Gott vnd vnser zuuersicht
allzeyt/ Amen.

Der xcvi. psalm.

Venite exultemus domino.

Gemeine pitt vmb rechten glauben.

Lieber Herr du grosser Gott vñ
grosser künig vber alle götter/
inn des handt alle ding sein/ der du
auch vns gemacht hast/ wir wöllē
dir gern rühmen / iauchzē vñ danck
en/ als vnserm hort vnnnd heylandt/
allein nym vnns auff/ das wir dein
volck/ vnd schein deiner hendt vñ
deiner weyd seyen/ vnd gib vns gnad
das wir nimmer mer vnser hertzen
verherten zu deiner stym vnd wort/
vnd das wir dir nit vngleubig seyen
dich nicht versuchen mit eusserlicher
gleyssender werck heyligkeyt/ so auß
zweyffelhaftigem won des glaubens

losen hertzen Kumpt/ wie zu Meriba
 zur zeyt Massa in der wüste da dich
 vnser vetter die werckheyligen vn-
 term geetz versuchten auch deine
 werck præfieren / vnd sahen vierzig
 jar dich inn iren vnrichtigen hertzen
 vnlüstig machten / gib vns lieber
 Herr ein hertz das gegen dir recht ste-
 he vñ deine wege wisse / auff das wir
 in dein rhu mügen gehen hie vñ dort
 ewigklich / Amen.

Der xcvi. psalm.

Cantate domino canticū nouū. I

Gemeine pitt vnd danck sagung für

die wolthat Christi.

Gib vns lieber Herr inn vnserm
 mund ein new gesang / das wir
 dir singen newe mensche / durch Cri-
 stum wider geporn / deinen namen
 loben / dein eere vnter den Heyden er-
 zelen / deine wunder allen völkern /

¶ iij

00019559

Vnd das wir ymmer dar verkündi-
gen dein heyl vnsern Herren Jesum
Christum vnd dein eere in jm / durch
welchen du auß grosser lieb wunder-
barlich vnns zu gutt gehandelt hast /
Herr du pist groß vnd hoch zu loben /
wunderparlich vber alle götter / dan
alle götter der völccker sind götzen /
aber du herr hast den himel gemach-
et / vor dir gilt kein gleyfnerrey noch
getichte heyligkcyt / sunder allein wo
man von hertzen die sündt bekennet /
vnd deinen namen heyliget dir alle
gerechtigkcyt allein zulegt / wellich ist
das rechte lob vnd schmuck vnd wa-
re gerechtigkeit des glaubens / In dei-
nem heyligthumb da du wonest / vn̄
heylig machest / ist macht vnd stercke
wider die feynd / vnd herligkcyt oder
götliche zierde damit deine heyligen

wirdig vor dir leben / Dir sollen alle
 geschlecht der völder eere vnd macht
 zueygen / mit jr selbs vernichtung dir
 alles zuschreyben / dich anpetten im
 heyligen innerliche schmuck des hertz
 en im geyst vnd warheyt / dich allein
 fürchten als den eynigen waren Kün-
 nig der die mensche auff erden ewig-
 lich seliget / Dir allein gepürt pillich
 alle eere lob vnd preys / der du dein
 volck richtest in deiner warheyt / vnd
 den erdpoden mit gerechtigkeit / des
 sich alle creatur freuen sollen / Amē.

Der XCVII. Psalm.

Dominus regnavit exultet terra.

Gemeine pitt vor Gottes gerichte.

O Lieber Herr Jesu Christe vn-
 ser künig gib vns gnad / das wir
 allzeit freuen vnd frölich seyen inn
 dir / vnd solche freude die wir vō dei-
 nem reych empfangen haben allen

O v

00019569

aufferwelten verkündigen / zu tröstung
ires glaubens / herwiderumb
zum schrecken allen gotlosen / den du
kummen wirst forchtsam mit finstern
wolcken vnnnd schmelzendem feuer /
dafür das ganz erdtrich erschrecken
wirt vnd die perg zuschmelzen / dieß
peydes wirt kummen auß gerechtigkeit
vnnnd gerichte deines stuls / dar
durch die glaubigen in freuden reg
niren vnd dein gerechtigkeit verkün
digen / herwiderumb die treumer so
den pilden iren getichten dienen vnnnd
sich der gözen irer werck rhümen zu
schanden werden müssen / Erhöhe
vns inn dir / der du pist erhöht vber
alle götter vnnnd in allen landen. Be
war vnser seelen das wir dich all
zeyt lieben vnd hassen das arg. Er
ret vns auß der gotlosen handt. Ge

he vns auff du wares liecht / gib vns
 freudt mit auffrichtigem hertzen inn
 dir vnserm heylmacher vnd gerecht
 maker / so wöllen wir dir ewiglich
 lob vnd danck sagen vnd deinen na-
 men zum gedechtnuß deiner heylig-
 keyt preysen / Amen.

Der XCVIII. psalm.

Cantate domino canticū nouū.

Gemeine pitt vnd danck für die gnad Christi.

GIB lieber Herr Jesu Christe /
 das wir dir die neuen dancks sa-
 gen newe menschen im geyst / der du
 wunder gethan hast / vnd dir selbst
 geholffen / vnd dich selbst vnd vns in
 dir vom todt erwecket durch dein
 götliche macht. Laß dein heyl kundt
 werden in aller welt / eröffnen dein ge-
 rechtigkeyt / durch welche allein wir
 müssen gerecht werden. Gedencck an
 deine gütte vnd trew vber vns / auff

Das alle welt dein götlich heyl. sehe
vnd dir iauchz/ sing/ rhüm/ frölich
sey/ lob vnd danck sag in ewigkeyt/
mit allerley freuden spilen vor dem
herrn dem künige/ Der teuffel sampt
den seinen wüten vnd prausen wie
das meer/ darzu der gantz erdboden
vnd die drinne wonen dero Fürst er
ist/ Herwiderumb die wasserstromen
des heyligen geysts erzeygē alle freu-
den geperde/ dergleychen die perge so
in Christo befestiget vñ erhöhet sein/
sollen frölich sein miteinander vor dē
Herren/ das er kumpt das erdtrich
zurichten/ er wird den erdpoden mit
gerechtigkeyt richten/ vnd die völccker
auffrichtig/ Amen.

Der XCIX. psalm.

Dominus regit irascantur populi.

Gemeine pitt vmb demütige erkantnuß
sein selbst vor Gott.

O Herr wie fast die gotlosen Jü-
 den/falsch lerer vñ werckheyli-
 gen toben vñ dawider sind/so pist du
 dennoch allein künig auff dem Ches-
 rubin oder gnaden thron/groß zu Zi-
 on vnd hoch vber alle völccker/der al-
 lein die gewissen vnd hertzen der men-
 schen recht regirt/vnd gerecht macht
 auß lauttern gnaden vnd durch kein
 werck/auch vmb keins wercks wil-
 len/denn allein durch den glauben/
 Vmb des willē dancken wir deinem
 grossen vnd wunderparlichen namē
 der allen feyn den erschröcklich ist vñ
 alle die inn heyligen/heylic machet/
 Die macht deines künigreychs liebet
 das gericht/dann du wilt das man
 dich von hertzen fürchte/vnd nit das
 man dich mit heuchlercy eere/Du er-
 höhest die glaubigen vnd verschonst

Keines der dich verachtet. Du allein
schaffst gericht vnd gerechtigkeit/da
durch wir gerecht werden. Vere
vns den glauben lieber Gott/vnd
schütz vnd erret vns von vnsern feind-
den vnd von aller widerwertigkeit/
das wir dich Herr vnsern Gott vnd
mit vnser eygene werckheyligkeit er-
heben/vnd mit forcht demütiglich
anpetten zu deinem fufschemel dem
gnaden stul Christo/da man allein
vergebung findet/vns welche demü-
tiglich alle heyligen müssen pitten/
dann Mose vnd Aaron vnter seinen
Priestern/vnd Samuel vnter denen
die deinen namen anruffen/sie ruffen
dich an Herre/vnd du antwortest in
gnediglich/du redest mit inen durch
eyn wolcken sewle gamitz freundt-
lich/sie hielten deine zeugnuß vnd

satzungem die du jnn gabest/ Herr
 vnser Gott du erhoretest sie / aber
 nichts destminder vergabst du Gott
 jnen ire missethaten/ vnd straffetest
 jr thun oder vbertrettig / Darumb
 auch wir nicht verechlich handelen
 noch auff vnser eygene gerechtigkeit
 pochen/ sondern dich vnsern Herren
 Gott allein erhöhen/ vnd zu deinem
 heyligen perge da wir gnade finden
 anpetten/ dann du Herr vnser Gott
 pist allein heylig/ Amen.

Der c. psalm.

Iubilate deo omnis terra.

Gemeine pitt das wir Gott in allen dingen
 eeren vnd erkennen mügen.

O Herr vnser Gott gib vns gnad
 das wir iauchzen vnd dir vor
 deinem angesicht mit freuden dienen
 im geyst/ nicht den leutten zu gesicht
 oder zugefallen / wie die heuchler so

00019569

mir auff eusserliche ſcheyn der werck
ſehen/ Gib vns zu erkennen das du
vns Herr Gott piſt/ der du vns ge-
machet haſt / vnd nit wir ſelbs / zu
deynem volck vnd zu ſchaffen dei-
ner weyde/ vnd dich also mit forcht
eeren/ inn dich trawenn/ mit danck
zu deinen thoren für dein angeſicht
eingehen/ in deinen vorhöfen dich lo-
ben/ dir allzeyt dancken vnd deinen
namen loben/ O Herr ſey vns deinem
armen volck vnd ſcheflein deiner
weyd freundtlich/ laß dein güte vnd
trew allzeyt vber vns feſt pleyben/
Amen.

Der cl. psalm.

Misericordiã & iudicium cantabo.

Gemeine pitt vmb Chriſtenlichen
wandel vnd pamm.

Lieber Herr mach vns ſollich
leut/ die deine harnherzigkeyt

vber die glaubigen/ vnd dein gericht
 vber die vnglaubigen zu hertzenne-
 men dich darinnen preysen/ vnd vn-
 seren wandel klügklich vnd vnstref-
 lich darnach führen / wenn du zu vns
 kumpst/ das wir allzeyt vor dir wan-
 deln in vnschuld des hertzen einfeltig-
 klich/ das wir vns kein böse sach für-
 nemen / das wir der vbertrettung
 feyndt seyen/ vnd pey vns nit gestat-
 ten das wir keinem anhangen / der
 ein verkeret hertz hat/ das wir nie-
 mandt vbel nachreden / sundern sol-
 lichts weren/ das wir nit stolz gesicht
 vnd geytzige hertzen haben/ vnd das
 wir aller ding kein vnrechts thun/
 Sundern vns zu trewen vnstreflich
 en leutten halten die on falsch sind/
 nit liegen/ aneinander hilfflich vnd
 förderlich seyen/ in rechter lieb/ alles

p

p mund
 fone

00019569

Böß gotloß wesen vertilgen zu eeren
deinem namen/Amen.

Der cii. psalm.

Domine exaudi orationē meā. I.

In nöthen für das elendt der Christenheyt.

O Herr erhör mein gepet laß mein
schreyen zu dir künien. Verpirg
dein antlitz nicht vor mir / zur zeyt der
nott neyg dein ore zu mir / Wenn ich
dich anrüßf so erhöere mich pald / den
meine tag sind eytel / vergangen als
der rauch / vñ meine gepeyn sind ver-
prandt wie ein prandt / mein hertz ist
nider geschlagen vnd verdorret wie
gras / das ich auch vergif mein prot
zuessen / mein gepeyn klebt an meinem
fleysche vor der stynn̄ meins seufftz-
ens / Summa ich byn gar nichts vñ
vermag nichts / Wo ich hyn sihe do
ists alles vol gericht vnd verzweyff-
lung / Ich empfindt nirgendt keiner

gnad/gunst noch hilff. Ich pyn von
 den leutten verferet/vnnd elendt wie
 ein einsamer vogel inn der wüsten/
 Mir schmeckt wider essen noch trin-
 cken vor deinem zorn vnd vngnaden/
 Das mich dunckt du habst mich ver-
 worffen vnd stehest meinen feinden
 pey wider mich. Mein tage weych-
 en dahin als ein schatten/vnd ich ver-
 dorre wie gras. Aber du herr pleybst
 ewigklich/vnnd dein gedechtnus für
 vnd für/vnd die selbe bildest du vns
 ein vnd ermanest vns deiner gütte
 vnd barmherzigkeyt durch alle cre-
 atur/durch schrifft/durch vil wun-
 derwerck/aller meyst aber durch dei-
 nen Heylandt Christum vnsern lie-
 ben Herrn/wo das nit were so müst
 ich eygentlich inn diesen nöthen ver-
 zweyffeln. Ach lieber Herr mach

00019559

Dich auff/erbarm dich deiner gemein
sei mir irem glid gnedig/denn ich bin
gantz verlassen. Ach Herr die zeyt zu
erbarmen ist yetzund/ yetzund ist die
zeyt deines wolgefallens vber vnns/
dann alle deine knechte engel vñ hey-
lige menschen frewen sich vnd bege-
ren von hertzen/ das du die lebendigē
steyne oder sündler wider bekerest vñ
deiner gemeine verleybest/ vñnd ha-
ben ein erbarmen auß mitleydunge
ob irem staube das sie also zerproch-
en ist / Wenn du sie wider parwest/so
werden die heyden deine eere ob solch
erbarmhertzigkeyt erkennen / vñ dei-
nen namen fürchten / vñd alle künige
auff erden deiner barmhertzigkeyt
begeren/ das du sie auch also zu gna-
den annemest / O Herr wendt dich
zu meinem gepet vñd verschmehe es

nicht / sollich wil ich auff schreyben /
 auff das alle nachkummende deine
 gütte erkennen / vnd dich Herr loben /
 Ich pyn gefangen erhör mein seufftz-
 en vnd hilff mir auß / so wil ich dir zu
 danck deinen namen außrüffen vnd
 dich hoch thūmen vnter deiner ge-
 mein. Mein lieber Gott vnd Herr /
 der du zur straff der sündt / auff dem
 wege in disem leben die krafft nimpst
 vnd die zeyt verkürzest / nim mich nit
 hinweg in der helfft meiner tag vn-
 uersehens / sondern gib mir für / das
 ich mein endt bedenck vnd nit mayn
 ich wöl lenger leben / doch wie kurz
 meine tage sind / so pist du lieber Herr
 in den ich meinen trost vnd heyl setze
 ewig / vnd wenn gleych hymel vnd
 erde zergeen so pleybst du nichts dest-
 minder eben derselbe Gott / vnd deine

Jar nemen kein endt / Darumb wer-
den auch alle die in dem glauben / vñ
durch deine knechte die Aposteln vnd
Propheten deine Kinder worden sind /
ewigklich in dir pleyben / vñ jr samen
wirdt für vnd für bestehen / O Herr
sey mir gnedig vmb deines heyligen
namens willen / Amen.

Der CIII. psalm.

Benedic anima mea domino. I

Gemeine pitt.

O Herr / mein seel vnd all mein in-
wendigs muß dich loben vnd
deinen heyligen namen preysen / vmb
all dein wolthat so du mir gethan
hast / Lieber Herr sey gnedig aller
meiner missethat / heyl alles woz noch
vbrig pöß inn meinem fleysch ist / er-
löß mein leben vom todt / Bewar mich
mitten vnter meinen feynden im todt
vnd hell / Kröne mich mit gütte vnd

Barmhertzigkeyt / Das ich regier vber
 sündt / todt / teuffel vñ alle widerwer
 tige macht / settig meinen mundt vnd
 Begirdt mit gütern so mir zu leyb vñ
 geyst not sind / vnd wen ich allenthal
 bē sunst verzagt hab / so stehe du mir
 pey / vñ verüung mich durch den trost
 deins heyligen geysts vñ mach mich
 keck vnd frisch. **O** lieber **HERR**
 schaff Barmhertzigkeit / gerechtigkeit
 vnd gericht allen die vnrecht leyden /
 sey vns allen gnedig vñ Barmhertzig
 langmütig vber vnser sünd das du
 sie nit pald straffst / Wöllst auch nit
 ymmerdar zornen vber vns / auch nit
 nach vnsern vilfeltigen sünden mit
 vns handeln / vnd nit vergelten nach
 vnser missethat / sunder die selben ferr
 von vns thun / vnd deine güte als ein
 hymel darüber decken / **Sey vnser**

vatter vnd laß vns deine kinder sein/
Du erkennst was wir für ein gemecht
sind/nemlich staub vnd aschen/vnnd
vnserer tage wie ein plum auff dem
feld/die der windt hinweghet vn̄ ver-
derret/Aber deine gütte vnd gerech-
tigkeyt weret ewigklich gegen den
glaubigen/ Gib vns dein forcht/ vnd
mach das wir deine gepot vnd pund
halten/vnd laß dein güte ewig vber
vns sein/ vnd hilff vns auß aller vn-
ser not/Amen.

Der CIIII. psalm.

Benedic anima mea domino.

Gemeine pit vmb rechten prauch
der creaturen.

Gib mir gnad lieber Herr das
all mein leyß vnd leben/seel vnd
geyst dich allzeyt lob in der erkentuß
vnd glauben deiner herligkeit/der du
an den creaturen hast angezogen lob

vnd schmuck vnd dein grosse gütte
 herlich erzeygt / in der götlichen ver-
 sehung vnd wundersamen erschaff-
 ung vnd schickung aller ding im hy-
 mel / auff erden vnd im Meer / vnd
 das ich also auß der anschawung der
 creaturen in dich schöpffer getragen
 werd / vnd gereyzt dir inn aller not-
 turfft zu vertrauen / vnd das ich
 wif das ich bisher alles auß deiner
 handt empfangen hab vnd noch em-
 pfahen werdt w z ich bedürffen wirt
 von dem denn alles das da lebt seiner
 narung gewartet zu rechter zeyt / vñ
 sind alle miteinander nichts / vñ müs-
 sen verderben wo du dich vonn jnen
 wendest / der du inn deinen wercken
 freude hast vnd gelobt wilt werden /
 nit allein in den wolthaten damit du
 vns zu liebe reyzest / sundern auch in

erschrecklichen darmit du vnns be-
drawest/ als wenn du mit donnern
die erde anschawest/ das sie bebet vñ
die perge rührest das sie rauchen/
Gib Herr das ich dir freywilliglich
singe pey meinem leben vnd dich mei-
nen Got lobbe so lange ich pyn/ laß dir
meine rede wolgefallen/ vnd verley
das ich mich in dir o Herr allein/ nit
in meiner eigenen gerechtigkeit/ nit in
yrgent einer creaturen/ sunder durch
dieselben inn dir frewe/ das auch alle
gotlosen/ die nit werd sein vnter dei-
ne creaturen gezelet zu werden/ die
weyl sie dich nit loben/ vom erdtrich
vertilget müssen werden piß sie nym-
mer da sein/ Lobe den Herren mein
sele alleluia/ dir sey ewig eere/ lob vnd
preyß göttiger Gott/ Amen.

Der cv. psalm.

Confitemini domino & inuocate.

Gemeine pit vmb erkantnuß der
werck vnserer erlösung.

Lieber Herr gib vns gnad / das
wir dir allzeyt dancken / dich all
zeyt loben / vnd allzeyt allein deinen
namen anruffen / das wir auch all
zeyt deiner wunderwerck gedenc
en vnd dauon reden / vñ das wir vns
allzeyt mit frölichem hertzen allein
inn dir rühmen vnd frewen / allzeyt
nach dir fragen / im glauben suchen
vnd pitten vnd das wir durch dein
sterck erhalten werden / auch allzeyt
gedencken deiner wolthaten / wun
derwerck vnd gerichte deines mun
des / aller die du vns gethan hast vñ
noch thust in ganzer danckparckeyt /
dann ob wir wol groß vrsach habē
dich zu loben vnd in dich zutrawen /

00019569

auf dē geschöpffen doch vil mer auß
deinen gerichtē/nemlich das du vns
auß gnaden erwelet hast vnd kinder
Abrahe durch den glauben gemach-
et/dich vns zum Gott zu geeygenet/
von vnserer wegen deine gerichte inn
allen landen erzeygt/dich vnns mit
ewigem pundt des du nymmer ver-
gessen magst/verpflichtet vnd peym
ayde verheyssen/ segen vnd benedey-
ung in Christo Jesu vnserm herren/
durch den du vnns erlöset hast auß
dem Egypto diser boshaftigē welt
allzeyt beschützet/vnserer feynd gepla-
get/vnd durch die wolcken vnd feur
seulen deins heyligen Euangelij zum
ewigen vatterlandt gefüret/wie dan
vorhin pey den kindern Israel figu-
rirt ist worden/vnd dein zusagunge
reychlich gegen vns erfüllet/O herr

gib das wirs mit g'laubigen hertzen
erkennen / allzeyt deine sitten halten
vnd dein gesetz bewaren alleluia /
Amen.

Der CVI. psalm.

Confitemini domino quoniã bonus. I.

In nöthen vmb bekantnuß vnd gnad.

Herr wir dancken deiner freunt-
ligkeyt vñ güte die ewig weret /
niemant kan deinen gewalt außspre-
chen noch all dein lob laut machē / **O**
Herr gib vns gnad das wir allzeyt
im glauben das gericht bewaren vñ
thun gerechtigkeit / das wir dich all-
zeyt fürchten / vnd dir allzeyt glauben
vnd trawen / Herr gedencck vnser
nach dem gutten willen den du zu
deinem volck hast / besuch vns mit
deinem heyl / das wir schawen das
gutt deiner außewelten / vnd vns
frewen inn der freudt deines volcks /

00019559

vnd vns rhümen mit deinem erbe.
Wir haben ja gesündigt mit vnsern
veteren/wir haben mißhandelt vnd
sind gotlos gewesen/wir haben gleich
wie vnserer vetter in Egypten deine
wunderthatten nit vernunnen/vnd
an deine grosse gütte nit gedacht/sind
dir vngehorsam gewesen/du aber hast
vns geholffen vmb deines namens
willen/das deine herligkeyt an vns
kündt werde/Wenn du vns also ge-
holffen hast so haben wir an dein
wort geglaubt vnd dein lob gesungē/
aber leyder pald vergessen deiner
werck/haben auch deines rats nicht
erwarttet im glauben mit gedult/
sundern wens nit als pald ist gangen
wie wir vermeint haben/so sind wir
in vngedult/böse luste vnd abgötterey
gefallen/haben dein o Gott vns

fers heylandts vergessen / deine ver-
 heysungen verachtet / deinem wort
 nit geglaubet / wider dich gemurret /
 deiner stym̄ nit gehorchet / dich mit
 vnserm thun erzürnet / sind deinem
 geist vngehorsam gewesen / haben vns
 vnter die gotlosen gemenget / vnd ire
 werck gelernet darmit vns verunrey-
 niget / vnd in sum̄a ganz nach den
 kindern Israel vnsern veteren geschla-
 gen / O Herr du hast vns in gewalt
 der feynde geben vnd offtmals auß
 gnad errettet / nichts destminder sein
 wir mit vnserm fürnemen dir vnge-
 horsam worden / nun aber sind wir
 gedemüthigt vnd gering worden
 durch vnser sünd. Ach lieber Herr
 sihe vnser not an / hör vnser klag / ge-
 denck für vns an deinen pundt / laß
 dich es rewen nach deiner grossen

gütte / laß vns zur Barmhertzigkeyt
kummen vor vnsern feynnden. Hilff
vns Herr vnser Got / das wir danck
en deinem heyligen namen / vnd rüh-
men dein lob. Gelobt seyst du Herr
Gott inn ewigkeyt / vnd alles volck
spreche / Amen.

Der CVII. psalm.

Confitemini domino quoniã bonus. II.

In nöthen Gottes wolthatten zu betrachten.

O Herr Gott wie pist so freundt-
lich dem man sol dancken / dein
gütte hat kein endt / du hast offtern-
mal dein volck Israel erlöset von des
feyndes handt / vñ auß allen lenden
vom abent vñnd morgen zusammen
pracht / du hast sie erret vnd inn auß-
geholfen / wenn sie in engsten zu dir
schryen / wiewoll sie vilfeltiglich wi-
der dich gesündigt hetten / du füretest
sie einen richtigen weg in der yrrigen

wüsteney / weñ ire selen matt waren
 vor hunger vñnd durst / ergezest du
 settigest vñnd füllest sie mit güttern /
 derhalben sie dir Herr dancken vñnd
 deine gütte vñnd vñnd deine wunder /
 an den menschen kindern die da sitzen
 im finsternuß vñnd tuncckeln / gefangen
 im elendt vñnd eyfen / von des wegen
 das sie deiner götlichen rede vñnge-
 horsam sind / vñnd dein des aller höch-
 sten ratt lestern / darumb du auch ire
 hertz mit vñnglück demütigest das sie
 schwach werden vñnd kein hilff ha-
 ben / Solchs alles lieber Herr thust
 du das wir in der nott zu dir vñnd zu
 keinem andern sollen schreyen / vñnd
 du vnns auß vnsern engsten helffest /
 auß der finsternuß vñnd dunckel fürest
 vñnd vnser pandt zerreyssfest / vñnd wir
 dir o Herr vñnd deine gütte vñnd wun-

00019569

derwerck so du an vns armen men-
schen kindern erzeygst dancken / Zer-
sprich lieber Herr die ehernen thür
vnsere verstockung / vnd zerschlage
die eisenen rigel vnsere verplendung
darmit wir narren fast gedemütiget
sind / auff den wegen vnsere eygenen
sündlein oder vbertretungen / da
wir anderen weg zur gerechtigkeit
haben gesucht dann Jesum Chri-
stum allein / darumb du vns auch
hast faren lassen vnseren eygenen
geduncken nachfolgen vnd missethat
begehen / darzu auch vnseren selen ein
eckel vnd vberdrus ob der lebendigen
speyse deines worts lassen werden /
dadurch wir gar zum todt genahet
haben / Ach lieber Herr sey vns ar-
men sündern auch gnedig / wir sein
yetzund auch in grossen engsten / wir

schreyen allein zu dir inn vertrauen
 auff dein ewig gütte. Erhör vnns
 auch vnd hilff vns auß vmb deines
 heyligen namens willen. Füre vnns
 auch auß der finsternuß vnd dunck-
 el/zerreyß vnser pandt auch/ schick
 dein wort dadurch du alles gesundt
 machst vnd heylt vns armen auch/
 Erret vns vom verderben/ das wir
 dir auch dancken vmb dein gütte vñ
 hilff/ vnd deine werck mit preys erze-
 len/ als die auß fetligkeyt des meers
 vom vngewitter durch krafft deines
 worts mit freuden errettet werden/
 wenn sie sunst verzweyffeln vnd kei-
 nen trost haben/ dan allein das sie zu
 dir in irer not schreyen/ O Herr hilff
 vnd erfrew vns/ still das vngewitter
 füre vns zur ansurt/ So wöllen wir
 dir dancken vmb dein güt vnd wun-

derwerck/ dieselben auch/ vnd nicht
menschen thandt vnter der gemein
des volcks erheben / vnd dich auff
dem sitz der eltesten rhümen/ das du
Herr auß milder Barmhertzigkeyt
vns angenummen vnd erpawet hast
zum fruchtparn land/so du doch das
Jüdisch volck hast lassen verseygen
vnd vnfruchtpar werden vmb irer
pospheynt willen/ Herr segene vns leyp
lich vnd geystlich/ das wir in allen
deinen gütern zu nemen vnd pesse
rung entpfahen vnd gemeret wer
den/ laß vns nicht durch die philoso
phia menschlicher Flugheynt oder
disputation nidergedrückt werden/
noch im glauben der lieb erkalten/vō
dem zwancck des bösen vnd vnfall/
O lieber Gott gib vns Fürsten vnd
lerer darauff du kein verachtung

schütst / sondern die nach deinem her-
zen sind / die nicht yrren auff dem vn-
wege / sondern richtig gehen auff dei-
nem gutten weg. Herr schütz vns ar-
men für elend vnd jam̄er / mere vns
wie die schaff herdt vilfeltig / mach
vns auffrichtig das wir vnsern lust
an deinen wercken sehen vnd vns
frewen vnd dein güte verstehen / So
wollen wir dein güte loben vnd dir
dancken ewigklich / Amen.

Der CVIII. psalm.

Paratum cor meū deus.

In nöthen Got seiner verhessung zuerinnern.

Herr Gott mein hertz ist bereyt
dir in freuden des geysts / darinn
man sich dein rhümet / zu singen
vnd zu dancken / allein hilff mir auß
diser nott. Erheb dich O Gott vber
die hymel vñ dein eere vber alle landt
Zeyg mir dein grosse güte vnd trew /

Q. iij

die da groß ist piß an die hymel/hilff
mir mit deiner rechten handt/ mit
wellicher du deine geliebten freunde
erlösest vnderhör mich/ dan du Got
hast in deiner heyligkeyt zugesagt al
le vöcker zu deines reyches herligkeit
zu pringen/ des frewe vnd tröstich
mich vnd pyn gewiß/das du vns nit
verstossen werdest/ sondern in vnse
rem heere mit vnter vnns außziehen
vns pey zustehen/O Herr schaff mir
hilff vnd beystandt in der nott/denn
menschē hilff ist kein nutz/ Laß mich
in dir Herr sterck beweysen / mach
du meine feyndt zu nicht/vns deines
namens willen/Amen.

Der CIX. psalm.

Deus laudem meā ne tacueris.

Wider die feyndt des Euangeliū.

O Gott meins lobs/stell dich mit
als sehest du mein vnrecht nicht

Das ich leyd / denn gotlose vnd rüch-
 ische habenn iren mund wider mich
 auffthau vnd reden wider mich mit
 falscher zungen / vñ mit heffigen wor-
 ten machen sie sich vmb mich / streyt-
 ten on vrsach wider mich / für liebe ge-
 ben sie mir verfolgung / thun mir pöf
 vmb guts / Aber du Herr thu mit
 mir vmb deines namens willen / den
 dein gut ist lieblich / Erret mich denn
 ich pyn arm vnd elendt / mein hertz
 engst sich inn mir. Stehe mir pey
 Herr mein Gott / hilff mir nach dei-
 ner güte / das sie innen werdē das dis
 dein handt sey die mich schützt wider
 sie / fluchen sie mir so seggen du mich /
 lehnen sie sich auff so müssen sie zu
 schanden werden vnd mit schmach
 angezogen. So wil ich dir lieber
 Herr fleysfig dancken vñ vnter vilen

dich preysen. Stehe mir armen zur
rechten vnd hilff meiner seele von dē
gewaltigen/Amen.

Der cx. psalm.

Dixit dominus domino meo.

Gemeine pitt. Das Christus vnser vater
König Priester vnd Richter sey.

O Jesu Christe vnser Herr zu dē
Gott vatter der Herr/welches
wort nit felen kan/gesagt hat. Setz
dich zu meiner rechten piß das ich dei-
ne feyndt dir zum schemel deiner füß
leg. Der dich zum König gemacht
hat vber alles das im hymel/auff er-
den vnd im meer ist/ Der Herr selber
wirdt die rutte oder scepter deiner
macht/welche das Euangelion ist
senden auß Zion. Lieber Herr so
herrsche nun vnter deinen feyndten die
vns verfolgen vnd dich in vns/laß
sie deiner macht empfinden. Auch

vberwind inn vns vnd für vns den
 teuffel / vnser eygen fleysch vnd alles
 anstossen der welt / das wir frid inn
 dir haben nach deinem wort / Verley
 auch lieber Herr vnns die wir dein
 volck sein vnd inn dich glauben / das
 wir nit wider dich stehen / auch nicht
 auß gezwange des gesezes in knech-
 tischer forcht / sunder freywilligklich
 in kindtlicher liebe da sein / vor dir zu
 dienen am tage deiner macht vnd
 stercke / im heyligen schmuck oder Fla-
 rer heller erkantnuß gottes / das dein
 heyliger geyst vnser hertzen mit lie-
 be entzünde vnd erleuchte / vnd also
 recht heilig mache nit allein im schein
 wie die gleyßner / dann der taw dei-
 ner gepurt da du vonn der junck-
 frauen zu disem leben vnd durch die
 vrstende von todten zum ewigen vns

00019569

sterblichen leben durch Wirkung des
heyligen geysts geporn vnd erkleret
wirft / kumpt dir auß mutter leybe
mit der morgenrötte / O Herr gepir
vns durch deinen geyst von newem
widerumb inn der mutter der liebe /
wie denn hymeltaw on aller mensch
en werck auß krafft deines worts in
dem dich Gott hat zum vatter der
ewigkeyt verordnet / Zu dem so hat
dich der vatter mit einem ayd der in
nit gerewet / auch zum ewigen Prie
ster gemacht vnd gesetzt nach der
weyß Melchisedeck / das du vns pey
im vertreten solt. So sey nun inge
dancck du aller freundtlichster Herr
Jesu / deines namens vnd ampts vor
vns / pitt / versöne / stille vñ geschwey
ge vns den vater der da zürnt vber
vnsrer sündt / zeyg im deine wunden /

die du vmb vnser sünden willen das
 sie gepüßt würden empfangen hast/
 Zeyg im dein plut das du so miltig=
 klich vergossen hast zur vergebung
 vnser sünden/ wellichs noch immer=
 dar vor seinen augen ist. Wasch vnd
 reynig vns damit lieber Herr. Gib
 vns auch den ewigen segen du edler
 Abrahams samen. Lere vns durch
 deinen heyligen geyst in vnsern hertzen.
 Welchs alles deinem Priesterlich=
 en ampt gepürt. Salb vns auch mit
 dem selben deinem heyligē geyst das
 wir auch mit vnd in dir werden kün=
 nige vber alles vñ in allen dingen frei
 im gewissen vor dir/ vnd vberwin=
 der aller widerwertigen macht der
 finsternus / das wir auch werden
 Priester vñ opffern geystliche opffer
 die deinē vatter angemem sind durch

dich vnd vmb deinet willen. Das
wir auch aneinander leren mit dei-
nem wort vnd das wir für einander
pitten auß rechter lieb/ Vber das so
pist du auch aller liebster Herr Jesu
richter vber die lebendigen vnd vber
die todten/der Herr Gott vatter der
zu deiner rechten in geystlichen güt-
tern mit dir ist/ obs gleych schein-
samb hab er dich inn zeytlichen zur
lincken verlassen/ wirdt für dich ge-
waltigklich richten vnd am tag seins
zorns die künige vnd alle stolze ge-
waltigen/die dich am tage der gna-
den nit haben wollen zum vater/kün-
nige vñ priester annemen/zuschmeis-
sen/er wirt richten vnter den Heyden
er wirts vol todter leychnam mach-
en/er wirdt zuschmeyssen das haubt
vber vil lande/den Teuffel der welt

Fürsten sampt allem gewalt so sich
 widerß Euangelion entpöret/solchs
 alles auß verdienst vñ krafft deines
 leydens/ dan hu hast getrunckē vom
 pach auff dem wege/ vil gelitten vñ
 bist genidriget wordē/darüß wirstu
 das haubt entpor heben vnd erhöhet
 werdē/ Weyl dich nun got vns zum
 vatter/ künig priester vnd richter ge-
 ben hat/ So rech vns lieber Herr an
 vnsern feyn den/vñ bring vns zu eren
 nach diser schmach/so wir hie leyden
 so wöllen wir dich ewigklich loben
 vnd dir dancken/Amen.

Der CXI. psalm.

Confitebor tibi domine in toto corde meo. I

In nōtten Gottes werck zupreysen.

Hylff mir Herr mein Gott/so wil
 dich dir dancken vom ganzem
 hertzen/vnd deine werck rhūmen inn
 der samlung der gerechten/ O Herr

00019568

deine werck sind groß / die da werdt
sein das mans mit hertzlicher begird
ersuche / als daran ewige gerechtigt
keyt ist / die man an vnsern wercken
nicht findet sondern nur an deinem /
Welche sind lob vnd macht / das ist /
alle sind sie löblich vnd mechtig die
du thust / aber vnser werck sind alle
eytel / dein werck sind alle war / trew
vnd bestendig. Ach lieber Herr der
du auß gnaden vnd barmhertzigkeit
hast ein gedechtnus deiner wunder
gemacht / denen die dich fürchten spey
se gegeben des leybs / des worts / vnd
des Sacraments / zeyge mir an die
krafft deiner werck vnd gedencck für
mich an deinen ewigen pundt / vnd
schick mir die erlösung meines leybs
vnd geysts / vmb deines namens wil
len der da heylig vnd schrecklich ist

Gib mir dein forcht das ich weyß
werdt vnd verstendig darnach thu
das ich dich erkenne / vnd dich lobe
dir glaub vñ traw ewigklich / Amē.

Der CXII. psalm.

Beatus vir qui timet dominū.

Gemeine pitt vmb den seggen der
gotsföchtigen.

Gib mir lieber Herr die gnad dz
ich dich recht vñ lautter förchte
vnd das mein lust allzeyt sey an dei-
nen gepotten vnd wortten / dann du
segnest den samenn der die auffrich-
tig sein vñ dich förchten / ins tausende
geschlecht / vnd machest in gewaltig
auff erden / erfüllest jr haup mit eere
vnd reychthumb / begabest sie mit
ewiger gerechtigkeit / Gehe mir auff
samt allen auffrichtigen du war-
hafftigs liecht inn meiner finsternus
du genediger barmherziger vnd ge-

00019768

rechter. **G** Herr mach mich auch
Barmhertzig gegen meinem nechsten
d; ich niemant vnrecht thu/ Gib mir
das ich mein wort recht auß teyl ge-
gen yederman/vnd das ich mich vor
keinem gerücht fürcht das da böß ist/
mach mein hertz das es allzeit bereyt
sey auff dich zuhoffen vnnnd getrost
sey vnd gerecht/ mich nit fürchte vor
meinen feinden auch nit mit zittern/
sundern frölich mit freywilligkeyt
den armē mit teyl/auff das also mein
gerechtigkeyt ewig pleyß/vnnnd mein
horn oder macht mit eeren erhöhet
werdt/darzu auch die gotlosen ver-
drief vnd zorn schepffen/vnnnd all jr
anschlege verlorrn werden / also das
sie mir gar nit schaden noch ire böß-
heyt wider mich volpringen mügen/
Amen.

Der CXIII. psalm.

Laudate pueri dominū.

Gemeine pitt das Gott sein Christenheyt
stercken vnd meren wöl.

O Herr dein name sey gelobet
ewigklich vnd an allen orten der
welt. Sihe herab auff vnns armen
vnd elenden der du hoch pist vnd kei-
ner ist dir gleych. Richt die geringen
auff auff dem staub vnd die armen
auff dem kot / das sie sicher wonen in
der lere der Aposteln vnd propheten
vnd mechtig sein wider todt / sündt
vnd alle feyndt. Mach das dein ge-
mein die Christlich mutter / die von
den gotlosen für vnfruchtpar geacht
wirdt / frölich sey vber vil kindern in
deinem hauf / Amen.

Der CXIII. vnd XV. psalm.

In exitu israel de egipto.

Gemeine pitt vmb rechten glauben.

R

O Gott du hast dein volck Israel
wunderparlich vnd gewaltig-
lich auß Egypten landt gefürt/das
erdrich vnd meer vor dir bebete/die
steinen felssen mitiglich wasser ga-
ben/ Lieber Herr thu vnns auch
nach deiner gütte vnd trew/das alle
eere allein deinem namen pleyß vnd
mit vnns / in allem dem das du vnns
guts thust/das wir deinen woltha-
ten danckpar / vnd deinen verheys-
sungen glaubig befunden werden/
Vnd also die gotlosen Heyden/vn-
serthalben kein vrsach haben dich vn-
sern Gott zu lestern/ als der du vnns
mit kündest von iren henden erretten/
oder deine zusagung erfüllen/vnd ire
götzen (die nür menschē getichte sind
vnd lauter nichts vermügen/der die-
ner auch sampt inen müssen verter-

Gen) dir für zu ziehen / Herr auff dich
 hoffen wir / sey vnser hilff vnd schutz
 ewigklich / gedencck vnser / segen vnns
 vnd laß vns deine gesegneten sein / in
 dem gesegnetensamen Abrahe vnd
 laß vns nit im fluche des tods verter-
 Gen / so wollen wir dich ewigklich lo-
 ben / Amen.

Der CXVI. Psalm.

Dilexi quoniã exaudiet dominus.

In nöthen vmb Bestendigen glauben
 vnd Bekentnuß des Euangeliij.

O Lieber Herr wie lang hat mich
 nach deiner hilff verlangt / höre
 die stym meiner klag / neyg deine oren
 zu meinẽ geschrey / ich hab dich lang
 angerufft. Strick des tods haben
 mich vmbfangen / angst der hellen
 hat mich troffen / ich steck inn nöthen
 vnd in leyd. O Herr ich ruff deinen
 namen an / lieber Herr erret mein seel

00019569

du gnediger gerechter Herr vnd vn-
ser barmhertziger Got / Bewar mich
einfeltigen / hilff mir denn ich bin seer
gering worden / kere mein seel inn rwe
durch deinen trost / hilff mir auff /
reys sie auß dem todt / meine augen
von zehern vñ meine füß vom schlupf-
fen / das ich vor dir wandel im landt
der lebendigen im fryd / Amen.

HERR gib mir das ich im hertzen
glaub das ich gerecht werd vnd mit
dem mundt red vñnd bekenn das ich
selig werdt / ob ich gleych darob ley-
den ja auch zagen solt / auff das ich
erlerne das du allein Herr pist war-
hafftig vnd dein wort ist war / aber
aller menschen fürgeben / wort vñnd
werck sind falsch vñ erlogē / Dir kan
ich nimmer vergelten alle deine wol-
thatten an mir / Lieber Herr gib mir

Dasselb dein wort inn mein hertz das
 warheyt in mir sey zu deiner eere / gib
 mir gnad das ich deinen kelch gern
 vñ gedültiglich trinck in krafft dei-
 nes namens / was vnd wenn vñ wie-
 vil du mir ein schenckst / so laß mir
 dasselbig zu meinem heyl dienē / Dañ
 ob deiner heyligen todts vor der welt
 verspottet wirt / so ist er doch vor dir
 thewer / Vñ so du denn das selb wi-
 der von mir nimbst vnd meine pandt
 auff lösest nach deiner zusag / das ich
 dir fürmeniglich danck opffere / vnd
 deinen namē preise / erhör mich so ich
 dinen namen anrüff / Amen.

Der CXVII. psalm.

Laudate dominū omnes gentes.

Gemeine pitt vmb erkantnuß Christi.

O Herr der du dem Jüdischen
 volck alle deine verheysung
 reychlich erfüllet / vnd nicht destmin-

00019569

Der dein barmhertzigkeit miltigklich
vber alle heyden außgeschüttet hast/
darob dich alle heyden loben vnd al-
le völccker preysen/laß dein gütte vnd
trew fest vber vns walten vnd alzeit
bey vns pleyben/so wöllen wir dich
ewigklich loben/Amen.

Der CXVIII. Psalm.

Confitemini domino quoniā bonus. III.

In nöthen vmb stercke des glaubens.

O Herr freuntlich pist du vñ dein
güte weret ewigklich/hierumb
ruffich zu dir herr erhör mich vnd
füre mich auß diser angst in weyten
raum. Sei mit mir das ich mich vor
niemandt fürcht sundern veracht me-
ne feyndt. Gib mir einen festen ver-
trauen auff dich allein/das ich in
deinem namen behaue alle feyndt
die mich vmbbringen/Laß mich nicht
fallen ob man mich stößt zu fallen/sey

mein sterck vnd heyl / Laß dein ge-
 waltige rechte handt mich erhöhen.
 Lieber Herr so du mich schon züch-
 tigtst / gib mich doch dem todt nicht.
 Baw mich fest auff dē eckstein Chri-
 stū / der vō den pawleuten den heuch-
 lern verworffen ist / aber bey dir seer
 köstlich / Gib mir sein vollkumene er-
 kenntnis. Laß mir den tag der freudē
 vnd fröligkeyt auffgehen durch dein
 erledigung. O Herr hilff mir vnd
 laß wolgelingen das ich mit frölich-
 em hertzen müg sprechen / Gelobt sey
 der da kumpt im namen des Herren /
 den segē des Euangelij auch andern
 verkündigen / das du Herr Gott sey-
 est vnd vns erleuchtest oder dein got-
 heyt in Christo erzeygst / darauf dein
 ganzer tempel mit lob vnd freud er-
 füllet wirdt / Amen.

Der CXIX. Psalm.

Beati immaculati in via.

Gemeine pitt / auch in nöthen.

O Herr Behalt mich on wandel
auff deinem weg / in deinem ge-
setz vnd in deinen zeugnussen das ich
nit vnrecht thu / denn du wilt es also
haben / so ist es inn meiner macht nit /
darumb gib mirs das ichs vermög /
oder aber thu du selbst deinen willen
in mir. Richt all meine weg zu hal-
ten deine recht / das ich nit zuschandē
werde / sondern mit auffrichtigem
herzen dir dancke / das du mich le-
rest die gerichte deiner gerechtigkeit /
Mein Gott verlaß mich nicht so gar
Keynig meinen weg durch die hal-
tung deiner wort vnd verheyssungē /
gib das ich dich von ganzem herzen
suche / Laß mich derselbē nit felen wie
fast ich ymmer mer geengstet wirdt

sein. Verpirg sie inn mein hertz/ das
 ich nit wider dich sündig/ hochgelob-
 ter Herr lere mich deine recht das ich
 sie frölich herausf rede vnnnd gib mir
 einen grossen lust darzu. Hilff deinē
 knecht wider zu recht/ gib mir trost
 nach disem jamer das ich leß/ vnnnd
 deine wort halt. O ffen mir die augen
 das ich sehe die wunder auß dē wort
 deins wolgefallens das der mensch-
 lichen vernunfft zu hoch ist/ ich byn
 doch nur ein frembding vnnnd habe
 sunst nichts auff erden den dein wort
 Wend von mir schmach vnd verache-
 tung die ich leyd vmb deines worts
 willen/ ich lig vnterdrückt vō meinē
 sünden vnd von jammer des hertzen/
 mach mich lebent nach deinem wort.
 Ich beken̄ meine wege dz sie pōß sind
 es ist mir leyd. O Herr verschmehe

00019569

mit mein zerbrochens hertz / sey mir
gnedig / vnterweyß mich dē weg den
du befolhen hast / so wil ich reden vō
deinē wundern. Mein seel verschma-
cht vor leyd / stercke mich nach deinen
worten. Nim vō mir den falsche weg
günn mir deins worts / weñ du mein
hertz tröstest vñ mir wolgehet / so laß
mich deiner gepot nicht vergessen /
Neyg mein hertz auff deine wort als
lein vnd nit auff den geitz noch auff
eytelkeyt. Mach mich lebent auff dei-
nem weg / mach mir deine rede bester-
dig / das ich dich fürcht. Laß mich nit
geergert werden / das ich fall / Laß
deine gütte mir zukumen vnd dein
heyl nach deiner red / das ich antwor-
ten müg meinem lesterer nach deinē
wort / nym das nit von meinem hertz
en noch mund. Gedencck deinē knecht

an dein wort auff welches du mich
 hoffen lest / das ist mein einiger trost
 in meinem elend. Laß mir dein wort
 auch im stetter gedechtnuß sein / das
 ich dauon rede tag vñ nacht / dieweil
 ich hie wone. Herr du sey mein teyl /
 ich pitt dich von ganzẽ hertzen / mach
 mich lebendig nach deiner rede. Laß
 mich in der gemeinschaft sein aller
 der die dich fürchten / als yezund in
 der trüßsal / also auch im trost vñ
 zeytlicher erlösung / denn die erden ist
 vol deiner gütte. Du handelst mit
 mir wie du wölst so lere mich deine
 recht. Herr thu guts deinem knecht
 nach deinen worten / lere mich auch
 was gut ist / das ich wisse was mir
 fele. Es ist mir nutz vñd solt mir pil-
 lich lieb sein / das du mich gedemütiz-
 get hast das ich erken das ich ein sün-

00019569

der byn/ vñ du mein eyniger gerecht
macher. Dein handt Herr hat mich
gemacht / vnterweyß mich / das ich
deine gepot lerne / Herr laß die sehen
die dich fürchten dein heyl an mir / vñ
sich freuen vnd auff dich hoffen / das
du inn auch werdest auß iren nöthen
helffen. Laß mich dein güte trösten
nach deiner zusag. Laß mich in dei-
ner erbarmung leben. Mach mein
hertz onwandel inn deinem rechten
das ich nit zu schanden werdt. Ach
Herr wie sere verlangt mein seele
nach deinem heyl vnd trost / wie lang
hab ich gehoffet auff deiner verheys-
sung wort. Mein augen sehnen sich
nach deiner rede / vñnd sagen. Wenn
tröstest du mich? wie lāg sol ich noch
in dieser trüßsal stecken? wie lang sol-
len mich meine feynd so vnphillich ver-

folgens. O herr hilff mir/mach mich
 lebent nach deiner gütte/das ich halt
 die zeugnuß deins munds. O Herr
 dein wort ist ewig/ alle ding werden
 durch es gemacht vnd erhalten/vnd
 mich hast du auch durch dein wort
 gemacht vnd ich byn dein/ Hilff mir
 lieber Gott durch dasselb wort/Laß
 dasselb wort meines fuß leuchtē sein/
 vnd ein liecht auff meinen steygen.
 O Herr ich byn sere gedemütiget vñ
 gering worden/hilff mir nach deinen
 Worten. Laß dir die freywilligen opf-
 fer meins munds wolgefallen/vnd
 lere mich dein gericht. Enthalt mich
 durch dein rede das ich leb/vnd laß
 mich nit so lang vngewert mit schan-
 den von dir gehen/erledig mich pald
 wie ich hoff auff dein verheyssung.
 Sterck mich das ich genes/so wirdt

ich stets meinen lust habē an deinem
rechten/ vnd dich preysen. Nym die
vnvorsamkeit des fleysch vom mir
vnd gib mir dein forcht / das ich er-
schreck vor deinen gerichtten. Ober-
gib mich nit den die mir vnrecht thun
Nym mich an vnd wird mein purg
zum pesten / zu deinem preys / vnd zu
meinem vnd meins negsten heyl / laß
mir die stolzen nicht vnrecht thun.
Meine augen senen sich nach deinem
heyl vnd nach der rede deiner gerech-
tigkeit / Handel mit mir deinē knecht
nach deiner gütte / vnd lere mich dein
recht. Wend dich zu mir vnd sey mir
gnedig wie du pflegst den zu thun die
deinen namen lieben / vnd richt meine
genge durch dein rede / vnd laß kein
vnrecht vber mich herschen / vnd laß
mich kein widerwertigkeit vberwin-

den. Erlöſ mich vonn der menschen
 vnrecht so wil ich halten was du be-
 folhen hast. Erleucht dein antlitz
 vber mich deinen knecht vnd sey mir
 gnedig. O Herr du pist gerecht vnd
 richtig seind deine gerichte. Du hast
 vns hart befolhen vnd gepotten zu-
 halten die zeugnuß deiner gerechtig-
 keyt vnd den glauben. O Herr gib
 mir die gnad das ich mög vnd thu
 was du gepotten hast. Mein Gott
 ich schrey von ganzem hertzen zu dir
 erhör mich/hilff mir auf durch dein
 gütte der du nahe pist allen die dich
 anrüssen vnd alle deine verheyssung
 sind war vnd die warheyt selber.
 Sihe mein elend vñ erret mich/hilff
 mir auf/ich wil deiner gütte nimmer
 mer vergessen. Füre mein sach vnd
 erlöſ mich. Nach mich lebent nach

00019569

deiner rede. Herr laß mein klag für
dich kumen/ vnd erret mich nach dei-
nem wort. Laß mir dein handt bey-
stehen/ich wil vom deinem wort nit
weychen. Laß mein seel leben das sie
dich lob vnd dir dancke/vnd das mir
dein gerechte helffe. Ich yrr wie ein
verloren schaff/durch mich selbst kan
ich nit wider vmbkumen. Aber herr
du guter Hirt such mich deinē knecht
vñ bring mich wider in deinē schaff
stal/ vnd gib mir/ das ich nimmer
mer vergeß deins gesetzs/ deiner weg
deiner zeugnuß / deiner gepot/ deiner
gerechtigkeyt/ deiner recht/ deiner ge-
richt/ deiner red/ deiner wort/ deiner
wunder/ deiner warheyte/ deiner orde-
nung/ deins wolgefallens/ vnd das
ich allzeyt erschrecke vnd mich fürcht
vor deinen droungen. Doch auch on

sorg sey auff deine verheyßung / Amen

Der CXX. psalm.

Ad dominū cum tribularer clamaui

In nöthen wider die verfolgung des worts.

Ach lieber Herr zu dir schrey ich
 Inn diser meiner Bekümmernuß.
 O Herr Gott erhöre mich / Herr er-
 rette mich von den bösen meulern /
 vnd von den falschen zungen die dein
 wort schmehen vñ mich vmb deiner
 warheyt willen die ich bekent hab
 vñ gepredigt / O herr wie gar schwe-
 er ist dise anfechtung / dann was kan
 die falsche zunge meiner seelen thun
 was kan sie aufrichtens fürwar sie
 schadet mer dann kein ander vnglück
 Sie ist wie scharpffe pfeyle eins ge-
 waltigen die durch alle panzer vnd
 harnisch dringen / darzu wie feurige
 pfeyle mit wachholter kolen die lang
 feuer halten. Wee mir das ich vnter

S

00019569

frembdingen / die nicht auß dir ge-
poren sind / muß wonen / do man dem
fried feyndt ist vnd wider die war-
heyt streyttet / O Herr hilff mir auß
inen / Amen.

Der CXXI. psalm.

Leuaui oculos meos in montes.

In nōtten.

O Herr ich heb meine augen stets
gen hymel auff / pit vnd gewart
hilff vonn deinen Götlichen gnaden /
kum mir zum hilff mein lieber Got /
ist es dir doch ye leycht zuthun denn
du hast hymel vnd erden gemacht.
Laß meine füß nicht schlupffen. Be-
hüt mich vnd schlaff nicht zu meiner
hut / der du Israel Behüttest / sey mein
schatten vber meiner rechten handt /
vber meiner weere vnd widerstandt
wider die gotlosen / das sie mich nit
treffen. Laß michs nicht vbernehmen

wenn es mir wol gehet/vnd nit plöd
 sein wenn es mir widerwertig zuste-
 het/das mich des tags die sunn nicht
 steche/noch der mon des nachts. Be-
 hütte mich vor allē vbel/Behüte mein
 seele/Behüt mein außgang vnd ein-
 gang ewigklich/Amen.

Der CXXII. psalm.

Letatus sum in his que dicta sunt mihi.

Gemeine pitt für die Christliche kirche.

Lieber Herr laß mich frewen dz
 ich sehe/wie du zugesagt hast/
 vil andere menschen sich pessen vnd
 erleucht werdeñ/die da begern in dein
 hauß zu gehen/vnd all ire begird stel-
 len in die hymelischen Jerusalem/laß
 dein stat Jerusalem weyter gepawt
 werden durch dein wort/vnd sich
 freuntlich miteinander zusammen
 halten/wie die gliedmaß eines leybes
 in vereünigung der liebe vnd des friz

S ij

des/ das deine steme im glauben da-
hin auff gehen/ mit wortten vñ wer-
cken zu bezeugen für Gott vñnd den
menschen / das sie der ware samen
Israelis sein/ vñd zu dancken deinem
namen. Laß ein rechts gericht inn jr
sein/ das vntereinander ymmer einer
dem andern freundtlich vñd mit für-
pitte behilflich sey/ Es müsse wolge-
hen allen die sie lieben vñd verfluch-
et sein alle die sie hassen. Laß all ire
purger genug haben. Laß die hellisch
en thoz nichts vermügen wider sie.
Laß sie sicher gerüwig vñnd stil sein
vor allem vbel vñd vnfal. Laß jr vil
den frid in jr verkündigen vñ jr pests
suchen/ Amen.

Der CXXIII. psalm.

Ad te leuauo oculos meos.

Gemeine pitt vmb gnad vñd schutz.

Ich hebe meine augen auff zu dir
 Der du im himel sitzest Sihe wie
 die augen der knechte auff irer Her-
 ren hendt sehen/ vnd die augen der
 magt auff irer frawen hend/ also se-
 hen vnser augen auff dich Gott vn-
 sern Herren/ piß du vns gnedig wirst
 Sey vns gnedig Herr sey vnns gne-
 dig/ den wir sind seer vol verachtung
 Seer vol ist vnser seel der reychen
 spot vnd der hoffertigen verachtung
 Erret vns vō inē bring vns zu eeren
 wider sie/ zu deinem ewigen preys vñ
 danck/ Amen.

Der CXXIII. psalm.

Nisi quia dominus erat in nobis.

Gemeine pitt wider gewalt vnd betrug.

O Lieber Herr wo du nit bey vns
 pist vnd in vns wonest/ wen die
 menschen sich wider vns setzen/ so ver-
 schlingen sie vnns lebendig / wenn jr

S iij

00019569

zorn vber vnns ergrimet / so müssen
wir verderben in disen grossen was-
ser güssen der trübsal die vnns stets
vberfallen / auch inn den heymlichen
stricken vnd garnen die vns die got-
losen allenthalben vber den weg ge-
zogen haben vns zu fellen vnd zu fa-
hen / O Herr gib vns nit zum raube
inn ire zeene / hilff das vnser seele iren
stricken wie ein vogel entrinn / zerreis
sie / vnd mach vns los. Hilf vns auß
den tieffen wassern. Laß deinen na-
men vnser hilff vñ schutz sein / der du
hymel vñ erden gemacht hast / Amē.

Der CXXV. psalm.

Qui confidunt in domino sicut mons Syon.

Gemeine pitt das vns Gott im rechten
glauben beware.

Gib vns lieber Herr einen starck-
en vertrauen vnd hoffnung
auff dich / das wir nit vmbfallē / sun-

dern ewig pleyben im neuen Jerusa
 lem/wie der perg Zionder ist Cristus
 Sey du Herr vmb vnns her ewig=
 klich/wie die perge vmb Jerusalem
 her sind. Laß die thut vnd macht der
 gotlosen/nit so fer vber vns dein teyl
 vnd kleines heuflein/vnnd verlaß du
 vns nit also gar/das wir vnser hend
 zur vngerechtigkeyt stercken vñ dein
 wares wort verlaugnen / Herr thu
 wol deinen glaubigen den gutten vñ
 auffrichtigen von hertzen/laß vnns
 nit vom rechten wege deines worts
 abtretten/ auff das wir nit verwir=
 ret noch verplendet vnd endtlich mit
 den vbelthettern vnn dir abgewey=
 set werden. Sey frid vber den Isra=
 el nach dem geyst/Amen.

Der CXXVI. psalm.

In conuertendo dominus captiuitatē Syon.

In nöthen vns rettung zu Gottes preysß.

S iij

00019505

Ach lieber Herr vnd mein Gott
wendt mein gefencknus / tröst
mich / füll meinen mundt vnd mein
hertz mit freuden vnd mein zung mit
fröligkeyt. Thu ein groß an mir das
die sehen die dich suchen vñ dancken
deiner gütte mit mir / vnd freuen sich
vnd gewinnen ein gute zuuersicht zu
dir auch in iren nöthen / das auch die
heyden solchs bekennen vnd dich an
mir loben müssen. Mein lieber Herr
vnd Gott wendt mein gefencknus /
wie die Sunn die pechlein außtrück
net im mittag. Vertere mir mein
weynen in freud / vmb der eer willen
deines heyligen namens / den wil ich
nimmer mer vnterlassen zu preysen /
Amen.

Der CXXVII. psalm.

Nisi dominus edificauetit domū.

Gemeine pitt vmb narung vnd beschirmung.

O Lieber Herr paw/ wach vnd
 behüte vns vñ alles das vnsere/
 denn on dich ist all vnsere thun vmb
 sunst. Gib vns gnad / dz wir dir den
 sabbath heyligen/ dir still halten vnd
 tragen dir all vnsere sorg auff/ also
 das wir arbeytten nach deinem ge-
 pot vnd gewarten des segens vnd al-
 ler vnsere notturfft vō dir allein/nym
 den geytz vnd alle vnnütze sorg von
 vns hinweg. denn wem du es gün-
 nest dem gibst du es schlaffendt / **O**
 Herr wir sind deine kinder dein erbe
 vnd deins geystlichen leybes der chri-
 stenheyt frucht / welche dir der vater
 als ein lon geben hat / hierumb ver-
 sorg du vns auß gnaden / Auch laß
 vns sein wie die pfeyl in der hand des
 gewaltigen / nemlich wol befestigt
 durch dein wort / vnd das wir vnsere

00019569

Köcher / vnserer hertzen desselben volha
ben / das wir nicht zuschanden wer
den vor vnsern feinden / Amen.

Der CXXVIII. psalm.

Beati omnes qui timent dominū.
Gemeyne pit vns gottes forcht vnd
merung des glaubens.

Gib vns lieber Herr / das wir
dich all fürchten vnd gehen auff
deinen wegen das vns wol sey vnd
das du vns vnd alles das vnser seg
nest / durch vnserer hendt arbeyt vns
nereest vnserer weyber fruchtpar
machest / wie ein fruchtparer weyn
stock der die wende erfüllet / vnserer
kinder gezogen vnd güttig wie die öl
zweyge / O Herr segene vns an leyb
vnd an seel / auß Zion deiner heyligen
wonunge / das wir vnser leben lang
ymmer dar sehen das glück vnd auff
nemen Hierusalem / nemlich das dein

glaubig volck im glauben deines
 worts gestercket allen seinen feinden
 obsieg/ das wir auch sehen vil kinder
 des glaubens vnd frid vber Israel/
 Amen.

Der CXXIX. Psalm.

Sepe expugnauerunt me a iuuentute mea!

Gemeine pitt wider die scheynende heyligkcyt.

Herr vnser Gott / laß vnns die
 mit vbermögen die vns stets an-
 rennen / stürmen vñ dengen vñ wie
 die acker leut auff vnserm rucken
 pflügen vnd lange fürche ziehen mit
 mancherley beschwerungen / O herr
 der du gerecht pist haw jr seyl vñnd
 strick ab / Laß sie mit schanden abtret-
 ten die vns gram sind vñnd nit gün-
 nen die gnade / sondern wöllen in irer
 werckheyligkcyt gesehen sein / Ach
 dz sie müssen sein wie das hew auff
 den dechern / welches verdorret / ehe

man es außraufft / von welchem der
schmitter sein handt nicht füllet / noch
seinen schoß der garben pinder / das
ite gleyssende heyligkēyt darmit sie
vil leut betrigen zu nichte werde / vnd
niemandt dieselben lobē / gefegene /
noch glücke darzu wünsche / sundern
yderman die / als tholl saltz mit füß-
sen trette / **O** Herr segen vns in deinē
namen / Amen.

Der cxxx. psalm.

Deprofundis clamaui ad te domine.

In nöthen vmb gnade.

Ach mein lieber Herr / ich schrey
zu dir auß der tieff der trübsaln
vnd angst / Herr erhör mein stym.
Laß deine oren mercken auff die stim
meiner klag. **O** Herr so du wilt acht
haben auff sündt / Herr wer wil vor
deinem gericht bestehē so müssen
wir warlich allsamt verderben.

Nun ist aber ye vergebung bey dir/
 du hast ye vergebūg zu gesagt/durch
 Jesum Christum vnsern herrn vnd
 Priester der aller vnser sündt gepūst
 hat. Aber also das wir dich sollen
 fürchten / vnns für sūnder erkennen
 vnd dich als vnsern eynigen gerecht
 maker. O mein Gott preys deinen
 heyligen namen an mir vnd hilff
 mir auß nott / denn ich har dein yetz
 lang vnd hoff auff dich. Ich wardt
 das du mir außhelffest nach deinem
 wort / ich har vō einer morgen wach
 piß zur andern / das ist / tag vñ nacht
 vnd von tag zu tag. Ach du güttiger
 lieber Herr dein güte ist groß / bei dir
 ist vil erlösung / dein barmhertzigkeit
 nimpt nit ab / deine verheissung mögē
 nit felen noch vnwarhafftig sein. Er
 löß mich vnd hilff mir auß diser vnd

aller meiner angst. Erlöſ den gantz-
en Iſrael nach dem geyst alle deine
glaubigen auß allen iren ſünden vnd
nötten/vmb deines heyligen namens
willen/vnd vmb deiner groſſen gute
willen/Amen.

Der CXXXI. Pſalm.

Domine non eſt exaltati.

Gemeine pitt vmb demut.

Herr laß mein hertz nicht ſtolz
ſein/vnnd meine augen nit hoch
das ich mir nichts zuſchreyß/vñ nit
in groſſen dingen bekümmert ſey die
mir zu wunderlich ſind/ſundern das
ich meſſigklich klug ſey wie du mir
Herr aufteylſt auß gnadē/Dañ wo
ich auß hoffart meine ſele nit demüt-
tigklich ſetzen vnnd ſtillen würde/ſo
entzeugſt du mir pillich den troſt dei-
ner gnaden die du den demütigen ſeu-
gelingen mitteylſt/O herr ob du mir

schon zu weilen die milch deins trosts
 versagst als einem entwenten kindt /
 so laß mich doch nymmer mer an dir
 verzagen / sondern ewigklich auff
 dich hoffen vnd warten / Amen.

Der CXXXII. psalm.

Memento domine dauid, & omnis.

Gemeine pitt vmb das reych des Euangelij.

O Lieber Herr Jesu Christ / du
 Sun Davids vn̄ heylandt der
 welt / Sihe an das elend vnd Bege-
 ren aller glaubigen die inn aller zeyt-
 licher eere kein rwe haben / piß sie zu
 dir dem eynigen gnaden stul kumen /
 vnd eine stete vor dem Herrn finden /
 zur wonunge dem mechtigen Jacob
 Du verlest sie auch nit sondern ver-
 kündigst inen daruō / zeygst in auch
 an das sie es finden / dahin gehen vnd
 jr gepette thun / O Herr erzeyge dei-
 ne macht vnd mach dich auff zu dei-

ner rwe vnter vns / die wir dein hüt-
ten sind / auff das also deine priester
bekleydet mit deiner gerechtigkeit
dein wort recht predigen / vnd deine
glaubigen heyligen dardurch in iren
gewissen erfreuet werden / wellichs
alles nit kan beschehen / wo du nit vn-
ter vns pist / **O** Herr wende dein an-
gesicht nit von vns / Gott dein vater
hat dich vns trewlich verheysen zu
geben vnd dasselb mit dem ayd bestet-
tigt / welche zwey vns nit felen mögē
Darzu hast du selber auch zugesagt
du wöllest bey vns seyn vnd pleyben
pist zu der welt endt / Du pist vnser
gnadē stul / du hast vns zur wonung
erwelet / Darumb **O** aller mildster
Herr so laß vns durch dich vnd bey
dir gnad vñ barmhertzigkeit finden /
gib vnns deinen seggen vber alles das

vnser / auch dein heyl vnd freud / sege
 ne vnser leybliche vñ geystliche spey-
 se / fülle mit dem prot deiner tröstung
 die armen bekümmerten gewissen /
 kleyde die priester mit heyl / erfrew
 alle glaubigē durch verzeyhung der
 sündt vñ ewiges leben / richte auff
 das horn deiner götlichen krafft das
 euangelion / richte zu die leuchte oder
 erkantnuß der warheyt / vñ mach
 all vnser feyndt zu schanden / Laß
 dein heyligung vber vns kumen vnd
 dein kron vñ reych vber vns plüen
 vnd vns im fried erhalten. Amen.

Der CXXXIII. psalm.

Ecce quā bonū & q̄; iocundū.

Gemeine pitt vmb Chyftenliche liebe.

Las vns lieber Herr eynig vñ
 fridlich als die brüder inn dei-
 nem hauf wonen / vnd sey du mitten
 vnter vns vñ inn vns. Laß vns ein-

T

00019569

ander anhangen in rechter thettiger
lieb als die glider des leybs Christi/
welliches gantz feyn vnd lieblich ist/
Laf das öle deiner heyligung den
heyligen geyst auff vns fließen/ vom
haubte Christo in die Aposteln oder
lerer vñ nachmals in alle gelider der
Christenheyt/ gleych wie das öle der
heyligunge Aaron vom haubte inn
den part flos vnd darnach auff s eu-
serste loch seiner kleyder / Gib lieber
Herr das ymmer einer des andern
not sich anneme/ Laf auff vns fallen
den tauw deins segens vnd merung
alles des so wir zu leyb vnd zu geyst
nottürfftig sind/ als wenn der frucht
pae thaw Hermon herab flüsse auff
die perge Zion/ das alle vnser ding
fruchtbar werden auß krafft solcher
Brüderlicher liebe/ vnd gib vns nach

deiner zusag das ewig leben / Amen.

Der CXXXIII. psalm.

Ecce nunc benedicite domino.

Gemeine pitt vmb glauben im gepette.

Gib vns Herr gnad / das wir deine knecht dich allzeyt loben vnd das wir auff gericht mit bestēdigem glauben stehen in deinem hauf / auch in der anfechtung vnd trubsal / vnd das wir reyne hendt gegen dir auff heben so wir dich pitten. Segen vns Herr auß Zion der du hymel vnd erden gemacht hast / Amen.

Der CXXXV. psalm.

Laudate nomen domini, laudate serui.

Gemeine pitt wider alles falsch vertragen.

O Herr richt unsere hertzen also zu / das wir deine knecht die wir in deinem hause vnd höfen stehen deinen namen würdiglich loben / denn du pist freundlich mild vnd gütig

vnd dein nam ist lieblich vnd gut al-
len die in anruffen in iren nöthen/ vñ
du hast vns auß gnaden dir zum ey-
gen volck erwelt / du pist allein gros-
ser vnd warhafftiger Got vñ Herr
vor allē göttern/der du hymel/erden
Mere/vnd alles das darinnen ist ge-
macht hast vnd damit thust nach
deinem willē /du gibst wolcken/plitz-
en/windt vnd regen allen menschen/
du hast dein volck wunderparlich
durch vil grosser plagen E gypti vñ
gewalt Pharaonis erlöset/vil gros-
ser vöcker vor inen geschlagen vnd
mechtige künige getödtet / vnd der sel-
ben landt inen zum erbe gegeben/vnd
für vnd für beweyst du deine wol-
thaten einem yeden deiner außewel-
ten/sunderlich wider den teuffel vnd
wider aller gotlosen reych. O Herr

laß dein gedechtnuß vnnnd deines na-
 mens rhum ymmerdar vnter vnns
 sein vnnnd pleyben. Richte dein volck
 das vil vnrechts leydet laß dich ver-
 sönen / vnnnd erbarme dich vber deine
 knechte sey inn gnedig vnnnd hilff inn
 auß aller not / Dann sunst alles ver-
 trawē in die creaturē / eygene werck
 oder götzen eytel ist / sie vermögen nit
 zuhelffen noch nichts zuthun vnd alle
 die sich darauff verlassen / werden
 inen gleych eytel / Darumb deine die-
 ner vnd alle die dich fürchten dich alle
 lein benedeyen vnnnd dir dancksagen
 du hochgelobter zu Zion vnd Jerusa-
 lem / Amen.

Der CXXXVI. psalm.

Confitemini domino quoniā bonus. III,

Gemeine pitt Gottes güte zuerkennen.

O Du guter freundtlicher Herr
 wir dancken dir du Gott aller

T iij

götter/ Herr aller Herren / auff des
gerechtigkeyt allein zuuertrauen/
vnd der allein zuförchtē ist. Dañ dein
gütte vnd Barmherzigkeyt weret
ewigklich/ vnd wenn wir schon fal-
len/ so felt doch sie nicht / welliche du
auch inn vil wunderthaten von der
welt here beweyffet hast/ vnd noch
nit auffhörst zu beweyfen an vns als
len/ Du hast die hymel weyfflich ge-
machtet/ die erde auffß wasser außge-
preyttet/ grosse liechter gemacht die
sunn dem tag fürzustehen/ den mon
vnd sterne der nacht fürzusteen/ Du
hast Egypten geschlagen an iren
ersten gepurten/ vnd Israel auß inen
gefüret durch mechtige handt vnd
aufgereckten arm/ du teyletest das
schilff meer/ liffest Israel durch hin-
gehen vnd ersaufftest Pharaonem

mit all seiner macht / du furetest dein
 volck durch die wüsten / erwürgetest
 mechtige künige vnd gabst im dersel
 Ben landt zum erbe / du gibst allem
 fleysch speys auß deiner grossen güte
 O lieber Herr befestig sie vber vnns /
 vnd wendt sie nit von vns in deinem
 zorn / gedencck an vns in vnserm elend
 vnd jamer. Erlöf vns von allen vn
 sern feinden vnd vnglück / durch die
 selbe vnd vmb derselben deiner ewi
 gen güte willē / auff das wir dir dan
 cken du Gott von hymel / Amen.

Der CXXXVII Psalm.

Super flumina babilonis illic sedimus.

Wider die feyndt vnd spotter des Euangelij.

O Herr wir sind gefangen vnd
 führen grosse klag an den was
 sern zu Babel der menschen sazun
 gen oder leren / du hast vns verlassen
 vmb vnser sünd willen / die gotlosen

T iij

00019569

spotten vnser vnd verhönen dein gesang/
dein heyligs wort vnd dein lob/
Behütte du lieber Gott das wir nit
der lere/ gottes dienst vnd freuden
Babilonis anhangen/ vnd der heylsamen
lere vnd gottes lob zu Jerusalem
vergessen/ dan wo ich solchs thet
so soltestu meiner rechten widerumb
vergessen/ vnd ich müste verstummen/
Ach lieber Herr hilff vnd füre vns
auf/ erheß deinen namen vnd dein
macht vnter vnsern feynden/ nit allein
die vns gefangen halten/ sondern
auch die sich vnser jamers frewen
vnd darzu reytzen. Stos gar zu po-
den des widerchristis vnd aller Got-
losen reych das vnns lang gedrückt
hat vnd noch vil der vnsern drückt.
Verstöre es mit allen seinen ergernus-
sen vnd vnt hatten grossen vnd kley-

nen/vnd laß es nit wider auffwach-
sen das wir dir gerüwig vnd stil all-
zeyt mögen dienen/Amen.

Der CXXXVIII. psalm.

Confitebor tibi domine in toto corde.

In nöthen das menigklich zum Euan-
gelio bekeret werde.

A Ch lieber Gott vnd Herr/ kere
dein gnedige gütte vnd trew zu
mir vnd hilff mir auß wie du denn
verheyssen hast/so wil ich dir danck-
en von ganzem hertzen/ vor den En-
geln dir lob singen/in deinem heyligē
tempel anpetten/vmb deine gütte vñ
trew dir dancken / vnd deinen na-
men bekennen den du vber alles her-
lich gemacht hast durch dein rede.
Ich ruff dich an mein Gott vnd va-
ter erhör mich pald/gib mir sterck vñ
preyt sie auß inn meiner seele/ das ich
dir dancken vnd bekennen müg/O

T v

Gott schaff/ das dir alle künigreych
auff erden dancken / deinen namen
heyiligen / dein wort hören vnd auff
deinen wegen wandeln vnd dein ere
groß machen / Gib allen gewaltigen
die gnad das sie erkennen das du hoch
vber alle pist / vnd siehest das nidrige
zu erhöhen / vnd kennst das da stolz
ist von ferren / zu verstoffen. O Herr
Behalt mich lebendig inn der angst /
sterck dein handt vber den zorn mei-
ner feyndt / hilff mir mit deiner rech-
ten / richts für mich auß wider sie.
Ach Got / dein gute ist ewig / veracht
deiner hendt werck nit sey mir gne-
dig vnd hilff mir auß / vmb deines
heyiligen namens willen / Amen.

Der CXXXIX. psalm.

Domine probasti me & cognouisti.

Gemeine pitt Gottes verschung

zuerkennen.

O Herr du kennest mich auffß als
 ler past / du kennest mein sitzen
 vnd auffstehen / du verstehest meine
 gedancken vom ferne / du pist vmb
 meinen psadt vnd vmb mein lager
 her / Vnd alle meine wege spehestu
 auß do ich gehe oder stehe ich thue
 etwas oder liege still / du weyst alle
 meine wort / ich vnd alles das meine
 sind in deiner handt / denn du hast
 mich gemacht / du hast mich auch
 versorget bis dahere mit aller not-
 turfft / Ich kan dein wünderparliche
 verschung in allen Creaturen nit er-
 langē mit meiner vernunft / Ich kan
 keinen ort weder im himel / in der hell
 am meere noch im finsternuß finden /
 da dein geyst nit sey vnd du nit hin-
 sehest mich daselbst farest vnd helts /
 In der finsternuß ist dir nichts ver-

00017565

porgehn du kenneſt all mein begirde/
du haſt mich erkandt in mutter leyb
ja ehe dann ich bereyttet war/hetteſt
du ſchon alle meine tag verzeychnet/
du weyſt alles ehe dann es geſchicht/
Ach Gott deine gedancken ſind vor
mir kößtlich vnd vnzehelich/wen ich
nach dem ſchlaſſe oder falle wider-
umb auff wache ſo bynich noch bey
dir vnuerlaſſen/Vnd was forderſt
du dadurch anderſe denn das wir
all vnſer ſache nit allein was vnſer
pauch bedarff / ſondern auch was
zur ſeligkeyt dienet/es gehe vns wol
oder vbel/ deinen henden/ die vns ge-
macht haben/ regiern vnd erhalten/
beuelen ſollen. So pitt ich dich mein
Gott vmb deins namens willen/nim
mich auff in dein ſorg/gib mir einen
waren feſten vertrauen auff dich/

mit verlaugnung mein selbst/ das ich
 in aller meiner nothturffe nirgent her
 kein ander hilff gewart denn allein
 von dir/ nach dem wort deiner gne-
 digen vnd reychen zusagung/ Ach
 Gott das die gotlosen vnd die plutgi-
 rigen von mir wiechen / den sie reden
 von dir mit recht vnd deine hasser er-
 hebē sich on vrsach/ Sie wöllens nit
 alles deiner verfehunge zuschreyben
 sundern irer eygenen krafft vnd für-
 sichtigkeyt/ darumb ich in feindt byn
 vnd setze mein vertrauen allein auff
 dich. Erforsch mich Herr/ erfar/ ver-
 such/ vnd leutere mein hertz vnd ges-
 dancken/ vnd nim auß mir hinweg
 alle falscheyt/ vnd leyt mich auff dei-
 nem ewigen gutten weg/ Amen.

Der CXL. psalm.

Eripe me domine ab homine malo.

00019569

Wider die feyndt das sie vns nit abführen
vom wege des Euangelij.

O Klöß mich Herr von den bösen
vnd freueln menschen / die arg
in irem hertzen gedenccken / vnd nur
lust haben zu zanken / die jr zungen
scherpffen wie die schlangen / vnd
ottern giffte ist vnter iren lebsen. Be-
war mich das ich in nit in die hendt
gehe / das sie nit iren mutwillen mit
mir treyben / dann sie gedenccken mei-
ne tritte aufzustossen / legē mir stricke
vnd preytten mir sayle auß zum netz /
vnd stellen mir fallen an den weg /
durch ire gleyßnerey mich vō deinem
wort zuführen / Ich aber hab kein pes-
sern trost / dann das ich pete vnd sag
zu dir / O Herr du pist mein Gott er-
hör die stym̄ meiner klag. Herr herr
du krafft meines heyls / sey meines
haubts deck / wenn ich angerendt

wirt / Herr laß den gotlosen jr begird
 nit / sterck jren mutwillen nit / das sie
 sich nit erheben / schütt jnen das vn-
 glück so sie mir zurichten auff jren
 eygenen halß / das sie ins fexer vnd
 in die gruben fallen / dan solch wasch
 en vnd lestern wider dein wort kan
 nit Bestandt haben / Nicht mein sach
 der ich elendt byn / vnd für mein ge-
 richt hinauß das ich mit auffrichti-
 gem hertzen vnd antlig deinen na-
 men frölich lob vnd danck sag / vnd
 vor deinem angesicht pleybe / Amen.

Der CXLII. psalm

Domine clamaui ad te exaudi me.

Gemeine pitt wider die gleyßnerey.

Herr ich ruff zu dir / erhör mich
 Eylends. Laß mein gepet einen
 süßen geruch vor dir sein / vnd das
 auffheben meiner hendt ein abentopf-
 fer / Herr setz meinem mundt ein hut /

Bewar meine lebsen vnd mein zungen
das sie nit args reden als die got-
losen/sundern dich allzeyt lautter vñ
rein anrüssen / loben vñnd preysen.
Neyg mein hertz nit auff etwas pöß
ein gotloß wesen zufürē mit den vbel-
thettern/das ich nicht anfahe zu ent-
schuldigen was gotloß vñnd sündt
ist wie die heuchler/das ich nicht esse
vonn dem das inn geliebt das ich jr
thun vnd fürgeben nit loß / es scheyn
wie gut es wöll. Sunder das ich vil
mer dem gerechten zu hör ob er mich
schon etwa hart strafft / das sol mir
der pestte trost vñ meinem haubt das
frölichste öll sein / denn mein gepet ge-
het noch wider jr pösses / ire fürge-
nempsten straucheln/bey dem fels dei-
nes worts/wen sie das lieblich Euā-
gelion von mir hören / Ach Gott wir

vermögen nichts / alle vnserere gepeyne
 oder kreffte sind zu strewet piß zur
 helle / zerwület gleych wie ein acker-
 man mit dem pflug das er dtrich zu-
 reysset / Hilff du o Herr meine augen
 sehen auff dich / ich traw auff dich al-
 lein / schütt mein seele nit auß laß sie
 nit verderben. Bewar mich vor dem
 strick den sie mir gelegt haben vñnd
 vor der fallen der vbelthetter. Erret
 mich durch dein gnad / laß sie selb dar
 inne behangen / piß das ich frey vom
 jnen für vber gehe / Amen.

Der CXLII. psalm.

Voce mea ad dominum clamaui.

In nöthen das wir nit verführet werden.

O Herr ich schrey zu dir mit mei-
 ner stym / ich klag dir mit mei-
 ner stymme / ich schütt mein red vor
 dir auß / vñnd zeyg dir mein not an.
 Mein geist ist mit engsten vber deckt

D

00019569

O Herr du kennst all meine weg vnd
wie mir die gotlosen haben strick ge-
legt auff meinen weg. Ich siehe zur
rechten auff mein freund vñ verwan-
ten ob sie mir helffen wöllen/ aber es
ist vmb sunst. Es ist mir auch das
fliehen geweret/ den ich lig gefangen
niemandt fraget nach meiner selen/
Ach mein Got vnd mein Herr/ mein
schöpffer vñ mein vater so schrey ich
nun zu dir du mein eynige zuflucht
vnd zuuersicht/ du pist mein teyl vnd
erb im lande der lebendigen darzu
auch auff diser erden / ich hab sunst
nichts darauß. Wenn ich aber nur
dich hab/ so hab ich gnug / so stehet
mein sach alle wol. Merck auff mein
Klag/ den ich byn seer gering worden
Erret mich von meinen verfolgern/
denn sie sind mir zustarck. Füre mein

seele auß dem kercker der angst / der
 sünden vnd des todts / zu lob vnd
 preys deinem heyligen namen / Wie
 denn auch alle gerechten vnd deine
 glaubigen / engel vnd menschen für
 mich begern / vnd pitten das ich ledig
 werd / vnd hören nit auff piß du mir
 wider geltest vñ gebst trost von die-
 sem jamer vnd bekümmernuß / denn so
 werden mich auch die frumen umb-
 ringen vnd sich mit mir freuen vñ
 dir dancken weñ du mir wider auff-
 hilffst / Ach lieber Hert sey vns gne-
 dig vnd sey vns zu gefallen vmb dei-
 ner ewigen eeren willen / Amen.

Der CXLIII. psalm.

Domine exaudi orationem meam. II.

In nöthen wider verzweyflunge.

O Herr erhör mein gepet / vernym
 mein klag vmb deines glaubens
 willen / erhör mich vñ vmb deiner ge-

00019569

rechtigkeyt willen. Vnd gehe nit ins
gericht mit deinem knecht / denn vor
dir wird kein lebendiger rechtfertig
sein. Auch möcht deiner heyligen kei-
ner dein gericht ertragen wen du nit
hilffst mit Barmhertzigkeyt / vor dir
sind auch die stern nit reyn / vnd hast
inn deinen Engeln vnrechts funden.
Die seynd verfolgen meine seele / vnd
schlagen mich darnider / sie haben
mich ins gefencknuß gepracht als ei-
nen der den todt verwürckt hat vnd
mein geyst ist in mir geengstigt / mein
hertz ist in mein leyb verstört / Dieses
ist allein mein hoffnung vnd trost /
das ich gedencke an die vorigen zey-
ten / Ich tichte von allen deinen wer-
cken / vñ rede von den geschefften dei-
ner hende / wie du von anbeginn alle
ding erschaffen hast / regirest / wun-

derlich ordenest vnd nimmer verles-
 sest die inn dich trawen/dierweyl nun
 alles inn deiner handt stehet/ so kum̄
 ich zu dir/ O Herr ich reck meine
 hendt zu dir mein seele dürstet nach
 dir auff erden vñ Beger gnad/wie ein
 dürres ertrich des regens von dir be-
 gert. O Herr erhör mich pald/ich
 müst sunst verzagen/ vnd yezundt
 vergehet mein geyst schon in diser ge-
 fenc̄nuß/ich hab am meinem leben
 verhoffet. O Gott verpirg dein ant-
 litz nit vor mir/das ich den nit gleych
 werdt die inn die gruben des verder-
 Bens faren. Laß mir nun auffgehen
 den morgen des trosts nach meiner
 nacht der angst/das ich frū hör vnd
 empfind dein gütte/ den ich hoff auff
 dich. Thu mir kundt den weg dar-
 auff ich gehen sol/denn on dich kan

ich nit anders denn yrren/vnd in yrr-
thumb pleyben. Zu dir Herr heb ich
auff mein seel ich pitt dich von ganz-
em hertzen/Herr erret mich von mei-
nen feyndē ich flihe zu dir. Lere mich
thun nach deinem wolgefallen/denn
du pist mein Gott. Laf mich deinen
guten geyst auff der ebene der gerech-
tigkeyt füren. Herr mach mich leben-
dig vmb deines namens willen/ füre
mein seel auß der not vmb deiner ge-
rechtigkeyt willen. Verstöre meine
feynd vmb deiner güte willen/vñ die
mein seel engsten laß abkeren von mir
denn ich byn dein knecht/ vmb deinet
willen leyd ich solchs/ hüß mir doch
vmb dein selbst willen auß/ Amen.

Der CXLIII. psalm.

Benedictus dominus deus meus qui docet.

In nöthen wider falsche lerer.

Gelobt seyst du Herr mein Gott
 Eere vnd preys sey dir ewig ge-
 geben für all deine wolthaten so du
 mir pißhere gethan hast / vñ das du
 mich armen menschen so kennest vnd
 der menschen kindt so hoch achtest /
 der ich doch nichts bin dan eytelkayt /
 vergenclich wie der schnee / pyß da-
 her im glauben vnd bekentnuß deins
 worts behaltē hast / **O** Herr bring
 also hinauf piß ans endt / mere vnd
 sterck meinē glauben immerdar paß
 zum streytt / herr mein hort auff den
 ich traw / zwing mit deinem geyst
 mein fleysch vnd die welt vnter mich
 Sey mein gütte / mein Purg / mein
 schutz / mein erretter vnd mein schilt.
 Herr neyg die hymel vnd far herab
 das du mit auß helffest / wie du vor
 zeytten mit rauch vnd plitzen auff

00019569

den perg Syna herab kamest zu
schreckē deine feint / Schick dein hant
von der höhe vnd erret mich auß den
grossen wassern der trübsal vnd von
der handt der frembden vnd vnge-
rechten kinder / die nit auß dir geporn
sind / die nur vnnütze ding leren vnd
ir datū auß falsche betriegliche ding
setzen / nemlich auß zeytliche gütter
vñ wolgeen / So will ich dir ein new
lied / newen vnd hertzlichen danck sin-
gen vnd sagen. Herr sey mein Gott
so ist mir wol gnug / Amen.

Der CXLV. psalm.

Exaltabo te deus meus rex.

In nöthen auß das Gott sein werck
an vns preyse.

Ich wil dich erhöhen mein Got
vnd mein künig / vnd deinen na-
men ymmer vñ ewigklich loben / All
tag wil ich dich loben vnd deinen na-

men rühmen / Das du grosser vnd
 hoch löblicher got pist / vñ dein grösse
 ist nit außzuforschen. Allzeyt werden
 deine werck verkündiget werden zu
 kunds kindern auch deine macht / dein
 herligkeyt / dein wund / grosse freund
 ligkeyt / dein gerechtigkeit / dein gnad
 dein barmhertzigkeit / dein langmüt
 tigkeit vnd dein gütte / Herr du pist
 yederman freuntlich vnd dein barm
 hertzigkeit vber allen deinen werck
 en. Allzeyt werden dich deine heyligē
 loben / in allen deinen wercken / in der
 eere deines künigreichs vnd in deiner
 gewalt / vber alle ding. Aber dein
 barmhertzigkeit ist vber alle deine
 werck / vñ du lieber Herr pist in allen
 deinen worten trew / vñ heilig in alle
 deinē wercken. So wöllest mir nun
 mein Gott vnd mein vatter gnedig

00019569

sein vnd mich meiner pitt geweren
vnd der selben deiner vnendtlichen
Barmhertzigkeyt / warheyte vnd heyl-
ligkeyt willen. Herr ich bin gefallen
richt mich wider auff. Du hirt vnd
erterer aller lebendigē zu rechter zeyt
der du auch alles was lebet erfüllest
mit wolgefallen / vnd bist gerecht in
allen deinen wegen. Herr ich ruff
dich von ganzem hertzen an / sey mir
nahen / sey mir zugefallen das du mir
aufhelfst / nach deinem wort / Be-
hüt mich allzeyt / so sol mein munde
allzeyt dein lob aufreden vñ deinem
heyligen namen dancken ymmer vnd
ewigklich / Amen.

Der CXLVI. psalm.

Lauda anima mea dominū. laudabo.

In notten Erinnerung aller gütte Gottes.

O Herr Gott / mein seel muß dich
loben / vnd dir lobsingē alles

Das an mir vnd in mir ist / weyl ich
 hie byn auff erden / Verleyhe lieber
 Herr das ich mich nit auff Fürsten
 oder menschen kindt / die doch nit helf
 fen können / verlasse / dero geyst paldt
 aufseret vnd wider zu aschen wer
 den / als dann sind alle ire anschlege
 verloren / Sey du Gott mein eynige
 zumerficht vnd mein helffer der du
 alle ding gemachet hast / vnd heltst
 ewiglich glauben vñ trawen in dei
 nen verheyssungen. O Herr schaff
 recht mir vnd allen die da vnrecht
 leyden / gib mir vnd allen die narung
 zur thewren zeyt vnd weñ vns jr not
 thut. Lös mich vnd alle gefangnen.
 Erleucht vns aller plintheit. Richte
 vns alle auff die nider geschlagen
 sind. Mach vns alle gerecht vnd sey
 vns günstig. Laß dir all frembding

alle armen vnd elenden/alle witwen
vnd wayfen in gnaden Befolhen sein/
Bewar vnd versorg sie mit aller not=
turfft. Wendt vns von dem weg der
gotlosen vnd kere in vns. Regir du
lieber Gott ewiglich inn vns allen/
Amen.

Der CXLVII. psalm.

Laudate dominū quoniā bonus est psalmus.

Gemeine pitt vmb allerley Wirkung
des worts.

O Herr es ist gut vnd feyn das
man dir lobsingt vnd deinen na=
men heyligt/denn du pawest samlest
vnd merest deine auferwelten/ vnd
kenst sie alle bey iren namen. O lieber
Herr heyl wiewil jr zerprochens her=
zen sind/tröst die bekümmerten/ver=
pindt ire wunden vñ schmerzen am
leyb vnd gewissen. O Herr du pist
groß vnd von grosser krafft vnd ver=

standt. Nicht auff die elenden vñnd
 erhalt sie/ vñnd demütige die gotlosen
 piß zur erden. Dir sey ewig lob vñnd
 danck gesagt das du alle ding so rey-
 chlich versihest durch dein gütte/du
 gibst den regē/du lest das gras wach-
 sen/gibst dem vihe futter/den jungen
 raben die dich anrüssen/dir gefelt nit
 das sich yemandt auff die creaturen
 oder eygene krafft sunder allein auff
 dich verlasse/O Herr gib vns gnad/
 das wir dich allzeyt volkommenlich
 fürchten vñnd allzeyt auff dein gütte
 hoffen/Amen. Herr vnser Got wir
 wollen dich allzeyt preysen/laß vnns
 nur sicher vñ mit rwe sein in deinem
 reych/vñnd laß vns durch deinen se-
 gen gnug haben was wir zu leyb vñ
 geyst bedürffen. Schick vnns dein
 wort/denn sunst pringts kein frucht

wo du es nit schickest. Laß es schnell
lauffen vnd thettig sein das es auff
daw was gefroren ist / das es weych
mach was hart ist / das es die kalten
hertzen erwerm vn d die bekümmerten
tröst / das es die vnwissenden lere / die
yrenden weyse vnd fire / das es die
todten erwecke zum ewigen leben /
Amen.

Der CXLVIII. psalm

Laudate dominū de celis: laudate eum in ex.

Gemeine pitt das Gott in allen creaturen
gelobt werde.

GIB vns lieber Herr gnad das
wir deine knecht dich allzeyt lo-
ben / vnd einen wundersamen Gott
auffrüffen in ansehen aller deiner cre-
aturen im hymel / auff erden vnd im
Meere / welche du alle ordenlich vnd
naturstriglich versihest / forderst vn
alle dirch dasselb wort enthetrest da

durch du sie geschafften hast/ vnd ein
 yetzliche richt jr werck auß nach dei-
 nem willen vnd wolgefallen/allein
 der eynige mensch strebt vergeblich
 vnd im zu schaden wider deinen wil-
 len/vnd vergift deiner eeren vñ sucht
 sein eygne eere. Ach lieber Herr Gott
 wie solt er anderst thun oder mügen
 die weyl er zu grundt verderbt vnd
 entwicht ist? Aber du lieber vatter
 besser/vernew vnd richt vns wider
 ein/tödt das wir von natur vñ von
 gepurt haben/vnd mach vns leben-
 dig vnd newe menschen durch deinen
 heyligen geyst/das wir vnser verges-
 sen vnd allein deine eere suchen vnd
 erhöhen deinen namen allein/das du
 auch erhöhest das horn vnser heyls
 vnd wir in dir gelobt werden/Amen.

Der CXLIX. psalm.

Cantate domino canticum nouum.

Gemeine pitt das das Euangelion
kressfig würd'e.

O Lieber Herr gib vns in vnsern
mundt ein newes lied in der: ver
newrung vnners hertzen / das wir
dir dasselb allzeyt singen inn der: ge
mein deiner heyligen. Laß vns freew
en vnnnd frölich sein inn dir vnserm
schöpffer vnd künig / das wir dich lo
ben in der freud des geysts vnnnd mit
freywilligem hertzen. Laß dir dein
volck wolgefallen / ziere die elenden
vnnnd erhöhe sie mit heyl. Laß deine
heyligen frölich sein in deiner eere // vñ
rühmen in iren gewissen. Gib gmad
das dich jr hals erhöhe vnnnd das sie
kressfiglich handelen durch dein
wort vnd geyst in jne selbst in den got
losen hürern vñ wider die lestrer // A.

Der CL. Psalm.

Laudate dominum in sanctis eius.

Gemeine pitt frölich Gott zu loben.

O Lieber Herr vnd Gott wir lo-
 ben dich in dir selber / der du pist
 vber alles lob. Wir loben dich in dei-
 ner heyligkeyt / der du allein heylig
 pist vñ durch dich allein werden wir
 heylig gemacht / Wir lobē dich in der
 festen deiner sterck die da ewig ist / vñ
 vns alle enthelt / Wir lobē dich in dei-
 ner gewalt vnd macht / da durch du
 selig machst vñ verdampt / Wir lo-
 ben dich inn der meng deiner herlig-
 keyt die on endt ist vnd wir dardurch
 auch herlich werden. Das wir aber
 solliches rechtschaffen mit frölichem
 willigen gemüt / vnd im yautzen vn-
 sers hertzen mügen ewigklich gethun
 so gib vns lieber Herr dein gnad vnd
 deinen heyligen geyst der vns allzeyt

✠

errege / füre / treyß vnd lere / Amen.
O Herr alles was attem hat muß
dich loben / der du jr aller leben poist /
aber der glaubigē ewigs leben durch
Jesum Christum vnsern Herren /
mit welchen seyst du hymelischer : va-
ter / sampt dem heyligē geyst ein Got
gelobt vnd gepreyßt in alle ewigkēeyt /

A M E N.

Register der Lateynischen
anfang der Psalmen / nach ord-
nung des Alphabets / wo
ein yeder pald hierinn
zu finden.

A

Ad dominum cum tribularer clamavi	137
Ad te domine clamabo	29
Ad te domine leuaui animam meam	25
Ad te leuaui oculos meos	138

Afferte domino filij dei 30
Attendite popule meus 88
Audite hec omnes gentes 53

B

Beati immaculati in via 132
Beati omnes qui timent 141
Beati quorum remisse sunt iniquitates 34
Beatus qui intelligit super egenum 44
Beatus vir qui non abiit 3
Beatus vir qui timet dominum 128
Benedic anima mea domino 115
Benedic anima mea domino 116
Benedicam domino in omni tempore 37
Benedictus dominus Deus 155
Benedixisti domine terram tuam 95
Bonum est confiteri domino 104

C

Cantate domino canticum novum 108
Cantate domino canticum novum 110
Cantate Domino 160
Celi enarrant gloriam Dei 18
Confitebimur tibi deus con. 85
Conserua me domine in. 13
Confitebor tibi domine in toto corde 9
Confitebor tibi domine 127
Confitemini domino et invocate 118
Confitemini domino quoniam bonus 119

Confitemini domino quoniam	120
Confitemini domino	131
Confitemini domino quoniam bonus	147
Confitebor tibi domine in toto corde.	149
Cum invocarem	5

D

Deprofundis clamaui ad te domine	142
Deus auribus nostris audiuius	47
Deus deorum dominus	53
Deus deus meus respice in me	21
Deus in adiutorium meum intende	80
Deus deus meus ad te de luce vigilo	70
Deus in nomine tuo saluum me fac	60
Deus iudicium tuum regida	82
Deus laudem meam ne tacueris	1123
Deus misereatur nostri	74
Deus uoster refugium	50
Deus quis similis erit tibi?	93
Deus repulisti nos in finem	68
Deus sicut in Synagoga	92
Deus venerunt gentes	89
Deus ultionum dominus	1106
Dilexi quoniam exaudiet	1130
Diligam te domine fortitudo nra	16
Dixi custodiam vias meas	42
Dixit dominus domino meo	1124

Ende des Lateynischen
Registers/

Register der Teutschen
anfeng nach dem rechten
Text der Psalmen.

A

Ach Herr wie ist meiner feyndt so vil	v
Ach Herr straff mich nit in deinem zorn	vij
Auff dich Herr traw ich mein Gott	vij
Auß der tieffen ruffe ich Herr zu dir	cxlj
An den wassern zu Babel sassen wir	cxlviij

B

Bewar mich Gott/ den ich traw auff	xij
------------------------------------	-----

D

Die narren sprechen in irem hertzen	xij
Die hymel erzelen die eere Gottes	xviij
Der Herr erhöre dich zu der zeyt der angst	xx
Der Herr ist mein hirtte	xxij
Die erde ist des Herren/ vnd was	xxiiij
Der Herr ist mein liecht vnd mein	xxviij
Der Herr der mechtige Gott hat geredt	liij

Die thoren sprechen in irem hertzen	lx
Du Hirte Israel höre/der du Joseph	lxx
Der Herr ist König worden vnd hat	lxxv
Der Herr ist König worden	lxxx
Der Herr ist König worden/des toben	lxxxv
Dancket dem Herrn/vnd prediget	lxxxviij
Dancket dem Herrn/dann er ist freund.	lxxxix
Dancket dem Herren / denn er ist freundeulich	lxxxix
vnd sein gütte weret ewigklich	lxxxix
Der Herr sprach zu meinem Herrn	lxxxviij
Da Israel auß Egypten zoch	lxxxix
Dancket dem Herrn das er so freund.	lxxxix
Die auff den Herrn hoffen	lxxxix
Da der Herr die gefencknuß Zion	lxxxix
Dancket dem Herren den er ist freund.	lxxxix

L

Erhöre mich wenn ich ruffe	lxxxix
Es ist gesagt in meinen hertzen	lxxxix
Erzürne dich nit vber dem bösen	lxxxix
Erret mich mein Gott vñ meinen feind.	lxxxix
Es stehe Gott auff/das seine feynde	lxxxix
Wyle Gott mich zu erretten	lxxxix
Es ist gut dem Herren zu dancken	lxxxix
Erret mich Herr von den bösen	lxxxix

S

Freuet euch des Herren jr gerechten	lxxxix
Srolocket mit henden alle vñ licher	lxxxix


G

Gott wilt haben mit vnsern oren gehöret	xlviij
Gott ist vnser zuuersicht vnd stercke	l
Groß ist der herr vnd hoch berümbe	liij
Gott sey mir gnedig nach deiner güte	lv
Gott höre mein gepet vnd entzeuch	lxij
Gott sey mir gnedig	lxviij
Gott der du vns verstoffen vñ zerstreu.	lxxiij
Gott du pist mein Gott frue wil ich	lxxv
Gott man ist still vñ lobt dich zu Zion	lxxviij
Gott sey vns gnedig vnd segene vns	lxxxiiij
Gott hilff mir denn die wasser sind	lxxxix
Gott gib dein gericht dem Könige	lxxxviij
Gott ist so gut dem Israel	lxxxviij
Gott warumb verstoffest du vns so	lxxxviiiij
Gott ist in Judea bekant	lxxxviij
Gott stehet in der gemein Gottes	xciiij
Gott schweyge dir nit vnd sey nit still	xcviij
Gott mein hertz ist bereyt ich wil	cxviij
Gott meines lobes schweyg nit	cxviij
Gedencke Herr an Dauid	cxliiiij
Gelobet sey der Herr mein hort	clviij

H

Herr höre mein wort merck auff mein	vj
Herr vnser herscher wie herlich ist dein	viiij
Herr warumb trittest du so ferne:	ix
Hilff herr die heyligen haben abgenumen	x

Herr wie lang wilt du mein so gar ver.	xj
Herr wer wird wonen in deiner hütten	xij
Herr höre die gerechtigkeit / merck auff	xiii
Herr der König frewet sich in deiner	xiiii
Herr richte mich denn ich gehe einher	xv
hert auff dich traw ich	xvi
Herr hader mit meinen hadern	xvii
Herr straff mich nit in deinem zorn	xviii
Höret zu alle völder	xix
Hilff mir Gott in deinem namen	xx
Höre Gott mein schreyen	xxi
Höre Gott mein stym in meiner klag	xxii
Herr ich traw auff dich	xxiii
Höre mein volck mein gesetze	xxiiii
Herr es sind Heyden in dein erbe	xxv
Herr du hast wolgefallen an deinem	xxvi
Herr neyge deine oren vnd erhöre mich	xxvii
Herr Gott meins heyls	xxviii
Herr Gott du pist vnser zufluchtwor.	xxix
Herr Gott des die rache ist	xxx
Herr höre mein gepet / vnd laß mein	xxxi
Herr ich wil dir dancken von ganzē	xxxii
Herr mein hertz ist nit stolz	xxxiii
Herr du erforschest mich vnd kennest	xxxiiii
Herr ich ruffe zu dir / eyle zu mir	xxxv
Herr erhöre mein gepett	xxxvi



XXXXX IX.87



Herr wie lang wile du mein so gar ver.
 Herr wer wird wonen in deiner hütten
 Herr höre die gerechtigteyt merck auff
 Herr der König strewet sich in deiner
 Herr richte mich denn ich gehe einher
 Herr auff dich traw ich
 Herr hader mit meinen hadern
 Herr trost mich nit in deinem arm

xxiij
 xxv
 xxviiij
 xxx
 xxxviij
 xliij
 xlix
 lxxi
 lxxxiij
 lxxxviij
 lxxxix
 xcviij
 xcviij
 cx
 cxv
 cxviiij
 cxliij
 cxlix
 cxliij
 cxliij



elag

dem

mich

wo:

ein

zē

rest